

大義覺

迷錄


大義覺

迷錄

MG
D092 52
1



3 1771 6029 2



大義覺迷錄

上諭自古帝王之有天下莫不由懷保萬民恩加四海膺

上天之眷命協億兆之歡心用能統一寰區垂庥奕世蓋生民之道惟有德者可爲天下君此天下一家萬物一體自古迄今萬世不易之常經非尋常之類聚羣分鄉曲疆域之私衷淺見所可妄爲同異者也書曰皇天無親惟德是輔蓋德足以君天下則天錫佑之以爲天下君未聞不以德爲感孚而第擇其爲何地之人而輔之之理又曰撫我則后虐我則仇此民心向背之至情未聞億兆之歸心有不論德而但擇地之理又曰順天者昌逆天者亡惟有德者乃能順天天之所與又豈因何地之人而有所區別乎我國家肇基東土

列聖相承保乂萬邦

大義覺迷錄



天心篤祐德教弘敷恩施遐暢登生民於衽席徧中外而尊親者百年於茲矣夫我朝既

仰承

天命爲中外臣民之主則所以蒙撫綏愛育者何得以華夷而有殊視而中外臣民既共

奉我朝以爲君則所以歸誠効順盡臣民之道者尤不得以華夷而有異心此揆之

天道驗之人理海隅日出之鄉普天率土之衆莫不知大一統之在我朝悉子悉臣罔敢

越志者也乃逆賊呂留良兇頑悖惡奸亂樂禍倣擾繫倫私爲著述妄謂德祐以後

天地大變亘古未經於今復見而逆徒嚴鴻逵等轉相附和備極猖狂餘波及於會

靜幻怪相煽恣爲毀謗至八十餘年以來天昏地暗日月無光在逆賊等之意徒謂

本朝以滿洲之君入爲中國之主妄生此疆彼界之私遂故爲訛謗詆譏之說耳不

知本朝之爲滿洲猶中國之有籍貫舜爲東夷之人文王爲西夷之人曾何損於聖

德乎詩言戎狄是膺荆舒是懲者以其僭王猾夏不知君臣之大義故聲其罪而懲

艾之非以其爲戎狄而外之也若以戎狄而言則孔子周遊不當至楚應昭王之聘

而秦穆之霸西戎孔子刪定之時不應以其誓列於周書之後矣蓋從來華夷之說

乃在晉宋六朝偏安之時彼此地醜德齊莫能相尙是以北人誠南爲島東南人指北爲索虜在當日之人不務修德行仁而徒事口舌相讎已爲至卑至陋之見今逆賊等於天下一統華夷一家之時而妄判中外謬生忿戾豈非逆天悖理無父無君蜂蟻不若之異類乎且以天地之氣數言之明代自嘉靖以後君臣失德盜賊四起生民塗炭疆圉靡寧其時之天地可不謂之閉塞乎本朝定鼎以來掃除羣寇寔宇又安政教興修文明日盛萬民樂業中外恬熙黃童白叟一生不見兵革今日之宇地清寧萬姓沾恩超越明代者三尺之童亦皆洞曉而尙可謂之昏暗乎夫天地以仁愛爲心以覆載無私爲量是以德在內近者則大統集於內近德在外遠者則大統集於外遠孔子曰故大德者必受命自有帝王以來其揆一也今逆賊等以冥頑狂肆之胸不論

天心之取舍政治之得失不論民物之安危疆域之大小徒以瑣瑣鄉曲爲阿私區區地界爲忿嫉公然指斥以遂其味棄彝倫滅廢人紀之逆意至於極盡狂吠之音竟敢指天地爲昏暗豈

皇皇上天鑒觀有赫轉不如逆賊等之智識乎且逆賊呂留良等以夷狄比於禽獸未知上天厭棄內地無有德者方

眷命我外夷爲內地主若據逆賊等論是中國之人皆禽獸之不若矣又何暇內中國而外夷狄也自詈乎詈人乎且自古中國一統之世幅輳不能廣遠其中有不向化者則斥之爲夷狄如三代以上之有苗荆楚獯狁即今湖南湖北山西之地也在今日而目爲夷狄可乎至於漢唐宋全盛之時北狄西戎爲邊患從未能臣服而有其地是以有此疆彼界之分自我朝入主中土君臨天下并蒙古極邊諸部落俱歸版圖是中國之疆土開拓廣遠乃中國臣民之大幸何得尙有華夷中外之分論哉從來爲君上之道當視民如赤子爲臣下之道當奉君如父母如爲子之人其父母即待以不慈尙不可以疾怨忤逆況我朝之爲君實盡父母斯民之道殫誠求保赤之心而逆賊尙忍肆爲訕謗則爲君者不知何道而後可也從前康熙年間各處奸徒竊發動輒以朱三太子爲名如一念和尙朱一貴者指不勝屈近日尙有山東人張玉假稱朱姓託於明之後裔遇星士推算有帝王之命以此希冀鼓惑愚民現被獲

軍統領衙門拿獲究問。從來異姓先後繼續前朝之宗姓，臣服於後代者甚多。若謂隱匿姓名伏處草野，從未有如本朝奸民假稱朱姓，搖惑人心，若此之衆者，似此蔓延不息，則中國人君之子孫遇繼統之君，必至於無噍類而後已。豈非奸民迫之使然乎？況明繼元而有天下，明太祖卽元之子民也，以綱常倫紀言之，豈能逃篡竊之罪，至於我朝之於明，則隣國耳。且明之天下，喪於流賊之手，是時邊患肆起，倭寇騷動，流賊之有名目者，不可勝數，而各村邑無賴之徒，乘機劫殺其不法之將弁兵丁等，又借征勦之名，肆行擾害，殺戮良民，請功以充獲賊之數。中國民人死亡，過半。卽如四川之人，竟致靡有孑遺之歎。其偶有存者，則肢體不全，耳鼻殘缺。此天下人所共知。康熙四、五十年間，猶有目覩當時情形之父老，垂涕泣而道之者。且莫不慶幸我朝統一，萬方削平，羣寇出薄海內外之人，於湯火之中而登之衽席之上。是我朝之有造於中國者大矣。至於厚待明代之典禮，史不勝書。其藩王之後，實係明之子孫，則格外加恩，封以侯爵，此亦前代未有之曠典。而胸懷叛逆之奸民，動則假稱朱姓，以爲構逆之媒。而呂留良輩，又借明代爲言，肆其分別華夷之邪說，冀遂其

叛逆之志此不但爲本朝之賊寇實明代之仇讐也且如中國之人輕待外國之人承大統者其害不過妄意詆譏蠱惑一二匪類而已原無損於是非之公倫常之大倫若外國之君入承大統不以中國之人爲赤子則中國之人其所托命乎况撫之則后虐之則仇人情也若撫之而仍不以爲后殆非順天合理之人情也假使爲君者以非人情之事加之於下爲下者其能堪乎爲君者尙不可以非人情之事加之於下豈爲下者轉可以此施之於上乎孔子曰君子居是邦也不非其大夫况其君乎又曰夷狄之有君不如諸夏之亡也夫以春秋時百里之國其大夫猶不可非况我朝奉

天承運大一統太平盛世而君上尙可謗議乎且聖人之在諸夏猶謂夷狄爲有君况爲我朝之人親被教澤貪德服嚮而可爲無父無君之論乎韓愈有言中國而夷狄也則夷狄之夷狄而中國也則中國之歷代以來如有元之混一區宇有國百年輻輳極廣其政治規模頗多美德而後世稱述者寥寥其時之名臣學士著作頌揚紀實當時之休美者載在史冊亦復燦然具備而後人則故爲貶詞槩謂無人物之可紀無

事功之足錄此特懷挾私心識見卑鄙之人不欲歸美於外來之君欲貶抑淹沒之耳不知文章著述之事所以信今傳後著勸戒於簡編當平心執正而論於外國人承大統之君其善惡尤當秉公書錄細大不遺庶俾中國之君見之以爲外國之主且明哲仁愛如此自必生奮勵之心而外國之君見是非之不爽信直道之常存亦必愈勇於爲善而深戒爲惡此文藝之功有補於治道者當何如也偷故爲貶抑淹沒略其善而不傳認其惡而妄載將使中國之君以爲既生中國自享令名不必修德行仁以臻郅隆之治而外國人承大統之君以爲縱能夙夜勵精勤求治理究無望於載籍之褒揚而爲善之心因而自怠則內地蒼生其苦無有底止矣其爲人心世道之害可勝言哉況若逆賊呂留良等不惟於我朝之善政善教大經大法概爲置而不言而更鑿空妄撰憑虛橫議以無影無響之談爲惑世誣民之具顛倒是非紊亂黑白以有爲無以無爲有此其誕幻譎張誑人聽聞誠乃千古之罪人所謂懸不畏死凡民罔不懲不待教而誅者也非祇獲罪於我國家而已此等悛邪之人胸懷思亂之心妄冀僥倖於萬一曾未通觀古今大勢凡首先倡亂之人無不身膏斧

鑽遺臭萬年矣以天下國家之鞏固豈烏谷鼠竊之輩所能輕言動搖耶當世運式微之時其首亂之人歷觀史冊從無有一人能成大事者如秦末之陳涉項梁張耳陳餘等以至元末之劉福通韓林兒陳友諒張士誠等雖一時跳梁究竟旋爲灰燼而唐宋中葉之時其草竊之輩接踵疊跡亦同歸於盡總之此等奸民不知君臣之大義不識天命之眷懷徒自取誅戮爲萬古之罪人而已夫人之所以爲人而異於禽獸者以有此倫常之理也故五倫謂之人倫是闕一則不可謂之人矣君臣居五倫之首天下有無君之人而尙可謂之人乎人而懷無君之心而尙不謂之禽獸乎盡人倫則謂人滅天理則謂禽獸非可因華夷而區別人禽也且天命之以爲君而乃懷逆天之意焉有不遭天之誅殛者乎朕思秉彝好德人心所同天下億萬臣民共具天良自切尊君親上之念無庸再爲剖示宣諭但檢邪昏亂之小人如呂留良等胸懷悖逆者普天之下不可言止此數賊也用頒此旨特加訓諭若平日稍有存此心者當問天捫心各發天良詳細自思之朕之詳悉剖示者非好辯也古昔人心淳樸是以堯舜之時都兪吁咈其詞甚簡逮至殷周之世人心漸不如前故殷盤周

誥所以誥誠臣民者往復周詳臆誠剴切始能去其蔽緇覺其愚蒙此古今時勢之不得不然者每見陰險小人爲大義所折理屈詞窮則借聖人之言以巧爲詆毀曰是故黑夫佞者不知孔子之以子路爲佞因子路何必讀書然後爲學之語而發蓋以無理之論而欲強勝於人則謂之佞所謂禦人以口給也若遇呂留良嚴鴻逵曾靜等逆天背理惑世誣民之賊而曉以天經地義綱常倫紀之大道使愚昧無知平日爲邪說陷溺之人豁然醒悟不致遭天譴而罹國法此乃爲世道人心計豈可以謂之佞乎天下後世自有公論著將呂留良嚴鴻逵曾靜等悖逆之言及朕諭旨一一刊刻通行頒布天下各府州縣遠鄉僻壤俾讀書士子及鄉曲小民共知之並令各貯一冊於學宮之中使將來後學新進之士人人觀覽知悉倘有未見此書未聞朕旨者經朕隨時察出定將該省學政及該縣教官從重治罪特諭

上諭朕荷

上天眷佑受

聖祖仁皇帝付托之重君臨天下自御極以來夙夜孜孜勤求治理雖不敢比於古之聖

君哲后然愛養百姓之心無一時不切於寤寐無一事不竭其周詳撫育誠求如像赤子不惜勞一身以安天下之民不惜殫一心以慰黎庶之願務期登之衽席而無一夫不得其所昏旰憂勤不遑寢食意謂天下之人庶幾知朕之心念朕之勞諒朕之苦各安生業共敦實行人心漸底於善良風俗胥歸於醇厚朕雖至勞至苦而此心可大慰矣豈意有逆賊曾靜遣其徒張熙投書於總督岳鍾琪勸其謀反將朕躬肆爲誣謗之詞而於我朝極盡悖逆之語廷臣見者皆疾首痛心有不共戴天之恨似此影響全無之事朕夢寐中亦無此幻境實如犬吠狼嗥何足與辯既而思之逆賊所言朕若有幾微愧歉於中則當回護隱忍暗中寢息其事今以全無影響之談加之於朕朕之心可以對

上天可以對

皇考可以共白於天下之億萬臣民而逆賊之敢於肆行誣謗者必更有大奸大惡之徒捏造流言搖衆心而惑衆聽若不就其所言明目張膽宣示播告則魑魅魍魎不公然狂肆於光天化日之下乎如逆書加朕以謀父之名朕幼蒙

皇考慈愛教育四十餘年以來朕養志承歡至誠至敬屢蒙

皇考恩諭諸昆弟中獨謂朕誠孝此朕之兄弟及大小臣工所共知者朕在藩邸時仰荷
皇考福庇安富尊榮循理守分不交結一人不與聞一事於間

安視膳之外一無沽名妄冀之心此亦朕之兄弟及大小臣工所共知者至康熙六十

年十一月冬至之前朕奉

皇考之命代祀

南郊時

皇考聖躬不豫靜攝於暢春園朕請侍奉

左右

皇考以

南郊大典應於齋所虔誠齋戒朕遵

旨於齋所致齋至十三日

皇考召朕於齋所朕未至暢春園之先

皇考命誠親王允祉淳親王允祐阿其那塞思黑允祿公允禔怡親王允祥原任理藩院

尚書隆科多至

御榻前

諭曰皇四子人品貴重深肖朕躬必能克承大統著繼朕卽皇帝位是時惟恆親王允祺

以冬至

命往

孝東陵行禮未在京師莊親王允祿果親王允禮貝勒允禩貝子允禕俱在

寢宮外祇候及朕馳至問

安

皇考告以症候日增之故朕含淚勸慰其夜戌時

龍馭止賓朕哀慟號呼實不欲生隆科多乃述

皇考遺語朕聞之驚慟昏仆於地誠親王等向朕叩首勸朕節哀朕始強起辦理

大事此當日之情形朕之諸兄弟及宮人內侍與內廷行走之大小臣工所共知共見

夫以朕兄弟之中如阿其那塞思黑等久蓄邪謀希冀儲位當茲授受之際儼然若
非親承

皇考付朕鴻基之遺詔安肯帖無一語俯首臣伏於朕之前乎而逆賊忽加朕以謀父之

名此朕夢寐中不意有人誣朕及此者也又如逆書加朕以逼母之名伏惟

母后聖性仁厚慈祥闔宮中若老若幼皆深知者朕受鞠育深恩四十年來備盡孝養深
得

母后之慈歡謂朕實能誠心孝奉而宮中

諸母妃咸美

母后有此孝順之子皆爲

母后稱慶此現在宮內人所共知者及

皇考升遐之日

母后哀痛深至決意從殉不飲不食朕稽顙痛哭奏云

皇考以大專遺付神人今

聖母若執意如此臣更何所瞻依將何以對天下臣民亦惟以身相從耳再四哀懇

母后始勉進水漿自是以後每夜五鼓必親詣

昭仁殿詳問內監得知

母后安寢朕始回苦次朕御極後凡辦理朝政每日必行奏

聞

母后諭以不欲與聞政事朕奏云臣於政務素未諳練今之所以奏

聞者若辦理未合可以仰邀

訓誨若辦理果當亦可仰慰

慈懷並非干預政事也嗣後朕每奏事

母后輒喜以

皇考付托得人有不枉生汝勉之莫怠之

慈旨

母后素有痰疾又因

皇考大事悲慟不釋於懷於癸卯五月舊恙舉發朕侍奉湯藥冀望痊愈不意遂至太劇朕向來有畏暑之疾哀痛擗踴屢次昏暈數月之內兩遭大事五內摧傷幾不能支此宮廷所共知者朕於

皇考

母后大事素服齋居三十月如一日除祭祀大典及辦理政事外所居之地不過屋宇五楹不聽音樂不事遊覽實盡三年諒陰之禮此亦內外臣工所共知者至於朕於現在宮中

諸母妃之前無不盡禮敬養今

諸母妃亦甚感朕之相待豈有

母后生我而朕孺慕之心有一刻之稍懈乎况朕以天下孝養尙缺於甘旨而於

慈親之前有所吝惜乎逆賊加朕以逼母之名此更朕夢寐中不意有人誣朕及此者也又如逆書加朕以弑兄之名當日大阿哥殘暴橫肆暗行鎮壓冀奪儲位二阿哥昏亂失德

皇考爲

宗廟

社稷計將二人禁錮比時曾有

硃筆

諭旨朕若不諱二人斷不可留此廣集諸王大臣特降之

諭旨現存宗人府朕卽位時念手足之情心實不忍祇因諸弟中如阿其那等心懷叵測固結黨援往往借端生事煽惑人心朕意欲將此輩徐徐化導消除妄念安靜守法則將來二阿哥亦可釋其禁錮厚加祿賜爲朕世外兄弟此朕素志也所以數年以來時時遣人賚予服食之類皆不令稱御賜不欲其行君臣之禮也二阿哥常問云此出自皇上所賜乎我當謝恩領受而內侍遵朕旨總不言其所自及雍正二年冬間二阿哥抱病朕命護守咸安宮之大臣等於太醫院揀擇良醫數人聽二阿哥自行選用二阿哥素知醫理自與醫家商訂方藥迨至病勢漸重朕遣大臣往視二阿哥感朕深恩涕泣稱謝云我本有罪之人得終其天年皆皇上保全之恩也又謂其

子弘誓云我受皇上深恩今生不能仰報汝當竭心盡力以繼我未盡之志及二哥病益危篤朕令備儀衛移於五龍亭伊見黃輿感激朕恩以手加額口誦佛號以上情事咸安宮宮人內監百餘人皆所日覲者及病故之後追封親王一切禮儀有加且親往哭奠以展悲憫其喪葬之費動支庫帑悉從豐厚命大臣等盡心辦理封其二子以王公之爵優加賜賚今逆賊加朕以弑兄之名此朕夢寐中不意有人誣謗及此者也又如逆賊加朕以屠弟之名當日阿其那以二阿哥獲罪廢黜妄希非分包藏禍心與塞思黑允穰允穰結爲死黨而阿其那之陰險詭譎實爲罪魁塞思黑之狡詐奸頑亦與相等允穰狂悖糊塗允穰卑污庸惡皆受其籠絡遂至膠固而不解於是結交匪類蠱惑人心而行險僥倖之輩皆樂爲之用私相推戴竟忘君臣之大義以致

皇考憂憤震怒

聖躬時爲不豫其切責阿其那也則有父子之情已絕之旨其他忿激之語皆爲臣子者所不忍聽聞朕以

君父高年憂懷鬱結百計爲伊等調停解釋以寬慰

聖心其事不可枚舉及

皇考升遐之日朕在哀痛之時塞思黑突至朕前箕踞對坐傲慢無禮其意大不可測若

非朕鎮定隱忍必至激成事端朕卽位以後將伊等罪惡俱行寬宥時時教訓望其

改悔前愆又加特恩將阿其那封爲親王令其輔政深加任用蓋伊等平日原以阿

其那爲趨向若阿其那果有感悔之心則羣小自然解散豈料阿其那逆意堅定以

未遂平日之大願恚恨益深且自知從前所爲及獲罪於

皇考之處萬無可赦之理因而以毒忍之心肆其桀驁之行擾亂國政顛倒紀綱甚至在

大廷廣衆之前詛呪朕躬及於

宗社此廷臣所共見人人無不髮指者從前朕遣塞思黑往西大同者原欲離散其黨不

令聚於一處或可望其改過自新豈知伊怙惡不悛悖亂如故在外寄書允禩公然

有機會已失悔之無及等語又與伊子巧編格式別造字樣傳遞京中信息縱於驛

夫衣襪之內詭計陰謀甚於敵國奸細有奸民令狐士儀投書伊處皆反叛之語而

伊爲之隱藏其他不法之處甚多不可勝數允懋賦性狂愚與阿其那尤相親密聽其指使昔年因阿其那謀奪東宮之案

皇考欲治阿其那之罪允懋與塞思黑在

皇考前袒護強辯致觸

聖怒欲手刃允懋比時恒親王允祺抱勸而止

皇考高年知伊愚逆之性留京必致妄亂啟釁後因西陲用兵特遣前往効力以疎遠之伊在軍前貪婪淫縱惡蹟種種及朕卽位降旨將伊喚回伊在朕前放肆傲慢犯禮犯分朕悉皆曲宥仍令奉祀

景陵竟有奸民蔡懷璽投書伊之院中造作大逆之言稱允懋爲皇帝而稱塞思黑之母爲太后允懋見書將大逆之語剪裁藏匿向該管總兵云此非大事可酌量完結卽此則其恃亂之心何嘗改悔耶允懋無恥昏庸貪劣因其依附邪黨不便留在京師故令送澤卜尊丹巴胡土克圖出口伊至張家口外託病不行而私自禱禱連書雍正新君於告文怨望慢褻經諸王大臣等以大不敬題叅朕俱曲加寬宥但思

若聽其閑散在外必不安靜奉法是以將伊禁錮以保全之伊在禁錮之所竟敢爲鎮壓之事經伊跟隨太監舉出及加審訊鑿鑿可據九祿亦俯首自認不能更辯一詞從前諸王大臣臚列阿其那大罪四十款塞思黑大罪二十八款九龜大罪十四款又特參九祿鎮壓之罪懇請將伊等立正典刑以彰國憲朕再四躊躇心實不忍暫將阿其那拘禁降旨詢問外省封疆大臣待其回奏然後定奪仍令太監數人供其便令一切飲食所需聽其索取不意此際阿其那遂伏冥誅塞思黑從西寧移至保定交與直隸總督李紱看守亦伏冥誅夫以

皇考至聖至慈之君父而切齒痛心於阿其那塞思黑等則伊等不忠不孝之罪尙安有得逃於

天譴者乎朕在藩邸光明正大公直無私諸兄弟之才誠實不及朕其待朕悉恭敬盡禮並無一語之爭競亦無一事之猜嫌滿洲臣工及諸王門下之人莫不知者今登大位實無纖毫芥蒂於胸中而爲報怨洩憤之舉但朕繼承

列祖

皇考基業負荷甚重其有關於

宗廟

社稷之大計而爲人心世道之深憂者朕若稍避一己之嫌疑存小不忍之規則是朕之

獲罪於

列祖

皇考者大矣古人大義滅親周公所以誅管蔡也假使二人不死將來未必不明正典刑

但二人之死實係冥誅衆所共知共見朕尙未加以誅戮也至於朕秉公執法鋤惡

除奸原不以誅戮二人爲諱若朕心以此爲諱則數年之中或暗賜鳩毒或遣人傷

害隨時隨地皆可隕其性命何必諮詢內外諸臣衆意僉同而朕心仍復遲迴不決

俾伊等得保首領以歿乎至充襪充礎將來作何歸結則視乎本人之自取朕亦不

能預定而目前則二人現在也朕之兄弟多人當阿其那等結黨之時於秉性聰明

稍有胆識者則百計籠絡使之入其匪黨而於愚懦無能者則恐嚇引誘使之依附

聲勢是以諸兄弟多迷而不悟墮其術中卽朕卽位以後而懷藏異志者尙不乏人

朕皆置而不問朕之素志本欲化導諸頑同歸於善俾朝廷之上共守君臣之義而
宮廷之內得聯兄弟之情則朕全無缺陷豈非至願無如伊等惡貫滿盈獲罪於

上天

皇考以致自速冥誅不能遂朕之初念此朕之大不幸天下臣庶當共諒朕爲國爲民之
苦心今逆賊乃加朕以屠弟之名只此一事天下後世自有公論朕不辯亦不受也

至逆書謂朕爲貪財朕承

皇考六十餘年太平基業富有四海府庫充盈是以屢年來大沛恩澤使薄海黎庶莫不
均霑如各省舊欠錢糧則蠲免幾及千萬兩江南江西浙江之浮糧則每年減免額
賦六十餘萬兩地方旱潦偶聞卽速降諭旨動帑遣官多方賑恤及災傷勘報之後
或按分數蠲除或格外全行豁免今年又降諭旨將被災蠲免分數加至六分七分
至於南北黃運河工提工興修水利開種稻田以及各省建造工程備辦軍需恩賜
賞賚所費數百萬兩皆令動支帑項絲毫不使擾民夫以額徵賦稅內庫帑金減免
支給如此之多毫無吝惜而謂朕爲貪財有是理乎祇因從前貪官污吏盡國殃民

卽置重典亦不足以蔽其辜但不教而殺朕心有所不忍故曲宥其死已屬浩蕩之恩若又聽其以貪婪橫取之資財肥身家以長子孫則國法何存人心何以示儆況犯法之人原有籍沒家產之例是以將奇貪極酷之員照例抄沒以彰憲典而懲貪污並使後來居官者知贓私之物不能入己無益有害不敢復蹈故轍勉爲廉吏此朕又安百姓整飭吏治之心今乃被貪財之謗豈朕不吝惜於數千百萬之帑金而轉貪此些微之贓物乎至於屬員虧空錢糧有責令上司分賠者蓋以上司之於屬吏有通同侵蝕之弊有瞻徇容隱之風若不重其責成則上司不肯盡察吏之道而侵盜之惡習無由而止是以設此懲創之法以儆惕之俟將來上官皆能察吏下寮羣知奉公朕自有措施之道若因此而謗爲貪財此井蛙之見烏知政治之大乎至逆書謂朕好殺朕性本最慈不但不肯妄罰一人卽步履之間草木螻蟻亦不肯踐踏傷損卽位以來時刻以祥刑爲念各省爰書及法司成讞朕往復披覽至再至二每遇重犯若得其一線可生之路則心爲愉快倘稍有可疑之處必與大臣等推詳講論期於平允六年以來秋審四經停決而廷議緩決之中朕復降旨察其情罪稍

輕者令行矜釋其正法及勾決之犯皆大逆大惡之人萬萬法無可貸者夫天地之道春生秋殺堯舜之政彌教明刑朕治天下原不肯以婦人之仁弛三尺之法但罪疑惟輕朕心慎之又慎惟恐一時疎忽致有纖毫屈枉之情不但重賸爲然卽笞杖之刑亦不肯加於無罪者每日戒飭法司及各省官吏等以欽恤平允爲先務今逆賊謂朕好殺何其與朕之存心行政相悖之甚乎又逆書謂朕爲酌酒夫酒醴之設聖賢不廢古稱堯千鍾舜百榘論語稱孔子惟酒無量是飲酒原無損於聖德不必諱言但朕之不飲出自天性並非強致而然前年提督路振揚來京陛見一日忽奏云臣在京許久每日進見仰瞻天顏全不似飲酒者何以臣在外任有傳聞皇上餽酒之說朕因路振揚之奏始知外間有此浮言爲之一笑今逆賊酌酒之說與此類也又逆書謂朕爲淫色朕在藩邸卽清心寡慾自幼性情不妬色欲卽儉以儉食人甚少朕常自謂天下人不好色未有如朕者遠色二字朕實可以自儉而謙王大臣近侍等亦共知之今乃謗爲好色不知所好者何色所寵者何人在逆賊詭造謠言豈無耳目而乃信口譏誚耶又逆書謂朕爲懷疑誅忠朕之待人無一事不關謫布

公無一處不推心置腹胸中有所欲言必盡吐而後快後無遊諛儻不信之事與律大臣也實視爲心膂股肱聯絡一體日以至誠訓諭臣工令諸臣亦咸喻朕懷仰感孚之膏至於年羹堯鄂倫岱阿爾松阿則朕之所誅戮者也年羹堯受

皇考及朕深恩忍於背負胸懷不軌幾欲叛逆其貪酷狂肆之罪經大臣等參奏九十二條揆以國法應置極刑而朕猶念其西藏青海之功從寬令其自盡其父兄俱剝離分其子之發遣遠方者今已開恩赦回矣鄂倫岱阿靈阿實奸黨之渠魁伊等之意竟將東宮廢立之權儼若可以操之於已當阿其那惡蹟敗露之時

皇考審詢伊之太監比將鄂倫岱阿靈阿同惡共濟之處一一俱出荷蒙

皇考寬宥之恩不加誅滅而伊等並不感戴悔過毫無畏懼愈加親密鄂倫岱仍敢強橫踞傲故意觸犯

皇考之怒當

聖躬高年願養之時爲此忿瀆恚恨臣工莫不切齒阿靈阿罪大惡極早伏冥誅伊子阿爾松阿傲效伊父之行更爲狡獪朕猶念其爲勦賊之後冀其洗心滌慮以蓋前愆

特加任用並令管理刑部事務而伊逆心未改故智復萌顛倒是非紊亂法律一日審理刑名將兩造之人用三木各夾一足聞者皆爲駭異又與鄂倫岱同在乾清門將朕所降諭旨擲之於地其他狂悖妄亂之處不可殫述朕猶不忍加誅特命發往奉天居住使之解散其黨羽尙可曲爲保全豈料二人到彼全無悔悟之念但懷怨望之心而在京之邪黨仍然固結牢不可破朕再四思維此等巨惡在天理國典斷不可赦於是始將二人正法至於蘇努則老奸大蠹罪惡滔天實逆黨之首惡隆科多則罔上欺君欺蹟昭著二人皆伏冥誅未膺顯戮逆書之所謂懷疑誅忠者朕細思朕於年羹堯鄂倫岱阿爾松阿三人之外並未誅戮忠良之大臣想逆賊卽以年羹堯鄂倫岱阿爾松阿蘇努隆科多等爲忠良乎天下自有公論也又逆書謂朕爲好諛任佞朕在藩邸四十餘年於人情物里熟悉周知讒諂面諛之習早已洞察其情僞而厭薄其卑污不若冲幼之主未經閱歷者也是以卽位以來一切稱功頌德之文屏棄不用不過臣工表文官員履歷沿習舊日體式作頌聖之句湊合成章朕一覽卽過不復留意日日訓諭大小臣工直言朕躬之闕失詳陳政事之乖差以忠

謙爲先以迎合爲戒是以內外諸臣皆不敢以浮夸頌禱之詞見諸言奏恐爲朕心之所輕今逆賊之所謂好諛任佞者能舉一人一事以實之否耶以上諸條實全無影響夢想不及之事而逆賊滅絕彝良肆行詆毀者必有與國家爲深讐積恨之人捏造此言惑亂衆聽如阿其那塞思黑等之奸黨被朕懲創拘禁不能肆志懷恨於心或貪官汙吏匪類棍徒怨朕執法無私故造作大逆之詞洩其私憤且阿其那塞思黑當日之結黨肆惡謀奪儲位也於

皇考則時懷忤逆背叛之心於二阿哥則極盡搖亂傾陷之術因而嫉妬同氣排擠賢良入其黨者則引爲腹心遠其黨者則視爲讐敵又如阿其那自盜廉潔之名而令塞思黑允禔允禵貪贓犯法橫取不義之財以供其市恩沽譽之用且允禵出兵在外盜取軍需銀數十萬兩屢次遣人私送與阿其那聽其揮霍前允禵之子供出阿其那亦自認不諱者又如阿其那殘忍性成逐日沉醉當朕切加訓誡之時尙不知改伊之護軍九十六以直言觸怒立斃杖下長吏胡什吞亦以直言得罪痛加箠楚推入水中幾至殞命允禵亦素性嗜酒時與阿其那沉湎輕生允禵又復漁色宣淫不

知檢束以領兵之重任尙取青海台吉之女及蒙古女子多人恣其淫蕩軍前之人誰不知之今逆書之毀謗皆朕時常訓誨伊等之事伊等既負疚於心而又銜怨於朕故卽指此以爲訕謗之端此鬼蜮之伎倆也且伊等之奴隸太監平日相助爲虐者多發遣黔粵烟瘴地方故於經過之處布散流言而逆賊曾靜等又素懷不臣之心一經傳聞遂借以爲蠱惑人心之具耳向因儲位未定姦元共生覬覦之情是以皇考升遐之後遠方之人皆以爲將生亂階暗行窺伺及朕繼承大統繼志述事數年以來幸無失政天人協應上下交孚而兇惡不軌之徒不能乘間伺釁有所舉動逆志迫切自知無得逞之期遂鋌而走險甘蹈赤族之罪欲拚命爲疑人耳目之舉耳殊不知實於朕無損也又逆書云明君失德中原陸沉夷狄乘虛入我中國竊據神器等語我朝發祥之始天生

聖人起濂長白山積德累功至於

太祖高皇帝天錫神武讞畧蓋世法令制度規模弘遠是以統一諸國遐邇歸誠闢劍辟

業迨

太宗文皇帝繼位踐祚德望益隆奄有三韓之地撫綏蒙古爲諸國之共主是本朝之於
明論報復之義則爲敵國論交往之禮則爲與國本朝之得天下較之成湯之放桀
周武之伐紂更爲名正而言順況本朝並非取天下於明也崇禎殉國明祚已終李
自成僭僞號於北京中原塗炭咸思得眞主爲民除殘去虐

太宗文皇帝不忍萬姓沉溺於水火之中

命將興師以定禍亂干戈所指流賊望風而遁李自成爲追兵所殺餘黨解散

世祖章皇帝駕入京師安輯畿輔億萬蒼生咸獲再生之幸而崇禎帝始得以禮殯葬此
本朝之爲明報怨雪恥大有造於明者也是以當時明之臣民達人智士帖然心服
罔不輸誠向化今之臣民若果有先世受明高爵厚祿不忘明德者正當感戴本朝
爲明復仇之深恩不應更有異說也況自甲申至今已八十餘年自祖父以及本身
履大清之土食大清之粟而忍生叛逆之心倡狂悖之論乎逆書云夷狄異類譬如
禽獸夫人之所以異於禽獸者幾希以其存心也君子以仁存心以義存心若僻處
深山曠野之夷狄番苗不識綱維不知禮法蠢然漠然或可加之以禽獸無異之名

至於今日蒙古四十八旗喀爾喀等尊君親上慎守法度盜賊不興命案罕見無奸僞盜詐之習有熙皞寧靜之風此安得以禽獸目之乎若夫本朝自關外創業以來存仁義之心行仁義之政卽古昔之賢君令主亦罕能與我朝倫比且自入中國已八十餘年數猷布教禮樂昌明政事文學之盛燦然備舉而猶得謂爲異類禽獸乎孔子曰夷狄之有君不如諸夏之亡也是夷狄之有君卽爲聖賢之流諸夏之亡君卽爲禽獸之類寧在地之內外哉書云皇天無親惟德是輔本朝之得天下非徒事兵力也

太祖高皇帝開創之初甲兵僅十三人後合九姓之師敗明四路之衆主

世祖章皇帝入京師時兵亦不過十萬夫以十萬之衆而服十五省之天下豈人力所能

強哉實道德感孚爲

皇天眷顧民心率從天與人歸是以一至京師而明之臣民咸爲我朝効力馳驅其時統

領士卒者卽明之將弁披堅執銳者卽明之甲兵也此皆應天順時通達大義輔佐

本朝成一統太平之業而其人亦標名竹帛勳鼎彝豈不謂之賢乎而得以禽獸

目之乎及吳三桂反叛之時地方督撫提鎮以至縣令武弁攻城破敵轉餉輓糧多半漢人也且多臨陣捐軀守土殉節者國史不勝其載歷歷可數又如三次出征朔漠宣力行間贊勳蕩平之勳者正復不少豈不謂之忠且義乎而得以禽獸目之乎卽如岳鍾琪世受國恩忠誠義勇克復西藏平定青海屢奏膚功赤心奉主豈非國家之棟梁朝廷之柱石乎如逆賊曾靜者乃漢人之禽獸也蓋識尊親之大義明上下之定分卽謂之人若淪喪天常絕滅人紀則謂之禽獸此理之顯然者也且夷狄之名本朝所不諱孟子云舜東夷之人也文王西夷之人也本其所生而言猶今人之籍貫耳况滿洲人皆恥附於漢人之列準噶爾呼滿洲爲蠻子滿洲聞之莫不忿恨之而逆賊以夷狄爲諂誠醉生夢死之禽獸矣本朝定鼎以來

世祖十八年建極開基

聖祖六十一年深仁厚澤朕卽位以後早夜憂勞無刻不以閭閻爲念是以

上天眷佑兩暘時若奸宄不興寰宇享昇平之福在昔漢唐宋極治之時不過承平二三十

十年未有久安長治如今日者百姓自韶胤之年至於白首不見兵革父母妻子家

室完聚此非朝廷清明庶績咸熙之所致乎且漢唐宋明之世幅員未廣西北諸虜皆爲勁敵邊警時聞烽烟不息中原之民悉索敝賦疲於奔命亦危且苦矣今本朝幅員弘廣中外臣服是以日月照臨之下凡有血氣莫不額手稱慶歌詠太平而逆賊謂乾坤反覆黑暗無光此又瘦犬鵲鴉之吠鳴禽獸中之最惡者矣或逆賊之先世爲明代之勲戚故懋懋於明乎今昌平諸陵禁止樵採設戶看守每歲遣官致祭

聖祖屢次南巡皆親謁孝陵奠酌實自古所未有之盛典朕又繼承

聖志封明後以侯爵許其致祭明代陵寢雖夏商周之所以處勝國之後無以加矣若逆

賊果心念前明更當感切肺腑夢寐之中惟本朝崇奉而猶云內中國而外夷狄乎

此逆賊也非惟在本朝爲漢人之禽獸卽在明代亦一禽獸且其意非僅比本朝爲

禽獸其視明代亦一漠不相關之禽獸耳又云五六年內寒暑易序五穀少成恒雨

恒暘荆襄岳常等郡連年洪水滔天吳楚蜀粵旱澇時聞山崩川竭地暗天昏夫天

時水旱關乎氣數不能保其全無所恃人力補救耳如堯有九年之水湯有七年之

旱曾無損於一帝一王賢聖之名但朕自嗣位以來賴

天地

祖宗之福庇陰陽和順風雨時調五穀豐收農民樂業各省之內間有數州縣旱澇不齊卽令動帑賑濟民獲安全湖廣惟上年江水泛漲有傷禾稼卽特發帑金築堤捍禦此天下臣民所共知者幸六年之內各省薄收之處不過數州縣耳倘遇大水大旱不知又作何幸災樂禍之說也方今天下凡有知識之人以及草木昆蟲皆居於戴高履厚之內而云地暗天昏蓋逆賊之心昏暗入於鬼道固不知有天地矣至云

孔廟既燬朱祠復災

孔廟之不戒於火唐宋皆有之明弘治時被災尤甚弘治非明代之賢君乎若以此爲人君之不德所致則將來叛逆之徒必藉此煽動人心至有縱火焚燬以及各府州縣

文廟者逆賊旣稱東魯腐儒附於聖人桑梓而忍爲此言爭若朱祠之焚未知果有其事否祖朱子祠宇遍天下偶一被火卽關君德則諸儒之祠寧何窮寧能禦其一無固祿之災乎至彗五星聚黃河清爲陰盡陽生亂極轉治之機夫果至亂極之時有

此嘉祥猶可附會其說今天下吏治雖不敢曰盡善然已大法小廉矣民生雖不獲曰又安然已衣食粗足矣四方無事百姓康樂戶口蕃庶田野日闢正萬國咸寧之時而乃云亂極乎且食草木者何人積屍者何地逆賊能確指之乎昧心喪理總不舉首仰觀於天也

吳蒼之所以恩眷本朝者歷代未有若斯之厚而且顯也朕卽位之初

孝陵蕃草叢生六年之秋

景陵芝莢產於

寶城山上以至雙岐五秀之嘉禾九穗盈尺之瑞穀五星聚於奎壁黃河清於六省駢實

連林之應卿雲甘露之祥朕雖不言禎符而自古史冊所暨稱而罕覩者莫不備臻而畢具而逆書則云山崩川竭試問此數年來崩者何山竭者何川能指出一二否乎夫災異之事古昔帝王未常諱言蓋此乃上天垂象以示儆也遇災異而能恐懼修省即可化災爲福矣遇嘉祥而或侈肆驕矜必致轉福爲災矣朕於此理見之甚明信之甚篤故每逢

上天錫福昭示嘉祥寤寐之間倍加乾惕並飭內外臣工共深敬謹若涉冰淵所頒諭旨已數十次朕豈敢欺

天而爲此不由衷之語耶數十年來凡與我朝爲難者莫不上干

天譴立時殄滅如內地之三逆外藩之察哈爾噶爾丹青海西藏等偶肆跳梁卽成灰燼又么麼醜類如汪景祺查嗣庭蔡懷璽郭允進等皆自投憲網若有鬼神使之者今

逆賊會靜又復自行首露設逆賊但閉戶著作肆其狂悖不令張熙投書於岳鍾琪其大逆不道之罪何人爲之稽察不幾隱沒漏網乎而天地不容使之自敗朕實感幸之昔明世嘉靖萬曆之時裨官野史所以誣謗其君者不一而足如憂疑竅議錄彈園雜志西山日記諸書咸訕誹朝廷誣及宮壺當時並未發覺以致流傳至今惑人觀聽今日之兇頑匪類一存悖逆之心必曲折發露自速其辜刻不容緩豈非

上天厚恩我朝之明徵歟又云自崇禎甲申以至今日與夫德祐以迄洪武中間兩截世界百度荒場萬物消蕪無當世事功足論無當代人物堪述夫本朝豈可與元同論哉元自世祖定統之後繼世之君不能振興國家政事內則決於宮闈外則委於宰

執綱紀廢弛其後諸帝或欲創制立法而天不假以年所以終元之世無太有爲之

君本朝自

太祖

太宗

世祖聖聖相承

聖祖在位六十二年仁厚恭儉勤政愛民乾綱在握總攬萬幾而文德武功超越三代曆

數綿長亘古未有朕承嗣鴻基以敬

天法

祖爲心用人行政無一不本於至誠六年以來晨夕惕厲之心實如一日朕雖涼德慙勉

效法

祖宗不敢少懈是豈元政之可比哉且元一代之制作及忠孝節義之人物亦史不勝書

元史獨非明洪武時之所編輯乎其稱太祖則云深沉有大略用兵如神稱世祖則

云度量弘廣知人善任信用儒術立經陳紀是明之於元帝譽美如此而云無當世

事功足論乎且元史專傳之外其儒學循良忠義孝友諸傳標列甚衆而云無當代人物堪述乎元史係明太祖所修而逆賊云爾是厚誣明太祖矣乃稱欲爲明復仇乎夫天眷帝德以爲保定朕惟兢兢業業夙夜基命則自蒙

上天嘉佑歷世永享太平爲內外一家之主豈一二禽獸之吠鳴可以惑人心而淆公論哉人生天地間最重者莫如倫常君臣爲五倫之首較父子尤重天下未有不知有親者卽未有不知有君者况朕之俯視萬民實如吾之赤子朕清夜捫心自信萬無遭謗之理而逆賊之恣意毀謗果何自而來乎夫造作蜚語捏飾誣詞加之平等之人尙有應得之罪今公然加之於君上有是理乎何忍爲乎朕思秉彝之良人所同具宇宙億萬臣民無不懷尊君親上之心而逆賊獨秉乖戾之氣自越於天覆地載之外自絕於綱常倫紀之中可恨亦可哀矣逆賊之所詆毀者皆禽獸不爲之事而忍心加之於朕朕實不料吾赤子之內有此等天良盡喪之人普天率土之臣民定不爲其所惑於萬一但天壤間既有此誕幻怪異之事則天下之人情不可以常理測度或者百千億萬人之中尙有一二不識理道之人聞此流言而生幾微影響之

疑者是以特將逆書播告於外並將宮廷之事宣示梗概使衆知之若朕稍有不可自問之處而爲此布告之詞又何顏以對內外臣工萬方黎庶將以此欺

天乎欺人乎抑自欺乎朕見逆賊之書坦然於中並不忿怒且可因其悖逆之語明白曉

諭俾朕數年來寢食不違爲

宗社蒼生憂勤惕厲之心得白於天下後世亦朕不幸中之大幸事也特諭

奉

旨問訊曾靜口供十三條

問曾靜

旨意問你上岳鍾琪書內云道義所在民未嘗不從民心所繫天未嘗有違自古帝王

能成大功建大業以參天地而法萬世者豈有私心成以介於其胸等語我朝積德

累功至

太祖高皇帝神武蓋世統一諸國成開創之功

太宗文皇帝弘繼統之業

世祖章皇帝建極綏猷撫臨中外此正順天命從民心成大功建大業參天地而法萬世之至道也你生在本朝不知

列祖爲天命民心之所歸而云道義所在民未嘗不從民心所繫天未嘗有違是何所指曾靜供彌天重犯這些話是泛說自古帝王之興與帝王之在位皆是順天命得民心的天命順民心從而興起在位卽是道義之當然彌天重犯生長楚邊山谷本鄉本邑以及附近左右並沒有個達人名士在朝而所居去城市又最遠所以盛朝功績傳聞不到直至舊年到省城以至於帝畿見聞漸廣方知東海龍興 列祖 列聖承承繼續不惟非漢唐宋明所及直邁三代成周之盛蓋天地精英日流日開上世渾噩人文未起積到成周而太和翔洽文明太著然天之篤生聖人以開治者在周亦惟算文武二聖爲極至豈若本朝疊疊相因日遠日大愈久愈光自太祖高皇帝神武蓋世開創王基太宗文皇帝繼體弘業統一諸國世祖章皇帝建極綏猷撫臨中外聖祖仁皇帝深仁厚澤徧及溥海迨至我皇上天亶聰明恢弘前烈已極禮明樂備海晏河清此正是天命民心所

歸乃道義之當然參天地法萬世爲天運文明之隆會從前彌天重犯實實陷於不知不是立意要如何以自外於聖世

問會靜

旨意問你書內云天生人物理一分殊中土得正而陰陽合德者爲人四塞傾險而邪僻者爲夷狄夷狄之下爲禽獸等語禽獸之名蓋以居處荒遠語言文字不與中華相通故謂之夷狄非生於中國者爲人生於外地者不可爲人也人與禽獸同徃夷地之中同稟陰陽之氣得其靈秀者爲人得其偏異者爲禽獸故人心知仁義而禽獸無倫理豈以地之中外分人禽之別乎若如你所說則中國陰陽和會之地只應生人之一類不應復有禽獸並育其間矣何以徧中國之地人與禽獸雜然共居而禽獸之族比人類爲尤多且卽人類之中還生出你這等叛逆狂悖淪喪天良絕滅人理禽獸不如之物來呢你有什么說處

會靜供天生人物理一分殊其有分別實以理之偏全不在所居之內外彌天重犯議書淺少義理看不透徹妄意以地之遠近分華夷初不知以人之善惡爲華

夷今日伏讀皇上諭旨謂如你所說中國只應生人之一類不應德有禽獸並其
其間矣義更精實理更顯明雖頑石無知亦應靈動了况本朝之興列聖相承真
古所無萬國咸寧歷代罕覩且南關輻員之廣聲教四訖自有生民以來到今日
而極盛又聖祖皇帝承天眷顧之篤厚享年之久三代以來所無況更有幾多善
政善教緯地經天開萬世之弘基立百王之大法所謂考諸三王而不謬建諸天
地而不悖質諸鬼神而無疑百世以俟聖人而不惑者正於今日見之矣所以聖
祖皇帝賓天詔到雖深山窮谷亦莫不奔走悲號如喪考妣即以彌天重淵冥頑
無知至此亦曾廢食輟飲慟哭號涕被素深山居喪盡制然在當時皆起於心之
不及覺發於情之不容已非有所爲而爲也若非聖德隆厚皇恩浩大何以使民
至此今日聖祖皇帝在天之靈猶或洞鑒只爲向見春秋有華夷之辨錯會經旨
所以發出誕妄狂悖言語其實到今日方曉得經文所說只因楚不尊王故讓之
而本朝之興與經文之所指天懸地隔彌天重犯因思天地之內無氣不通無理
不到華夷之辨固不可以地言即以地言亦無定限天地精英之氣自散母遠而

且循環無常今日二五之精華盡鍾於東土諸夏消磨蕩然空虛是實話實理况夷狄本是論人亦善惡五性克全無所虧欠爲人五性濁雜不忠不信爲夷狄孟子既稱大舜文王爲東西夷所生又詆楊朱墨翟之無父無君爲禽獸是中國豈無夷狄要荒豈無聖人至於有明之世非魯衛齊晉之舊而本朝之興直邁成周之轍更不待言彌天重犯識淺見小未曾經歷又得這些無知流言夾雜胸中所以有此妄言悔罪無及彌天重犯記得前面兩次親供前供就人而論看得天地精英之氣愈開愈遠循環無常不以地限而後供指出有明之世非魯衛齊晉之舊而本朝之興直邁成周之轍以今看來益覺自信無疑悔罪無及是彌天重犯雖昔同禽獸今蒙金丹點化幸轉人胎矣

問會靜

旨意問你書內云聰明睿智仁能育萬物義能正萬事禮能宣萬化智能察萬類信能孚萬邦者天下得而尊之親之慨自先明君喪其德臣失其守中原陸沉夷狄乘虛竊據神器乾坤反覆地塌天荒八十餘年天運衰歇天震地怒鬼神號等語從來

皇天無親惟德是輔我

太祖

太宗

世祖聖聖相承

聖祖在位六十二年深仁厚澤浹髓淪肌正所謂聰明睿智仁育萬物義正萬事禮宣萬

化智察萬類信孚萬邦者也

天與人歸懋昭大德凡有血氣莫不尊親蓋

列祖之至德感孚奉若

天道者爲從古之極盛是以

皇天之保佑申命恩厚於我朝者爲從古之極隆若謂乾坤反覆地場天荒而我朝八十

餘年以來享承平之福凡叛逆之徒稍稍奸回卽滅不旋踵是豈天震地怒鬼哭神

號皆無可奈何而人力竟可勝天乎此非敢於誣詆我朝乃敢於誣詆

上天矣會譯你有什么說處

大義覺迷錄

四十三

曾靜供彌天重犯所說必聰明睿智而兼具五性之全德乃是尊貴天位之語到今日看來列祖列聖之聰明睿智仁義禮智信之施於溥海內外者固已共信爲聖神之極致我皇上御極以來聖德神功上承列祖尤無纖毫不愜於民心惟彌天重犯爲謠言蠱惑遂戴天不知天之高履地不知地之厚出入作息竟忘帝力於何有以是釀成大惡身陷亂賊直到舊冬得聞欽差大人宣傳聖德之大涵育宇宙又伏讀聖諭諄諄光被四表始覺心神開豁脫然得悟從前之非然耳雖聞聖德心雖服聖教目實未曾親見有道盛世的光景昨奉解來京自湖南而湖北以抵河南由河南而到直隸京城所過都邑省郡自野及市歷人歷境不知凡幾萬千但見民康物阜風景和平生其間者皆氣象古茂性習淳厚治化休明太精翔洽油然而共慶太平有道之世若不是皇上聰明睿智仁育萬物義正萬事禮宣萬化智察萬類信孚萬邦休養撫育勵精不倦爲從古所未有何以民心愛戴休徵齊著天眷隆篤至此到此愈覺從前錯誤之罪大彌天無地自容惟日自痛悔號泣而已至若謂中原陸沉以下等語總因錯聽謠言錯解經義一個病根一路

直錯到底今日雖萬死亦所宜然更何能稍置一喙

問曾靜

旨意問你書內云土田盡爲富戶所收富者日富貧者日貧等語自古貧富不齊乃物之情也凡人能勤儉節省積累成家則貧者可富若游惰侈汰耗散敗業則富者亦貧富戶之收併田產實由貧民之自致窘迫售其產於富戶也今你說土田爲富戶所收其果自雍正元年以後富者始收民之土田乎抑康熙年間富者已收民之土田乎其果自本朝以前若明若宋若漢唐之代民間皆貧富均齊乎抑自古以來民間卽有富者收民之土田乎你以富者日富貧者日貧俱歸咎於君上有何理據呢

曾靜供此是太平日久民間輾轉積而成弊固自然之勢不關君上事亦漢唐以來的通弊不起於本朝但本朝歷聖相繼承平之久亘古少及而皇上御極以來德盛民化風清弊絕民間無絲毫煩擾而惟田業一項富戶安於有餘貧民常苦不足輾轉流弊土田將多爲富戶所收此際似正須裁成輔相因妄謂斯民所仰望君上者在酌盈劑虛莫多益寡聖人成能宜不忍任物情之自流此是彌天孽

犯山鄙之粗見不通世事之愚論豈知貧以游惰而致富因勤儉而得此等不齊自天降下民已然原非人力之所能挽蓋天之生物不齊因五氣雜揉不能一致人之昏明巧拙才質不同乃造化之自然雖天亦無可如何人之貧富視乎作爲營辦作爲營辦又視乎才力之巧拙昏明此自然之理勢也况天道福善禍淫更幽遠莫測其窮困者安知不是天厄之其豐亨者安知不是天相之乎皇上以撫育爲心舉一世而涵濡之豈願其有此得聖諭點化更覺分明

問曾靜

旨意問你書內云到處呼號怨恨切日喪偕亡之願等語這呼號怨恨的確是何人確在何地確有何被虐之事確有何願喪之情須一一據實供來

曾靜供這等呼號的乃是洞庭湖濱偶被水災不能安業之民蓋人生疾病痛苦饑寒勞瘁忍耐不過多呼天呼父母此情之不容自己者而小民太平日久素享豐盈偶爾被水覺苦不聊生曾不如他郡他邑之羣歌大有皇上痼瘼赤子發帑賑濟存留者雖沐恩惠而散流輾轉者或遠不徧及其逃於外的間有呼號彌天

重犯不能廣覽遠稽故有此語其實寒暑怨咨何傷天地之大况沐恩者久且多未徧者暫而少不獲安業者以湖南計之不過百分之一以普天下計之尙不及億萬分之一乎此個緣故到今方知

問曾靜

旨意問你書內云戴皇祖之仇以爲君且守死盡節於其前又有俯首屈節盡忠於匪類等語曾靜以岳鍾琪之遠祖武穆王稱爲皇祖者是奉岳鍾琪爲主而已爲其臣子也且曾靜狂言以春秋大義自居其逆書有云人臣之擇主如女子之從夫爲臣者事非其主而失身如女子已嫁於人而再醮等語岳鍾琪假若依曾靜之說而叛本朝是岳鍾琪爲不能守死盡節而再醮者矣而曾靜又臣事於岳鍾琪是又失身再醮之人矣曾靜以岳鍾琪之臣事本朝爲屈節盡忠於匪類則曾靜之願奉岳鍾琪爲君豈不爲匪類中之匪類乎且逆書內以岳鍾琪爲岳飛之後稱功頌德及欽差訛問時又盛言本朝之恩澤勳業未知曾靜之心仍欲臣事岳鍾琪乎抑願臣事本朝乎如願臣事本朝則曾靜不亦屈節於匪類乎設岳鍾琪爲曾靜鼓惑未知曾

靜此時以岳鍾琪爲是乎抑爲匪類也可一一訊問令其逐條供明

曾靜供彌天重犯本心毫無所爲只爲誤聽謠言錯解經義故一切大義大分都至混淆加以聞見狹隘不知本朝世德之隆得統之正深仁厚澤之久而且洽靡以上書岳鍾琪種種悖謬直是痛悔無及蓋人臣之擇主固如女子之從夫今岳鍾琪以文武全材篤生聖神之世而事聖神之君正如臯夔之事堯舜伊周之事湯武不但如正女之從賢夫而已者固萬無可叛之義亦決無或叛之心而彌天重犯以誤聽流言遂至冒昧上書不惟自昧君臣之大義而并勸人以不忠是微如蜂蟻尙知有君臣毒如蛇虎尙不忘恩報而覩然人面直匪類之不若也迨至去冬奉欽差大人審問傳宣聖德已知從古盛世帝王莫與倫比而且詳告本朝來龍興功德事事仁至義盡得統之正全是天與人歸蓋本朝來撫萬國之初明愍帝已身殉國難而李賊猖狂中原塗炭毒逾水火世祖章皇帝不煩一兵不折一矢而天下感戴率從如赤子之依父母較之湯武昔嘗爲夏殷諸侯而臨時不免兵戈者更名正言順神武而不殺彌天重犯得聞此義始如墜深淵而痛哭追

悔萬死莫及嗣後蒙大人仰遵皇上高厚深恩一路撫惜到京而彌天重犯自長沙以抵京師沿途目之所見盡是聖世隆景耳之所聞莫非聖德仁聲且當身親被又有幾多破格恩典而一到京師出之囹圄居以廣廈給食賜衣彌天重犯生長山陬不知聖天子憂切民瘼曲諒民難哀矜民隱竟及於極惡重囚萬死莫赦之徒直至如此彌天重犯雖同草木無知頑石無靈亦當翻然感化故在當時岳鍾琪幸而怒斥得免亂賊之名萬一誤見聽從不惟彌天重犯爲萬世亂賊之罪魁而岳鍾琪亦不免爲萬世亂賊之巨惡了岳鍾琪之守正固益顯其爲聖世之良臣而彌天重犯到此尙有何別義可以借口只痛恨謠言之害人遂至陷身於大惡而莫解然猶幸到今日尙得接天語下詰省悟以翻身縱不敢望苟免倖生得爲聖世之民然得聞大義而知前此之非是卽爲聖世之鬼亦所甘心矣至若奉岳鍾琪爲君而已爲其臣子在彌天重犯初無此心其稱彼遠祖爲皇祖者乃是見得禮經自諸侯以下繫有皇考皇伯父之號故欲用三代以上稱呼而妄耳蓋當時止做旁人獻議未卽輸身歸順總之大義既錯罪大惡極一路皆錯尙有

何是處可言惟千萬叩首感激隆恩盛德自協欲爲聖世之民而不可得至於臣事本朝乃天經地義之當然又曷嘗自卽於匪類乎

問曾靜

旨意問你書內云明亡之恨等語前明之亡國亡於流寇李自成之手與我朝毫無干涉自有明之季政教不修綱紀廢弛內則盜賊紛起李自成等擾亂殘虐淪陷京師外則邊警時聞各處蒙古外藩皆爲勁敵是蹂躪中國消耗明之元氣非獨本朝也况我

太祖創業以來並無取明之天下之心

太宗皇帝曾勒兵入關徇地直至山東臨清周視京城縱獵南苑數日乃歸明朝並不能

一矢加遺彼時若欲取明之天下豈不易如反掌蓋我

祖宗列聖惟冀熄兵安民解仇釋怨屢欲與明朝和好而明之君臣總置之不問迨李自成已陷北京明愍帝殉國而死明祚已絕明位已移始請兵我朝來除寇亂

太宗皇帝命將興師兵至山海關一戰而勝李自成二十萬之衆望風逃竄席捲長驅是

以我

世祖皇帝君臨萬邦廓清羣寇救億萬臣民於水火之中爲明朝報仇雪恥是我朝深有德於前明顯然著明可白萬世者也我朝得國較之湯武征誅更爲名正言順何明亡之有恨乎以李自成之橫行中原所過殘破明朝糜餉百萬曾不能少抗其鋒賊兵一至城下長驅直入李自成睡手得明之天下是明之兵力萬萬不如流寇甚明當李自成既陷京師之後其志方張精銳之鋒未嘗少挫更增明之叛臣降卒以助其勢而我朝兵威甫及如摧枯拉朽只經山海關一戰流賊卽亡魂奪魄奔逃潰敗由是而論我朝之兵力聲勢與明何啻相懸霄壤乎設若取明之天下已早取矣何待流賊之摧殘乎惟以仁義爲心不肯代有其國本朝之光明正大若此今你懷叛逆之心若在明朝卽是流寇李自成而乃以明亡致恨爲詞曾不反心自問乎你還有何說

曾靜供這個源頭彌天重犯從前全然不知蓋因失父太早獨居山僻窮陋者已數十餘年左右附近不惟無史冊可以借觀稽考而鄉黨隣里並無知事老成傳

聞但知本朝代明而有天下初不知有明之天下早已失之於流寇之手直至奮冬聞大人之說後又得仰讀聖諭乃知本朝全是以仁義而興直駕千古爾莫聽其弘功偉績之在當世不惟明之君臣感其恩戴其力即在當時之草木亦莫不被德而蒙惠蓋有明之季上下怠慢政教全然蕩廢不舉綱紀頽然倒墜不整內則任宦官把持國政外則聽諸藩剝削民力荒淫縱恣無禮無學遂致民不聊生奔入賊黨四起爲敵在外官兵望風而靡所以賊得長驅直抵京師當此之時生民流離困苦殘殺慘掠直不啻如水火之告急太宗皇帝龍興東海政舉教修仁聲仁術施及溥海內外並未萌一點取天下之心曾勒兵入關縱獵南苑以期爲明解仇釋怨熄兵而安民而明之君臣竟置之不問由是振旅東歸當時若有一毫利天下之心取明直如反掌之易耳又何待賊陷京城愍帝身殉國難明祚已絕明位已移請求除寇安亂而後興師命將乎卽此一舉較之武王觀兵孟津以冀紂惡之改悔心事更光明正大表裏無憾况入關一戰而勝季自成二十萬之衆流寇亡魂奪魄潰散奔逃掃蕩廓清當時天下之衆如出深淵如覩父母世祖

皇帝由是發政施仁撫臨天下救億萬生靈之苦於水火之中而天下之感戴者不惟在明之君臣雪恥復仇啣結莫報而爲億萬生靈救死扶生其大德直與天地同流由是看來湯武雖以仁興而君臣一倫猶不能脫然無憾所以當時成湯不免有慚德武庚不免以殷叛豈若本朝之有天下得於流賊之手名正言順明臣漢人皆感激深切樂爲効力致死者乎彌天重犯從前陷於不知任臆狂悖妄引春秋以自誤所以有明亡之恨等語到今知之痛悔流涕幾不欲生而且蒙恩高厚更覺無地自容了復有何說

閻曾靜

旨意問你書內云春秋大義未經先儒講討有明三百年無一人深悉其故幸得東海夫子秉持撐柱等語孔子成春秋原爲君臣父子之大倫扶植綱常辨定名分故曰孔子成春秋而亂臣賊子懼今曾靜以亂臣賊子之心託春秋以爲說與孔子經文判然相背無怪乎明三百年無一人能解不但元明之人卽漢唐宋以來之儒亦無人能解也惟逆賊呂留良兇悖成性悍然無忌與曾靜同一亂賊之性同一亂賊之

見所以其解畧同耳曾靜之惡逆大罪肆詆朕躬已爲自古亂臣賊子所罕見而呂留良譸張狂吠獲罪於

聖祖其罪萬死莫贖宜曾靜之服膺傾倒以爲千古卓識可問曾靜呂留良所說春秋大義如何昭然大白於天下呂留良還是域中第一義人還是域中第一叛逆之人著他據實供來

曾靜供稱天重犯僻處山谷離城甚遠左右鄰里無讀書士子良師益友就正因應試州城得見呂留良所選本朝程墨及大小題房書諸評見其論題理根本傳注文法規矩先進大家遂據僻性服膺妄以爲此人是本朝第一等人物舉凡一切言議皆當以他爲宗其實當時並未曾曉得他的爲人行事何如而中間有論管仲九合一匡處他人皆以爲仁只在不用兵車而呂評大意獨謂仁在尊攘爾天重犯遂類推一部春秋也只是尊周攘夷却不知論語所云攘者止指楚國而言謂僭王左衽不知大倫不習文教而春秋所擯亦指吳楚僭王非以其地遠而擯之也若以地而論則陳良不得爲豪傑周子不得承道統律以春秋之義亦將

擯之乎况舜爲東夷之人文王爲西夷之人其說載於孟子更大昭著者也由是看來在當時呂留良固爲背謬之極而彌天重犯信而宗之尤爲失之千里矣但呂留良議論彌天重犯所見者止此其餘文字著作並不會見過惟到雍正五年有學徒張熙到浙江購書到呂家傳得呂留良題如此江山圖及錢墓松歌詩彼時聞之不覺驚異不敢信以爲然隨復得謠言疊疊惑亂遂疑他的話是實且妄悔當身大義之不能早聞今奉旨將呂留良家藏舊作日記纂一本詩集一本日記草本四束抄本文集四本散詩稿一束賜看其中不惟錯看春秋罪與彌天重犯同且竟有譏詆聖祖皇帝處聖祖皇帝在位六十餘年深仁厚澤徧及薄海卽彌天重犯生長山僻猶知感佩况呂留良身居浙江大地列名膠庠食毛踐土亦已數十餘年如何喪心病狂竟至如此彌天重犯從前不知妄以春秋之義說雖出於呂氏旨實發於孔子不得不信今日解出孔子不是如此說又深知本朝得統之正全是天與人歸歷聖相承無不道隆德備而呂留良所云如此到今實實見得他是兇悖成性悍然無忌譴張狂吠得罪聖祖萬死莫贖誠爲盛朝叛逆之

罪魁而彌天重犯山鄙無知坐昧富身大義妄信而附和之萬死亦不足以當其罪今雖深痛無知而誤信切恨呂說之害人俱嗟無及矣更有何說但呂留良之說行世日久如彌天重犯之爲其盡惑者諒復不少今幸得因彌天重犯敗露莫非歷聖隆德皇天篤佑我朝故水落石出一至於此豈人力之所能與彌天重犯今雖身陷法網由此而天下之人共知其叛逆不爲彼說所惑彌天重犯死所甘心矣

問會靜

旨意問你書內云可榮可辱可生可死而此義必不可失墜等語今欽差審問之時會靜繕寫親供全然改變求哀乞憐備極稱頌在會靜將以爲榮乎將以爲辱乎又未知會靜之心此時願生乎抑願死乎其爭持大義者在著他據實供來

會靜供 彌天重犯向謂榮辱死生大義必不可失只因錯解春秋錯聽謠言耳其實彌天重犯原是皇上的赤子非有歷世功爵在光明難忘素懷背叛不臣之心今日發覺被執只爲謠言盡惑錯解經義遂至狂悖若此卽在舊年狂悖蒙心之

中此心自問毫無別爲皆是從知識聞見上差錯起到今日解出經義毫不相干
知得謠傳是蜚語詆誣彌天重犯是螻蟻小民實是心悅誠服到此惟有痛哭流
涕自恨當身失義自悔不能爲順則之民其乞哀求憐正是彌天重犯今日當身
之正義但恐求乞之誠不至不能贖補當前之罪雖蒙皇恩浩蕩自計於法無可
生耳至若頌德稱功亦彌天重犯爲臣民之分所宜然尙得似前日之陷於不知
而妄自詆誣惟所慮者識淺學陋不能仰測龍德中正之備而頌與稱有不能至
以是死難瞑目也蓋君之尊同天親同父民之稱天子之頌父豈得爲過况五倫
從天而下極之昆蟲草木皆有而君臣一倫尤爲五倫之首彌天重犯從前錯聽
流言錯解經義所以陷身禽獸自咎雖生猶死今既曉得本朝龍興不同尋常萬
萬又親被聖德高厚從古所無此時雖死猶生雖辱亦榮了

問曾靜

旨意問你書內云生當今日遭逢今世無志於當世之利祿以自污等語曾靜果無志
當世則宜早爲高尚何以應試入學身列青衿及考居五等然後憤懣窮居肆爲狂

故尙得云無志利祿乎又書內與一二同志閉門空山養雞種瓜等語觀曾靜書內見聞甚多援據甚廣若閉門空山之中蜚語訛言何因入耳是曾靜同志之人必非一二數也著據實供吐若供出何人傳說則曾靜是誤聽傳聞罪尙可恕不可以身犯大逆之罪遂拚一死以含糊了事甘爲衆人容隱

皇上恩旨著你據實供吐你須將書內所云若者得自何人若者傳自何處逐一據實供來

曾靜供稱天重犯書中千錯萬錯無一字著實者總因錯聽謠言悞解經義所以釀成大惡到今日不可疏解今聖德光潔毫無瑕玷而皇恩浩蕩不可名言以彌天重犯如是之大罪大犯尙如是優容寬待另置幽閒清曠之地且敕部給食賜衣此誠千古未有奇典堯舜所不到之殊恩即此一事彌天重犯粉身碎骨亦不能仰酬皇恩於萬一此時此際若果曉得造言首犯方欲寢食其皮肉又豈敢容隱他人好回以負皇恩所以當日在長沙大人審問再三不敢說者實爲胸中不曉得個實在源頭上造言的人而傳言的人又實實是個忠厚守法不惟不肯造

言並不肯亂言的人且自計罪大咎深自料必不能生雖蒙大人屢宣皇上智慮神奇聰明天縱事事非常法所得定亦非常情所得擬彌天重犯的死生斷非事前所得決然在彌天重犯當身自計萬難自信可以徼倖於不死與其臨死而又牽累他人不如自家一死之安爲稍愈今感皇恩如此高厚且奉旨詢問思量自家一死何足輕重卽死亦要說明白自家的心事赤子冒觸父母雖當父母盛怒之下亦要向前號泣說個明白况今日旨意煌煌得許彌天重犯直吐其人乎此在自家分上計合該要供出人來因思水流畢竟有源卽流或可以尋源胸中記出有兩個偶爾傳言的人一是安仁縣生員姓何名立忠曾說他聽聞有個茶陵州人姓陳字帝錫傳說朝中有人上議皇上多條其大者如此如此又永興縣十八都有個醫生姓陳字象侯也說他在一處人家行醫聽得人說茶陵州有個堪輿姓陳字帝錫口傳有個本章諫議皇上如此不好那上本的臣子姓岳名鍾琪彌天重犯聽得二人之話符同遂漸疑此爲實事其實源頭造言的人不知就是那陳帝錫抑陳帝錫上手還遞傳有人否且陳帝錫彌天重犯從未會面不知

其人形貌何如帝錫兩字也不知是此兩字否問何立忠便知聽聞此人會堪輿前兩年在安仁縣起學宮何立忠是安仁縣的秀才或者知得他的名字其實今日仰惟皇上如天如地何可毀謗天經雲隔何傷於天反因雲隔而轉見天之高地經穿鑿何損於地反因穿鑿而轉見地之厚今皇上之行如日月經天雖湖山萬里莫不共見共聞彌天重犯幸今亦如盲得視復見天地日月了

問曾靜

旨意問你在湖南供稱山崩川竭是傳聞泰山崩四十里至於川並未竭因筆頭不謹弄文致誣等語這泰山崩四十里之說影響全無你將傳說筆之於書已極悖逆了况川竭之事並無傳說而遂連類並及這山崩川竭是何等之事竟可以筆頭播弄得麼乃僅以不謹二字輕忽戲玩之詞掩飾此罪如何使得呢但所聞必有所自你須據實供出

曾靜供山崩之說雖有傳聞彌天重犯今日萬死記想個人不出川竭之誤彌天重犯今日實實該死蓋尋常說話猶庸言之謹一涉不實不惟於道理有礙於心

不能無愧抑且當面受人訶責不小此是何等重大酌事情如何可以輕易掠過且以庶人小民之賤而上議國家事體卽有實據猶不免出位冒干之罪况既陷復妄虛中更虛卽此一項已足粉骨莫償了而前供猶僅以筆頭不謹蓋過是身陷於罪而竟不自知其罪之大小輕重矣今日省悟萬死何辭

問曾靜

旨意問你所著逆書知新錄內云以大事看來五星聚黃河清某當此時如何死得天不欲開治則止天欲開治某當此機會畢竟也算裏面一個求人於吳楚東南之隅舍某其誰等語從古治亂之數必上有桀紂之君下有生民塗炭之禍方可謂之大亂曾靜以我朝爲夷狄爲匪類然必爲君者實有昏德紀綱法度一切廢弛方爲否極之時以今日海宇承平萬民樂業以朝廷政事而論雖不致謂爲至治之世然苟有人心之識者斷無有誣爲亂極當治之時也且自開闢以來未有如曾靜禽獸不如之人而以五星聚黃河清爲舍我其誰又云當此機會所謂機會者何所指據實供來

曾靜供彌天重犯許多該死該剮的話今日反覆省悟也有個病根蓋緣自幼以來講解經書講到孟子滕文公問爲國章說那井田法制心中覺得快活私地暗想以爲今日該行由是屢去問人却無一人說今日行得心下聽着人說行不得甚不快活後看見呂留良此章書文評語竟以爲行得且說治天下必要井田封建井田封建復了然後方可望得治平遂不覺賞心合意從此遂深信呂留良的說話且執着這個死法子放肚裏因而看輕漢唐宋明之治大不及三代妄以爲井田不復貧富不均其餘言治皆非至道乃猥不自量敢以經濟抱負超越尋常自許一聞五星聚黃河清遂疑此必是文明開治的機會既遇文明開治的機會必行井田復三代欲行井田復三代在當身自計竭其驚駭亦足備一時犬馬之用因而有舍我其誰之語卽所謂當此機會者亦是望上之人用我故曰求人於吳楚東南之隅非是說彌天重犯當此機會另生個別見也只因謠言日聞遂深疑皇躬主德未純所以狂悖而有是舉及昨自湖南一路以抵京師所歷過之地數千里無不家給人足薄海內外無不化行俗美道德政教修舉詳明較三代之

井田學校更因時損益已精益求精正禮明樂備之極天開文明之盛當此如是之道隆德至治著功成我皇上猶求治之念孜孜不違不肯一時一刻少懈伏讀諭旨尙曰不敢謂爲至治之世德隆心下聖不自聖一至於此所以天人感孚瑞呈祥見五星聚黃河清者正爲皇上帝德純全超越千古本朝治教休明邁盛三代大聖人興起在位應也况井田疆界自秦以來已蕩廢二千餘年封洫溝渠皆不可考而今日承平日久平原曠土各成舊業以理勢論之亦必不可行且天下人文蔚起不知有幾千幾萬賢良才智深於治體精於治法者用之不盡而彌天重犯山鄙無知禽獸不如乃謂舍我其誰其不自量一至於此狂妄之罪萬死何逃

問會靜

旨意問你所著逆書知新錄內云近世晚村夫子學問足本領濟大有爲得又生非其時在今日似恰逢其會等語這呂留良自以其先世爲前明之儀賓不忘故國而在本朝應試爲生員十有餘年後來考居五等忽削髮棄諸生以天蓋樓選刻時文將

本朝制科內名人之墨卷文稿刊板求利致富不賞乃包藏禍心肆行無忌實一反覆無賴卑污狂悖叛逆之人天地覆載所不容今你乃奉爲師法心悅誠服以爲孔孟復生你所謂呂留良之學問本領從何處見得呂留良之大有爲從何處知道是你與呂留良必曾會晤親承指授因而信敬畏服一至於此且云今日恰逢其會又是何解可從實供來

曾靜供聖人曰不患人之不知患不知人也又曰不知人則是非邪正莫能辨彌天重犯今日狂悖一路錯到底者總因自家僻處山谷眼孔小見聞隘胸次鄙陋錯認人故也如這些話都是自家沒識見討人底裏不著遂妄意心悅誠服奉以爲師不惟以爲師且以他爲一世韵豪傑其實當時何曾曉得他的行徑大有不好處不過就語句言語上見得與自家僻性相投合遂不覺好之深好之深遂不覺信之篤當時所謂學問本領者妄意指他的說理明論文精謂他大有爲者期他得用可行井田復三代從前謬妄信得他是如此今日蒙聖恩開導點化始曉得他的行事爲人到處不是不特他當身大義背謬而已從此迴想向日之痛

曾靜供西遊的話是雍正三年事當時並沒有別意因彌天重犯所住的地最狹僻在山谷中左右方圓十餘里盡是耕戶山農並沒有個讀書識字的人相接彌天重犯的父親在日曾嘗有個遷居的志而不能得遂復因近來人多田貴家事單寒轉移不得後得學徒張熙廖易在門往來居宿安頓不得而張熙廖易家事亦貧寒因見這些去四川的傳來以爲四川田賤乃與張熙廖易商量思欲去四川尋探個安靜的所在以爲搬家安耕之計且與張熙廖易同往并可以遂其讀書之志於是打疊有去四川之行於七月二十五日起身搭船到長沙上岸因向長沙城中走一回蓋彌天重犯從未出門只因考試到過郴州餘並未會走動不意到長沙竟看見有一告示上說五星聯珠日月合璧的話彼時大喜以爲有好世界來畢竟會復井田封建復井田封建畢竟要用人到那會用人時我輩的行藏就不可得知且既有井田則到處可以安身又何必搬家眷屬走四川做甚於是去四川志遂灰了就要轉身來那時並沒有一點別樣志向惟有心中打量要來京城上書獻策再三不決者苦爲匪類一篇說話在胸中狐疑乃轉身到長沙

嶽麓山一看由是往湘潭一路回來並沒有會着別樣人物說一句異話到九月初三日歸家唯回來有兩年見得這兩年的收成不好接年水荒米貴穀貴百姓艱難逃荒避水的多乃翻疑此五星聯珠日月合璧的兆恐另有別應加以傳聞日密皆與前匪類之說相印證於是狂悖有是話蓋此話是雍正五年冬說的乃追憶雍正三年事一前一後前面的志向與後面所見大不相黏其實並沒有到別處並未會會半個人所謂西遊者亦是因去四川西蜀取名景叔即今在案解到之廖易所謂眷屬即指張熙廖易言除此外並沒有別人總之彌天重犯狂舉的心肝肺腑一絲一毫點滴盡載於知幾錄知新錄此兩本書雖有兩個名號確不是立意著作的書裝點的話知新錄乃是做張橫渠先生心有開明即便割記之說隨每日所見所見不論精粗是非寫放於此以便自家翻閱考其所學之得失議論固未曾斟酌文法亦未曾修飾原是隨便寫出的口語知幾錄不過寫出叮嚀張熙的話明說與他恐左右人聽聞且慮他未必記得因寫放紙上到寫得多了遂取個名號此是暗地遞與他的話今二書俱已搜獲進呈御覽矣

天重犯當年情事何處掩藏況皇上聖明天縱明睿所照絲毫盡露並不能掩且彌天重犯一路感戴皇恩如此高厚自計雖粉骨碎身亦莫能仰報萬一到此又何忍隱

問曾靜

旨意問你所著逆書知新錄內云永興童生應縣試者二千四五百人應道試者有二千人何曾是今文風極盛蓋緣風俗日趨日下無恥的多所以奔競成習等語從來以人材之衆多徵國家培養教育之功是以兔貨之詩言化行俗美賢才衆多未聞以人文日盛爲風俗趨下者且士人求名進取有志觀光亦其本分當然今曾靜謂爲無恥奔競試問曾靜伊既以應試爲無恥則自己不該應試何以從前名列青衿考試多年及考居劣等方不出來應試曾靜自問爲有恥安靜之人乎爲無恥奔競之人乎著伊自評品

曾靜供這種狂悖說話大病總坐於看輕舉子所以顛倒悖謬竟至於此當年老意蓋謂國家隆重師儒養育人材開此科舉以爲士子榮進之階典至重矣讀書

均當仰體朝廷之意亦須看此爲至重至貴之路必敦行勵節有廉有恥經義明曉文理通達然後從此應試上進方不負朝廷取士之意若文理全未通經義全未解行誼毫不加修而唯日以應舉應試爲榮豈不是以至重至貴之路而反爲爭名奪利之場所以狂悖遂有此說孰知我生之初應試少者因明末喪亂之後百姓流離困苦不得安業讀書所致到後來蒙世祖章皇帝休養生息聖祖仁皇帝至德流洽仁漸義摩所以盛朝人材蔚起迥不同於先明是這個緣故何當年不省至於彌天重犯當身自問從前未覩天日狂妄喪心看得一切皆不入眼到今日得聖化一洗從前謬妄因翻思向之所知所行直與禽獸無異狗彘不如更有何人行堪問只有愧死無地耳

問曾靜

旨意問你所著逆書知新錄內云劉先生所著格物集他從子光斗過寧遠縣任所帶得一個稿本來等語這劉先生是何等樣人是何名字他的從子光斗於今現在何處其所著格物集是何等樣書呢

曾靜供劉先生卽今案內解到之劉之珩從子劉光斗在湖南岳州府安鄉縣住格物集是劉之珩所著的其中專言物理並沒說別樣話書亦不多因劉之珩原任在永興縣做教諭彌天重犯做生員時曾經接見後於雍正元年劉之珩丁父憂遂回歸岳州府安鄉縣居喪去了到服滿起復改補永州府寧遠縣教諭有從子劉光斗自安鄉縣到寧遠縣學署看問伯父劉之珩路從永興縣過彌天重犯見他帶得格物集故寫在知新錄內前在長沙這格物集已經欽差大人從劉之珩家搜獲進呈矣

問曾靜

旨意問你所著逆書知新錄內云皇帝合該是吾學中儒者做不該把世路上英雄做周末同變在位多不知學盡是世路中英雄甚者老奸巨猾卽諺所謂光棍也若論正位春秋時皇帝該孔子做戰國時皇帝該孟子做秦以後皇帝該程朱做明末皇帝該呂子做今都被豪強佔據去了吾儒最會做皇帝世路上英雄他那曉得做甚皇帝等語孔孟之所以爲大聖大賢者以其明倫立教正萬世之人心明千古之大

義豈有孔子孟子要做皇帝之理乎孔子云事君盡禮又云臣事君以忠又云君君臣臣父父子子看鄉黨一篇孔子於君父之前備極敬畏小心孟子云欲爲臣盡臣道又云齊人莫如我敬王者使孔孟當日得位行道惟自盡其臣子之常經豈有以韋布儒生要自己做皇帝之理若依曾靜所說將亂臣賊子篡奪無君之事強派在孔孟身上污衊聖賢是何肺腸且自漢唐以來聖君哲后代不乏人漢高祖唐太宗宋太祖金太祖元太祖世祖或勦定禍亂或躬致太平皆天命所歸功德丕著今乃概目爲光棍况曾靜時切明亡之恨而以周末局變之後皇帝皆係光棍則明太祖亦在光棍之列曾靜不但是本朝之叛臣賊子亦卽是明之叛臣賊子且曾靜亦知光棍應得何罪今以開創之主皆詆爲光棍則當時佐命翼贊之名臣皆當治以光棍爲從之律矣又春秋至明數千年間曾靜所謂合該做皇帝者祇有孔孟程朱呂留良五人開闢至今無此狂怪喪心之論可問曾靜是如何說

曾靜供這狂怪的話本是說做君的畢竟是聰明天亶學問蓋世如前供所說聽明睿智仁能育萬物義能正萬事禮能宣萬化智能察萬類信能孚萬邦天下乃

得而尊之親之奉以爲君之意蓋天降下民作之君作之師君以職位言師以道德言必道德極天下之至然後職位居天下之尊其實君師原是一人做的君之外另有一種道德高出天下者爲師所以二帝三王之世堯舜禹湯文武之君皆是深於道德之至精於學問之極當時天下莫得而尙之所以爲君春秋戰國之局變有孔孟之道全德備而世莫能用在上周家天子又未聞有道德高出於孔孟者以唐虞三代極盛之例推之却似春秋時的大君合該有孔子之道德方足以當之戰國時之大君合該有孟子之仁義乃足以當之宋末時的大君合該有程朱的理學方足以當之當日之意不是謂孔孟必要出來做君程朱亦有志於臨民乃是謂君臨天下必有孔孟之道德仁義與程朱之理學精詳耳蓋敬君之至莫如孔孟尊君之極莫如程朱孔子事君盡禮見於鄉黨一篇後世人臣所少到且不唯敬而已推事君之誠無所不至爲委吏則牛羊茁壯長爲乘田則會計當舉凡當官之職盡到十分處不肯一毫苟且者皆是看得君命重大所以職不敢曠耳觀孔子則孟子程朱可類推矣其所謂會做者謂學問造到極處成已自

可以成物大學講明德必及新民中庸致中和必到位育蓋性分中功用之全自然貫通到此所以說禹稷顏子易地則皆然禹爲君稷爲相顏子是個陋巷匹夫如何做得君相的事亦是一理相通修身就可以齊家齊家就可以治國平天下四書五經中無一章不言及治天下的事彌天重犯此條狂怪的話是說出做人君的原不是別樣人可做乃是聰明睿智而精深於學問道德的正是看得著至重至大輕易不得伏惟今日皇上撫臨天下統一六合神明天縱睿智性成性焉安焉優入聖域其實道德之微無不經歷學問之精無不透過中和並致方得天地位而萬物育如是豈不是聖人而精於學問方得尊居天下之上與堯舜禹湯文武千載符合他若漢高祖唐太祖宋太祖金太祖元太祖世祖或勤定禍亂或躬致太平才智雖然有餘學問未免欠缺故其發於政治見於事功未見得渾乎天理之正而不能保其無一毫人欲之私其實天下未聞有才德駕出其所踰得而君之彌天重犯狂怪之說本係以英雄比歷代諸祖而以光棍指魏晉黨禍之主屏云周末局變在位多不知學盡是世路中英雄這三句原指漢唐宋金元

諸祖說所云甚者老奸巨猾卽諺所謂光棍這兩句乃是指魏晉諸篡奪者言因辭不能達意以致混同不明一帶說了而光棍兩字亦是楚中俗語山鄙無知妄引以比例當時立言大指原是如此其實一種狂妄粗率悍然無忌之罪實有難容況其中所舉呂留良尤爲無知之極不惟不識本朝歷聖之德與堯舜禹湯無異竟把狂悖叛逆之呂留良當孔孟矣從前如在雲霧中今得聖諭開導點化不唯光天覩日抑且自覺寸磔不足以抵其辜矣

問曾靜

旨意問你所著逆書知新錄內云敬卿景叔語言文字推崇過量把某看做莫大的人物心心念念望世變事革想某乘運起來復二代又云仰觀三代天竄聰明乾之九五聖位莫乘此等語在某分上固不敢當只是他也不是一時躁率輕妄信口說大話擡高師長確是他心中所見實實如是等語這敬卿景叔喪心病狂之語言文字豈人所可當而云不是擡高師長的大話實實見的如是你自承認擔當莫大的人物了天竄聰明乾位九五這話都是你可以承認擔當的麼且你如何乘運起來

你須將敢於擔當大話的意思據實一一供出

曾靜供張熙廖易病狂喪心猥以此等語推尊彌天重犯何異彌天重犯盲瞎瞎眼以千古人宗推尊呂留良雖說話輕重稍有不同其實皆是一樣無知一樣狂妄揆之於法不唯萬斷莫辭卽問之於心亦且愧死無地但當時此話下語未清大意謂人之知識有淺有深有大有小淺不能驟使之深小不能強擴之大隨所見到以爲大小淺深如蛙居井底所見者只井底之地初不知井之外更有地遂妄以爲天下之地盡在於此豈知天地間有幾多大地寬廣山嶽湖海無窮無盡在然不到過親見過如何信得過山鄙無知何以異是彌天重犯從前爲謠言所惑亦因生平五十歲人從未見過滿洲從未到過京師省城又未親目親耳曉得皇上道德政教如此經天緯地所以謠言易惑直至舊年捉拿到長沙見過大人由是心中遂疑呂留良的說話有不的當復自長沙以抵京城耳所聞目所見與胸中所傳聞者不啻晝夜之相反及至到京又身親皇恩如此之極心醉聖德如此之至乃脫然大悟從前之狂悖該死該斷莫逃而深信皇上之道隆德盛直駕

千古而莫敢熾當時彌天重犯此條本意說知有大小淺深必要人見到方信得過故末後所以說敬柳景叔異日見到則必不肯說此狂悖之語蓋若謂乘運起來亦是謂如太公之遇文王伊尹之受湯聘此卽張熙廖易病狂喪心之意而言之總之說到此處皇上聖明天縱天地包容萬萬叩首惟冀哀之憐之矜恤其無知而已更有何說分解得

問曾靜

旨意問你所著逆書知新錄內云如何以人類中君臣之義移向人與夷狄大分上用管仲忘君事仇孔子何故恕之而反許以仁蓋以華夷之分大於君臣之倫華之與夷乃人與物之分界爲域中第一義所以聖人許管仲之功又云人與夷狄無君臣之分等語君臣爲五倫之首斷無有身缺一倫而可以爲人之理曾靜當日以人與夷狄無君臣之分不知從前以何人爲君且到今還是甘心俯首以君臣之義移於夷狄分用乎抑是始終以與夷狄無君臣之分乎據實供來

曾靜供凡這悖逆狂妄之說皆是雍正五年冬與雍正六年春寫載的實因見得

呂留良論孔子稱管仲之仁處有華夷之分大過於君臣之倫之說以致推論到此其實彌天重犯平昔並無此說豈知華夷之分聖人原不在地上論若以地論則舜生於諸馮東夷之人也文王生於岐周西夷之人也都不通了將謂大舜與文王不是人可乎且更不是聖人可乎況由舜文以下不知更有幾多行爲師表道高百世如周子張子陳良者俱生於四裔之地猶歷歷可數指者乎彌天重犯當年中呂留良之毒深所以不察其非而狂悖發論至此到今日親被皇上德化之盛且曉得本朝之得統全是仁義天與人歸渾乎天理且我皇上道隆德盛亘古所未見卽僻處亦東海北海之隅凡聲名所到猶尊之親之而無思不服矧彌天重犯生居中土身受撫綏之恩而現爲赤子者乎故彌天重犯今日之甘心俯首如七十子之服孔子者一爲本朝得統之正從古所少二爲皇上道德之未生民未有其心悅誠服乃是當身之至情天地之大義彌天重犯卽是草木無知到此亦當欣然向榮了況有血氣者敢不尊親乎

閻會靜

大義覺迷錄

七十七

旨意問你所著逆書知新錄內云夷狄盜竊天位染污華夏如強盜劫去家財復將我主人趕出在外占踞我家今家人在外者探得消息可以追逐得他等語明朝天下亡於流賊李自成之手是強盜劫去家財趕出明之主人者李自成也我朝驅逐流寇應天順人而得天下是乃捕治強盜明罰勅法之天吏也你等爲家人者既不能追逐李自成索取家財而於強盜花費家財之後轉向捕治強盜明罰勅法之天吏指令賠償可乎且由曾靜之說掩之元之主人爲明朝趕出元人當索取家財於有明而宋之主人又爲元朝趕出宋人亦當索取家財於有元等而類之自唐以上至於晉漢皆然矣從古有曾靜逆天背理之論否試問曾靜教他自己細想此段議論是何如說

曾靜供大義看錯遂總錯到底蓋人身之主宰在心心之所繫在知知上一錯凡發言行事逆天背理遂致不可窮詰此等處總因錯認本朝爲夷狄而不知聖人之生原無分於東西也且並不知明末之喪亂生民受李自成殘殺之毒逾於水火而本朝興義師以除寇亂功同天地到今方知得本朝不唯不同於漢唐之以

智力取天下而直過商周之以仁興而不免於征誅者且歷聖相承自有生民以來所未有之盛會彌天重犯如何誣天誣父至於此極由今日看來本朝當日即實實取明代明而有天下亦有德者興無德者亡天理之當然況有明當年與本朝原爲與國而天下又早已亡於流賊李自成之手本朝之來撫中國又不是以智謀力制中國而使之服乃是仁義感動中國筐篚爭迎而心悅誠服今彌天重犯誤聽人言而反指以爲盜竊將明之取元元之取宋宋之取周等而上之若唐若漢以及周之代商商之革夏無一而不是盜竊無一不當索回家財矣其背理逆天之論自家今日也解說不出豈止於一處窒礙而已哉今日細思此段議論實實無知其無知也總因不知本朝龍興之故歷聖功德之隆徒爲人言蠱惑遂致狂悖如此嗟悔無及更有何說

問曾靜

旨意問你所著逆書知新錄內云天下一家萬物一源又云中華之外四面皆是夷狄與中土稍近者尙有分毫人氣轉遠轉與禽獸無異等語既云天下一家萬物一源

如何又有中華夷狄之分曾靜但知肆其狂悖之詞而不知其自相矛盾中塵云臻中和天地位焉萬物育焉九州四海之廣中華處百分之一其外東南朔風在天覆地載之中者卽是一理一氣豈中華與夷狄有兩個天地乎聖人之所謂萬物育者人卽在萬物之內不知夷狄在所育之中乎抑不在所育之中乎可問曾靜是如何講且易經言信及豚魚是聖人尙欲感格豚魚豈以遠於中國而云禽獸無異乎卽如曾靜之叛逆肺腸眞禽獸不如然至今日可能如豚魚之感格否著他據實說來

曾靜供天下一家萬物一源此兩句是從本心出的話不雜外誘不被人惑惑所以衝口說出與道理尙無窒礙至若後面中華之外四面皆是夷狄等語總因誤聽人言錯解經旨之所致所以自相矛盾以至於此豈知中庸云致中和天地位焉萬物育焉者原兼人物而言之也蓋爲人心廣大原通天地天大無外人心之大亦無外凡天下之大理所貫氣所通皆在人心胞與之內是以聖人在位舉天下之大四海九州之遠皆涵濡之使之各遂其生各復其性無一物之不得其厥者

亦爲中外只有一個天地心體性量所貫通無一處不到耳豈同然並生於天地之中齊在覆載之內而爲人有中外之分乎彌天重犯從前醉生夢死強分中外今日蒙皇上旨意發明此章道理至明至當彌天重犯到此實實如醉初醒如夢初覺恍然大悟從前之非至於易經所載信及豚魚等語彌天重犯自幼亦曾讀過既有此等誣天的說話當時何不把這信及豚魚等經文取來印證一印證而竟狂悖率意寫放紙上這就是天奪其魄了今蒙皇上開示到此彌天重犯便是豚便是魚亦當感格何況人性未泯尙有知覺乎總之山鄙無知眼光小胸次隘道理不經點破終看不出今蒙皇上過化存神之德感孚方得省悟

問曾靜

旨意問你所著逆書知新錄內云君臣之義一日不可無天下豈有無君之國哉孟子曰無父無君是禽獸也禽獸亦有君臣蜂蟻猶知依從如今八十餘年沒有君不得不徧歷域中尋出個聰明睿智人出來做主等語傳云君天也天可逃乎曾靜既知君臣之義不可一日無本朝君天下八十餘年曾靜之祖父皆是大清之子民曾靜

年紀不過四十餘歲卽其逆亂之謀蓄無君之念不過四十餘年其四十年前以前伊祖伊父之心中有君乎無君乎而云八十餘年沒有君是加其祖父以無君之罪矣孟子所謂無父無君是禽獸者言不知有君有父也曾靜現在食毛踐土而云沒有君且加祖父以無君之罪此實孟子所謂無父無君之禽獸又曾靜云禽獸亦有君長而云八十餘年沒有君是又禽獸不如矣且孟子之所謂無君者謂不知有君而曾靜以爲沒有君不更誣聖賢之言乎曾靜又云不怕利害辛苦要從徧域中尋出個聰明睿智之人主來伊如何尋徧域中可曾尋得個人來曾靜到今日還是要另尋個聰明睿智之人乎抑將此尋徧域中之心歇息乎或其心以夷狄禽獸元兇巨惡感戴爲君乎着他據實供來

曾靜供無君之說實非彌天重犯的本意因呂留良錢棻松歌上有云其中雖有數十年天荒地塌非人間彼時聞得此說如墜深谷語雖爲元朝而發而引例未嘗不通於本朝始而疑因思彌天重犯世受國恩祖父皆列名膠庠而當身亦現在食毛踐土五十年如何架閣漏空八十餘年沒有得君並不算人間得反覆思

索解此緣故不得既而信以爲呂留良是大地人宗他的學問海內通行畢竟他的說話有所見彌天重犯僻處山谷有何知識如何曉得這種義理加以謠言疊疊滿耳遂妄以爲人在天地間君臣爲五倫之首今既不見得有君如何安然自立得住乃孟浪定志不辭辛苦不計利害思想徧歷域中尋出個聰明睿智能盡其性的人來做主所以狂悖激而有是舉非是當時心下另藏有別樣不好見意而甘爲此謀反叛逆以自取死地其實此舉原是妄爲當身大義起見原是錯聽人言不知本朝得統之正不知皇上道德之隆起見但所見一錯則無所不錯既身犯大逆之罪而爲禽獸又誣祖父以無君之罪並誣及聖賢立言之旨種種悖謬皆因山鄙無知見錯來豈知本朝聖德神功垂於兩間與天地同大而皇上道德隆盛更爲亘古所未有彌天重犯從前妄意所云尋個聰明睿智能盡其性以爲當身之主者當時雖極十分過望亦夢想不得到這樣田地夢想不到今世有此聖明的君而今日恭逢盛會得近聖天子之清光正與當年孟浪徧歷域中不辭辛苦不怕利害誠懇尋君之始念相合而慶幸且更出於望外到此實實歡喜

倒地不惟爲一身一家幸實爲天下蒼生之大幸大快事焉得不極其尊親愛
之誠至若當身從前見錯萬死之罪惟有痛哭自咎自悔而已更有何說

問會靜

旨意問你所著逆書知新錄內云科舉詞章之習比陽明之害更大更廣陽明之教雖
足以害道尙依傍道理來科舉之習公然講名講利卑污苟賤而不知恥直把道理
一筆勾消人類盡滅等語朝廷用人所以設立科舉者以科舉之人所習皆四書五
經誦法聖賢之道講求聖賢之義理故也人能讀書明理其造詣底蘊皆見之於舉
業文章是以朝廷設立科舉以期多得讀書明理之人爲國家之用今會靜以科舉
之爲害直到得把道理一筆勾消人類盡滅這是何說且若不設科舉更有何法可
以發明聖人之道理乎至人之賢愚不一科舉內卑污苟賤之人原世所間有惟在
朝廷辨別此等卑賤之人而不用耳非可廢科舉之制而後禁人之卑污苟賤也况
無恥之人即使不設科舉而別開用人之途如或鄉舉里選或徵辟聘薦或改詩賦
策論則講名講利者又必於別途行其卑污苟賤之事矣會靜又有何術可以禁人

之講名講利着據伊所見供來

曾辭供朝廷設立科舉以四書五經取士者蓋以修己治人之道盡備於四書五經欲人童而習之素講明其理通然後發爲文章而朝廷卽以考察其淺深得失擇其優者而升舉之其立法之意原盡美盡善無毫髮可議但在下之人實能仰體朝廷之意者少蒙昧不知者多是以積之又久不免忘其本而徒事其末以爲朝廷取士取文字只要文字說得尖雋卽可以中有可之選初不知文字之上原有一層義理當學當講也因妄謂文字可以乖巧習得來于是設立方便法門擬定程課日以講文爲事其講文也又只以臨場描摹填湊襲取割截及賣弄筆頭爲計而聖賢道理當身行誼遂置之高閣不論且人身既有血氣營名圖利乃其常情况鄉人無知者多能有幾個曉得朝廷立法之意原是要人通經明理以備國家之用只謂科場之設乃是生人取名取利之途是以一有子弟未嘗不使之讀書問讀書何爲則曰取科名獲祿利而已自少小時卽橫着這個俗鄙識見在胸漸長漸大名利之心日深而從事於文字到文字中式得選時越發營名圖

利而毫無忠君愛民力圖報効之心此彌天重犯在山僻無知不通世務妄據齷
見遂有是把道理一筆勾消之說其實到今日看來全不如是舉業何曾無人幾
多奇勳偉烈大半多是舉業家做就且皇上天寬聰明無法不精無弊不徹卽如
聖諭謂無恥之人卽使不設科舉而別開用人之途則講利者又必於別途行其
卑污苟賤之事此皆洞徹人情深悉世務智能察萬變方得見及於此由是看來
大半總要得人何法無弊惟得其人而行之弊斯可免如今養士之法平昔總要
教官得人教官之品雖小而所職之事甚大必須擇道明行脩者專使之教育其
子弟以聖賢中正之道孝弟忠信之行聚講日專丁寧反覆其或有行誼不脩者
則卽許責懲如此三年教成然後教官具文行優劣之冊申詳學政學政核考其
實而高下之并以其果否驗教官之誠僞明暗是教官勸其行于平日而不徒以
文學政考其文於一時而兼察其行文交備而真才以得積弊庶幾得減抑近
讀聖諭而知本朝用人原不專恃科舉一途除科舉之外尙有選孝廉優生實學
等法有此諸法庶幾足以盡天下之才而裕國家之用但選舉亦要得選舉之人

方能無弊若臨考學政獨憑教官之薦舉苟教官非人只取平日與已情文相接酒食相徵逐者薦之舉之而閉戶守正之士仍終不得有聞恐亦無補故在今日國家取士用人之法固超出千古然欲歷久成化似當參用程明道所議宋熙寧間取士法損益斟酌行之方爲更善彌天重犯山鄙無知不與人數感佩皇恩深重自計銜結無由仰承旨問敢不剖心直供

問曾靜

旨意問你所著逆書知新錄內云程子朱子呂子如今人做官一樣程子是世襲蔭補出身朱子是由科甲出來呂子是市井江湖鑽刺打點作來底等語你平日推尊呂留良極其崇奉心悅誠服如何又說他是市井江湖鑽刺的人呢且如爲官亦未有市井江湖之人可以鑽刺而得的道理何況這做聖賢也可以鑽刺打點得麼且呂留良係一鑽營打點的人從前曾靜如何尊敬悅服之誠一至於此今曾靜還是尊敬此鑽營打點之呂留良乎抑忿恨此鑽營打點之呂留良乎務將心上實話供來曾靜供彌天重犯以呂留良爲市井江湖鑽刺打點作用來的者是個譬喻的話

當時心下見得程明道先生天資純和道德粹美渾然無一毫圭角令人摹擬得是天生下來德器就如此純全人學他不得恰似做官的樣他是個蔭補世襲官生下來是他受用的朱子天資未甚高生質亦未甚美然他從持敬致知循循做去由下學而直造上達今日成法俱在令人可學而至恰如做官的由科舉正路來是他辛苦讀書讀出的人人可以學得他若呂留良觀他文字所傳少年本不是正路學人下學工夫並未拈起東標西掠無事不攬到中年只以批評文字爲事因批評文字遂得窺探程朱之奧所以當時說他是市井江湖鑽刺打點來的蓋謂他本無臨政治民之學只是辦得閒雜事好効用有功朝廷憫其勞亦把個閒雜的職與他做樣此雖是當時妄意推崇他的話其實心中天理發見大是不滿足他可惜當時無人指破他的失處且並未曾看過他的遺稿殘編有許多大逆不道的說話所以終爲他所迷陷此全是自家誠見淺陋窺他不破而一時學人文士多以他爲文章宗匠羣然向慕他所以由鄙無知被他枉誤竟至於此今日若不恭逢皇上聖德合天洞悉致罪之有由憫念陷罪之無知彌天重犯之礙

屍碎骨滅門赤族俱因呂留良之逆兇毒禍之所致也今日使呂留良而在彌天重犯當食其肉而寢其皮豈但忿恨而已此是心肝上的實話天鑒在茲如何欺

罔得

問曾靜

旨意問你所著逆書知新錄內云封建是聖人治天下之大道亦即是禦戎狄之大法等語三代以前封建之制原非聖人以爲良法美意萬世無弊而行之也古者疆域未開聲教未通各君其國各子其民有聖人首出庶物而羣然嚮化雖不欲封建而封建之勢已定是故聖人卽因其地而封建之衆建親賢以參錯其間此三代以前之制封建所以爲公也後世干戈相尋禮樂征伐之權下移於諸侯大夫而亂臣賊子益多至戰國七雄併吞而生民之禍極矣其勢雖欲封建而建封之勢必不可久是以秦人乘便因勢混一天下而郡縣之封建之變爲郡縣者其勢不得不然也自是以後遂爲定制豈有去三代二千餘年而可復行封建之理乎如欲復行封建則三代以來帝王苗裔諸侯遺胄皆湮失不可復知而後世之勳臣孰可以享茅土後

世之懿親同姓孰可以保萬民卽分疆畫界置爲萬國又何從得人而封建之乎且以塞外蒙古言之昔者各蒙古自爲部落亦互相戰伐至元太祖之世而統於一越有二明百餘年我

太祖皇帝神武奮興遐邇歸誠而復統於一我朝幅輿廣大中外一家爲千古所莫倫蓋悉惟天時人事積漸使然也至若封建以禦戎狄則尤爲不通之論曾靜僻處東南距邊塞爲遠妄意西北中州各自爲守可作藩蔽爲東南諸處假息偷安之計耳不知前明之時西北諸邊各蒙古皆爲勁敵以天下之全力備禦而所在蹂躪況以封建諸國地方僅百餘里兵甲不滿萬人遂能支柱門戶遏戎馬之南牧乎西北中州諸處既至離析殘破無以自存則東南之人雖欲安枕亦何可得也此其言至爲愚陋無知迂妄之甚者也而叛逆之徒動以封建爲說者蓋自知奸惡傾險不容於鄉國意謂封建行則此國不可卽去之他國殊不知狂悖逆亂之人如曾靜輩天地所不容雖之海外何益可聞曾靜伊言封建之利是此意否再如曾靜如此叛逆天下可有容得他的國否著他一一供來

曾靜供彌天重犯生處窮陋谷胸次極狹眼界極小往昔狂妄無知依稀影響孟浪自信以爲窺探得管中之天到今日蒙聖化所被翻思從前五十年發言行事不惟如此經國大計毫無當於事理卽尋常日用一言一動亦不見一毫是處是前頭五十年今已除落不算人了感皇恩浩蕩破格寬宥做人當自今茲始是前頭的行原不算人行前頭的話亦不算人話只爲旨意問及當初立言之意不敢不說明其實耳彌天重犯所云封建是聖人治天下之大道亦是禦戎狄大法者只見得天下之大一人耳目所及心思所繫海隅之遠必有遙隔不到之處而天生人材有聖有賢有賢之大者有賢之小者類皆有治民之責以聖統賢以大統小錯壤以居事雖分於衆賢政實頒於一人此古之王者所以有封建之制非其中禮樂征伐雖出自於天子而撫民之任治民之責則永屬各國諸侯之長且若郡縣之此去彼來此可以推委且在任不久視民常多泛而不親卽有極意爲民立爲法制然政隨人轉新舊交遷實不免於朝張暮弛之歎所以妄謂郡縣不如封建之好其實當時何曾窮源究委曉得自家着錯事理不是如此直到

今日伏讀旨意乃知古聖人之制爲封建者因當時疆域未開聲教未通各君其國各子其民封建之勢已定聖人不過因其地順其勢而封建之初非以爲良法美意萬世無弊而行之也後世禮樂征伐之權下移於諸侯大夫干戈相尋至戰國併吞而封建之勢必不可久秦人所以乘便因勢混一天下而郡縣之是封建之變爲郡縣者勢不得不然也况今日欲復封建亦實無許多勤奮親可以保萬民享茅土又從何得人而封建之乎且封建之變爲郡縣本積漸所至今旣爲郡縣矣豈有復爲封建之理而我朝幅輳之廣中外一家亘古未有實因百年之內聖德神功亦亘古未有所以天與人歸大成一統無外之盛是以今日之不可封建者理也勢也天命也民從也至若彌天重犯謂封建以禦戎狄當日愚陋無知之論誠如聖鑒所謂妄意西北中州各自爲守可作藩蔽爲東南諸處假愚偷安之計之說豈知西北諸邊各蒙古皆爲勁敵前明以天下全力備禦而所在蹂躪况以封建之地小兵少而能支拄門戶遏戎馬之南牧乎彌天重犯到此乃得如夢而初覺深愧從前妄論極爲愚陋無知而且感服我皇上聰明首出神睿無

微不照天下之大何理不透古今之遠何義不精學問精深卓識超越雖極帝堯之欽明大舜之濬哲不是過也彌天重犯從前狂怪逆亂雖蒙聖朝寬宥稍緩寸磔之死然自知負罪彌天無顏得立於世久爲天地所不容尙有何地何國可以潛處所不敢自就死地者恐以螻蟻之命負天地浩大之恩思欲留餘息以圖報無疆之大德於萬一耳

問曾靜

旨意問你所著逆書知新錄內云中國人之詭譎反覆無恥無狀者其行習原類夷狄只是惡亦是人之惡天經地義究竟不致掃滅若是夷狄他就無許多顧慮了不管父子之親君臣之義長幼之序夫婦之別朋友之信等語中國之人既有行習類乎夷狄者然則夷狄之人豈無行同聖人者乎你說中國之人雖惡究竟天經地義不致掃滅今你這等逆亂君臣上下之義蕩然無存且身罹重罪有衰老之母而毫不相顧犯赤族之誅門無瞧類而不恤殃及子孫害及朋友尙得謂之有君臣父子長幼夫婦朋友之倫理乎曾靜將天經地義盡情掃滅是禽獸不如之類亦還有顧慮

大義覺述錄

九十三

乎著會靜同心細想據實供來

曾靜供彌天重犯此等狂悖的說話總因生平未到外面走過並未接見一個外境人兀坐山谷中意想中外華夷之分大約是如此遂不覺狂悖寫放紙上直至舊年到長沙今年奉解來京一路見得政教美盛萬物得所復又伏讀聖諭諸書章章經天緯地句句理精義透不覺驚魂奪魄始知天地之大一理一氣無處不到而近代之精英盡聚東土所謂東海有聖人出此心同此理同四海有聖人出此心同此理同者今日方實信得東海之聖人其心理果與堯舜同也若中國人物則久已淪落不堪問如彌天重犯生聖明之世而竟不知有聖明之君在上乃聽信謠言逆說大肆詆毀雖聖人量同天地包容羣醜怨嗟而不計然當身實已陷於極惡大罪而莫解且不惟當身陷罪君臣上下之倫蕩然無存而堂有七十七歲之老母而不能顧犯赤族之誅門無嚙類而弗知恤若非皇上裕天地好生之德開生民未有之典將彌天重犯老母幼子寬宥釋放當此炎暑氣候必禁繫獄中而莫能顧此彌天重犯萬死萬劓粉骨難償當身之極罪亦彌天重犯萬死

萬剛粉骨難報未有之洪恩同心細想到此實實天經地義盡情掃滅直禽獸不如了尙得有人氣乎尙得謂之有顧慮乎尙有君臣父子長幼夫婦朋友之倫理乎萬死萬剛罪尙何辭

問曾靜

旨意問你所著逆書知新錄內云夷狄侵陵中國在聖人所必誅而不宥者只有殺而已矣砍而已矣更有何說可以寬解得等語曾靜今日稱功頌德極口讚揚可問他還是要殺還是要砍還是可以寬解據實供來

曾靜供今日仔細檢點彌天重犯當身狂悖之舉狂悖之言該死該剛的罪盡是呂留良之說所陷卽如此等萬剛不足以蔽其辜的說話原不是從彌天重犯本心上說出來的實因呂留良批射不主皮文有云弧矢之利以威天下聖人何故製此不祥之物蓋有所用也尙推出這個說話遂信以爲實而有是說總之彌天重犯識見淺小學力不到受他的著作語言蠱惑最深所以到今日當身受他的害更大今日默自計來凡旨意摘出所問的話盡是彌天重犯當初錯信呂留良

的說話之所致彌天重犯自己亦解說不出如何誤信至于此極到今日親見聖天子道德隆備與天爲一舉問高深亘古未有尊之如天親之如父猶不足以懷其愛戴之誠而萬剛不足以蔽其辜的說話尙敢萌之於心乎尙忍萌之於心乎此時此際惟有稽顙流血哀懇皇上終始垂憐山野無知誤受蠱惑而已尙有何說

問曾靜

旨意問你所著逆書知新錄內云開蒙書敘道統只該敘到呂子止等語曾靜以孔子比呂留良推尊誦法心悅誠服之至確是何見曾靜還是祇就呂留良之著述文章因而信服或是別有他故今又極口痛斥呂留良之奸逆大罪與前敘道統之意迥然不侔未知是真心痛斥呂留良之大逆乎抑僞爲怨恨而始終悅服推尊乎據實供來

曾靜供 彌天重犯從前之所以心服呂留良者實無他爲因山野僻性未有見聞讀書只心服三代的治體治法盡美盡善遂謂三代君德之大是個體天二代立

政之本是個爲民一切政治皆是推本天心爲民籌畫其教養之大者則有井田學校之制然世儒多以爲不可復唯呂留良的著述文章內以爲可復與僻性相合遂不覺心悅誠服推尊他直接孔孟之統者以此實無他故是當日之推尊呂留良者原是爲他的著述文詞盡惑之所致今日明目張胆極口痛斥呂留良者實因得見他的遺稿殘篇內有大逆不道之語甚而至於良心喪盡天理全無竟忍於譏詆聖祖凡爲赤子者見之焉有不切骨痛恨之理此又彌天重犯今日當身之大義發乎天理本於至情合該如此到此豈尙有一點僞爲怨恨之心乎在彌天重犯今日之當身大義固當如是但若非彌天重犯親見皇上之聖德聖治聖學聖度如此亘古未有從前即使見得呂留良之殘稿遺篇亦未必至於如此之極口痛斥也然使不得見他譏詆聖祖皇帝處又未得至於極口痛斥如是之甚也此彌天重犯心肝中吐出的實話無一字欺隱

問會辭

旨意問你所著逆書知新錄內云湘灣陳梅鼎識兒氣節鄉人中罕觀某爲他姪婿一

日某到他迎接某吾岳翁出見乃大聲指某曰此詩禮大家方正君子又曰吾老二生平作事惟擇婿一椿眼力高過天下又曰賢婿有濟世之德宰相之量又生平極鄙薄當今屢嘆先朝衣冠文物最喜茶陵陳元章以爲大丈夫奇男子等語據此則曾靜平昔以濟世自命心懷異謀圖爲不軌已久矣可問曾靜伊叔岳陳梅鼎與岳丈是何等樣人茶陵陳元章又是何等人此三個人如今現在何處可供來至若衣冠文物之語最爲謬妄蓋衣冠之制度自古隨地異宜隨時異製不能強而同之亦各就其服習便安者用之耳其於人之賢否政治之得失毫無關涉也向聞無知愚妄之徒輕詆本朝衣冠有云孔雀翎馬蹄袖衣冠中禽獸之語其說至爲鄙陋夫以冠言之則周有雀弁鹿弁漢唐有獬豸冠蟬冠鳩冠之類以衣言之則尙書云山龍華蟲作繪漢唐以來有羽衣鶴縷以及雉頭裘獅蠻帶之類不可勝數皆取禽獸之名狀以爲服飾之光華豈有自古以來用此等衣冠之人皆爲禽獸可乎若夫治天下之道惟在政教之修明紀綱之備舉從來帝王全盛之時君明臣良朝野寧謐萬民安生樂業不問爲何代之衣冠皆足以爲文明之治如其不然則桀紂時之

衣冠卽禹湯時之衣冠也豈以衣冠之相似而遂可以文明不墜禮樂不廢不至於亂乎如元代混一之初衣冠未改仍其蒙古舊服而政治清明天下乂安其後改用中國衣冠政治不修遂致禍敗卽此可見衣冠之無關於禮樂文明治亂也且如故明之末年衣冠猶是明之衣冠也而君臣失德綱紀廢弛寇盜蜂起生民塗炭區區衣冠之制禮樂文明何在也可能救明代之淪覆乎我

世祖皇帝統一區夏勘定禍亂救民於水火之中

聖祖皇帝繼天出治久道化成海內承平恩周萬類凡我朝之仁育義正鴻猷善政不及往古者何事豈容以我朝之衣冠而有妄議乎蓋我朝起自東土誕膺

天命本服我朝之衣冠來爲萬國臣民之主是

上天大命集於我朝

祖功

宗德者卽

天心降鑒在於我朝之衣冠謂可表中州而式萬方也夫衣冠旣爲

天心降鑒之所在則奕世相傳豈容擅爲改易乎且如曾靜以山野窮僻冥頑無知之人尙因妄逆之見心念故明之衣冠况我朝席

祖宗之鴻業奉

列聖之成規歷世相承已有百餘年豈有舍己而從人屈尊而就卑改易衣冠之理乎又如今之外藩各國衣冠之制皆多不同我朝受其職貢亦不必強易其衣冠也況我朝一統之盛撫有萬邦其衣冠安可輕議乎著并問曾靜屢歎先朝衣冠文物之語是何意見呢

曾靜供陳梅鼎是安仁縣的百姓於康熙五十二年老死彌天重犯的岳父名國衡是陳梅鼎之弟亦是個百姓於康熙四十六年病死其子貧不能自立於康熙五十七年搬往四川去了陳梅鼎之子今不知其在否陳元章是茶陵州人不知是士是民不在已四十多年矣陳梅鼎是彌天重犯的岳伯彌天重犯十七歲娶他的姪女陳國衡之女十八歲到他家中有是話彌天重犯之所以記說此話者亦是因見得呂留良詩稚子詫衣冠之句所以言得此處這話皆是雍正五年丁

未幾因張熙到浙江傳得呂留良的詩看方有此話其實當年與陳梅鼎說話時並未有別意陳梅鼎本是個農家鄉人未曾讀書學問如何曉得別樣說話其所稱許彌天重犯爲詩禮大家方正君子者是因見彌天重犯在他家中比常見厚重敦篤不佻鋒耳許彌天重犯有濟世之德宰相之量者爲心多慈愛而量能容受因彌天重犯原同居有個兄嫂因夫妻不睦兄將嫂改嫁到陳梅鼎鄰家陳梅鼎與是婦語言之間婦稱言彌天重犯處待他好所以說有宰相之量婦復說彌天重犯屢勸兄不得嫁妻陳梅鼎聞得此話所以說彌天重犯有濟世之德至於陳梅鼎屢歎允朝衣冠文物者彼時有七十餘歲大抵他服過冕朝衣冠來所以歎其好喜陳元章以爲大丈夫奇男子者彌天重犯不知得陳元章的底裏亦不知陳元章是個甚麼樣人相隔有五百多里當時只聞得茶陵州有個陳元章因得罪州官州官要捉拿處治他他隨聚衆圍城幾乎起變當即被捉伏誅陳梅鼎之所以稱他者大抵是喜他以匹夫而不受制於官長之故此是陳梅鼎反常異俗狂怪的話彌天重犯見得呂留良前詩句所以記憶到此至若謂衣冠文物

之說在彌天重犯有何知識定見能剖決其中道理絲毫不易而有是說此乃聽得這些俗儒鄙陋議論不察其理遂妄有是說今伏讀旨意廣大精深驚天動地乃知本朝衣冠之制原是隨地異宜隨時異製全以道爲歸初未嘗有意立異亦未嘗強以求同此正所謂上律天時下襲水土而無私者也觀此則知本朝一切禮樂刑政經天緯地之制無一不順天因地因物付物宜乎冠百王而超千古彌天重犯得聞斯義不惟當身喜極快極冰釋霧開且私幸此說一出竟足以破千古愚陋疑團因思從前幾多誤聽謠言處皆是爲心中愚暗窺探義蘊理奧不到之所致當時若有高明指示當前妙理精義之所在心中未有不喜悅誠服者如今衣冠之說從前未嘗不因人言而心疑今得旨意如此煌煌指示雖木石也會心動點頭彌天重犯到此更有何說只有叩首叩首千萬叩首將此段議論記於心口傳於當世以解陋儒之疑若得蒙恩寬宥德教所被期以數年當身學問覲有寸進筆傳於萬世以爲百王立政之準而已

旨意間前曾詳供內有國家取士之法宜當參用程明道所議宋熙寧間取士損益斟酌行之方爲更美之語查程子熙寧取士劄子云宜先禮命近侍賢儒各以類推及百執事方岳州縣之吏悉心推訪有篤志好學材良行修者皆以名聞命州縣敦遣朕於雍正元年卽有舉賢良方正之恩詔邇年以來有令各省州縣延訪孝友端方才可辦事而文亦可觀者每歲各舉一人之諭又有六年選拔貢生不拘考試名次務取經明行修者之諭又有令滿漢內外文武諸臣將有猷有爲有守者各舉一人之諭又有令中外諸臣在京主事以上在外知縣以上各舉所知或舉貢生員或山林隱逸送部引見之諭是程子所議皆朕已行之事也無如舉賢良方正則各省舉者寥寥惟福建巡撫黃國材薦彭鵬之孫二人皆童穉無知學識淺陋不堪任用至浙江巡撫李馥所舉賢良方正竟係積惡巨棍夤緣薦舉後經地方大吏察出糾參賊私曩欵蹟痕籍觀此則賢良方正之舉可盡信乎自三代至漢用鄉舉里選之法迨其後刺史守相得專辟召之權九品中正得司人物之柄用人之權不在上面在下其勢不可復行於是改爲糊名易書以文藝科目取士蓋言爲心聲人之文章

先由積學深造而成尙可以略知其人之蘊蓄若專取行誼則必有僞爲塗飾以欺世而盜名者且心術至難窺測每見曲謹自好之徒一旦改塗易轍卽可無所不爲是以漢書史臣之論謂直言獨行高節沉隱之屬榮路旣廣遂有籍名僞服浸以流競權門貴仕請謁繁興者可知前代德行之選已不足爲銓衡之準則何如科擢文藝之稍有憑據乎宋臣鄭樵謂科甲一途雖非古人德行之舉而猶可以得才能之士其言信而足徵也且朕用人之道並未嘗限於科甲一途乃多方鑑拔惟日孜孜冀獲賢才以爲蒞政臨民之選用心甚苦而其事甚難此在廷諸臣所共知者又豈程子奏議一格所能盡朕求材之意乎至於程子所云取材能明達之士受業於成德之士其學業大明者爲太學之師其次分教天下由州郡而縣以次而用三歲賓興優者自縣而州郡自州郡而太學以此遞遷劣者以此遞降欲以化成天下其說迂遠而難行是以當熙寧之時已不能見諸實用況數百年以後乎且今之選拔卽古貢士之法而朕數年以來用人之道亦可謂詳且盡矣曾靜以爲當參用熙寧取士之法試問曾靜熙寧取士之法果有實效否今當何如斟酌損益方爲盡美可靜

悉供來

嘗謂佛彌天重犯本山野愚民從前謬發狂言固是莽蛙之見無當事理然亦因平昔不知我皇上之所以因時立政致治數猷者其中損益變化既詳且盡不惟非今人之謀慮所得及並非從古聖賢之籌畫所能備直到今日方知神化廣運無處不到生天地之內只有順天地之化而已又焉知天地之高厚哉天地之高厚且不知又焉知天地之大造化之所以然哉當況此極惡重罪之會雖屢蒙皇上如天之仁欽恤無知沛生民未有之殊恩寬宥重典然在彌天重犯自悔自悔惶恐戰慄自是無時無刻可釋於懷豈但感恩戴德昊天罔極而已又焉敢妄抒蟻見於經國大計萬分之一乎不意我皇上宵旰圖治孜孜爲民既無一時少懈復無一處不到今明旨下頒竟以前供取士之法如何斟酌損益方爲盡美許彌天重犯詳悉再供自古算君德之備君道之盡以堯舜爲極然孔子稱舜爲大智在不自用而取諸人其言曰舜好問而好察邇言其所問察也亦只曰邇言而已未聞察及於深囚重犯不足齒數之人言也况彌天重犯之山野窮僻冥頑無

知更甚者乎於此可見我皇上虛中之極用中之精視當年大舜更進而上無疑矣是不惟寬宥彌天重犯之重典爲沛生民未有之殊恩卽今日許彌天重犯之再供亦屬生民未有之大德由是看來我皇上不特爲明君聖君繼往古聖賢之緒而已直繼天立極開萬世之君統立百王之大法於天運再闢再造之中也彌天重犯雖自量愚頑本無說可以敷奏然當此生民未有之盛會焉敢不竭一綫之明因前供所未詳悉者而直供之以仰副我皇上好問好察勤求不倦之至意因思前供所謂程子取士之法者彼時無知妄謂古昔帝王治天下之道皆是爭先一著之法如欲禁民爲盜不在盜上禁要推其爲盜之原或是爲饑起念或是爲寒生心如何設法安置使之農桑不失業衣食飽暖則盜自止又如欲士習善行亦不專在行上引要先使之通道德明理義道德通理義明則人自樂於爲善雖強之爲惡亦不去矣以此推之事事皆要爭先一著雖極之日用尋常百工未技農圃醫藥之小亦必要從原本上做來方得妥貼況治天下之大乎所以當時妄意謂要取士必以教士爲先教士又必明理義通道德爲要然欲教士明理義

通道德必先擇教官之理義明道德通者方可以當其職此彌天重犯前供謬妄謂當參用程子所議熙寧取士之法者大意謂先要教士得法教士得法繫於教官又先要教官得人今伏讀旨意方知我朝取士之典除科舉外有舉賢良方正之恩詔有令各省州縣延訪孝友端方才可辦事而文亦可觀者每歲各舉一人之論有選拔貢生不拘考試名次務取經明行修者之論有令滿漢內外文武諸臣將有猷有爲有守者各舉一人之論有令中外諸臣在京主事以上在外知縣以上各舉所知或舉貢生員或山林隱逸送部引見之諭猗歟何其盛歟此不惟當年程子所議熙寧取士一格所不能盡且自古隆盛之朝取士之典所不能備彌天重犯至此因感念我皇上一種憂民圖治之苦心體天求賢之至意不覺泣下移時不能言其所以爲我輩赤子撫綏謀者亘古來有如是之我后乎况監前代移行之選不足爲銓衡之準勦出科舉文章之發尙由積學深造而成尤無弊不徹無隱不燭皆歷歷如數家珍若分黑白以是思我皇上之用心甚切甚周抑且良苦矣夫以取士之方如是之廣得人之念如是之篤宜賢才彙登多士濟濟

而天下所薦舉間多不能仰副我皇上之深願者固是人才難得然亦無乃在下之有司以他政爲急視此薦舉爲稍緩歟豈知我皇上治天下以得人爲先堯以不得舜爲已憂舜以不得禹皋陶爲已憂自古政治之休明生民之樂利全視乎在上之得人卽爲徵末之邑宰亦必以得人爲先所以子游爲武城宰聖人不問其他必先問其得人與否誠以人才所關於政教風俗爲至大而且重也所以論旨煌煌廣開仕路立賢無方者正爲得人爲治天下所必先之政而今日少能薦舉與薦舉而不實者無乃有司視爲泛常而各省督撫亦少以此爲事而責望於所屬之有司所以至此若使督撫以及有司執事知得爲政必以得人爲先仰體聖心認真職分在外早夜不遑悉心推訪何患人才不得自然千中選百百中選十可以仰副我皇上惟日孜孜冀獲賢才以爲蒞政臨民之選之德意至若謂程子所云取材能明達之士受業於成德之士其學業大明者爲太學之師其次分教天下由州郡而縣以次而用三歲賓興以此爲黜陟欲以化成天下其說迂遠而難行今日得明旨剖分反覆看來果是迂遠難行然我朝取士之法至矣盡矣

無以復加矣惟養士之典稍有未備彌天重犯因念古法貢士必本於鄉里而風俗適與人材相通曾見有藍田氏鄉約經朱子斟酌增損者其綱領甚切其節目甚密其聯絡督率之法更精詳美備有關於德教風化甚大而遠大綱有四一曰德業相勸二曰過失相規三曰禮俗相交四曰患難相恤每綱之下類分節目節目所載準古酌今更爲盡善鄉中擇一老成有齒德者爲都約正其次者爲副約正更擇子弟中之端方正直通道義而能文辭者爲直月直月每歲十二人輪流掌其事立三籍願入約者書一籍有善書一籍有過書一籍近者每月一會遠則每季一會擇四達之處立一約所直月先期循環糾察同約中之善行與過行臨約之日行禮讀約畢約正及同約以次就坐酒三行直月舉約中之善與過告於約正約正當衆詢其實狀無異詞然後書於籍善則約正率同約獎勵之過則約正率同約規戒之仍將善過兩籍徧傳在坐者觀省然後許各人就約所質疑問事講辨道理虛畫家計以及論文習射至晡乃退其中綱張目舉儀文度數最爲精審彌天重犯妄謂今日於科舉之士之中似當取此約全文懇祈我皇上天聽

參以時宜斟酌損益頒行天下勅令督撫責委有司每縣視地之大小遠近多立約所不拘士農工商居其土者皆許其入約讀約之會先將聖祖皇帝上諭十六條及我皇上聖諭廣訓宣讀畢然後取此約大綱細目依其儀節次第讀過講解一遍或并列祖聖德神功及前後所頒政令凡有關於風俗民事者俱着令有司行文到鄉約中宣示蓋小民不知上之德教者由於居鄉之日多到縣城之日少或又不通文義不能仰會上意今各鄉有約每月一會得約正直月等講明心下自無疑團各知上意且記善有籍記過有籍民固知勸懲而樂於爲善卽異日有司薦舉亦必先察此二籍必有善而無過與過而能改者然後試之以文藝文藝可觀然後得蒙薦舉如此則不惟薦舉本於鄉里善惡無毫髮之爽可絕欺罔請托之弊而且情文密而雍睦洽教化明而禮樂興道德同而風俗一人人相勉於善他年科甲舉子之從鄉約中歷練來者豈不更有可觀者乎夫鄉約本朝廷所已頒行之典但聯絡無方約束無法彼此善惡之行不著友朋規勸之義不行早晚情誼不關往來督率無人甚至山州草縣只行之於城而不行之於鄉講之於

官而不徧通於民不惟善惡無人糾察勸戒卽宣講亦多不能依期奉行在官固視爲泛常而民之聽之亦或作或輟有來有不來况居鄉者多在城市者少鄉民離遠無人督率雖有講宣如何聽見卽如彌天重犯所居離城市遠縣中講約讀法之事生平並未撞逢一次如所頒聖諭廣訓及我皇上斟酌取士之法從前不惟不曾目見並未曾耳聞直至近日伏讀皇上聖諭中間有聖諭廣訓序文持以問人方知從前只曉得聖祖皇帝上諭十六條而已况鄉人中之全不通文理者如何曉得似此法亦簡易易行但要責令有司實心奉行若能天下之大縣縣如此奉行每縣之中到處如此宣講行習道德齊禮其治效豈有極哉況此規制旣成於各縣各鄉之中凡有善政善教皆可照此儀節徧曉民間不惟無上行而下不效之患且君民一體呼吸竟可相通矣彌天重犯山野冥頑本不知是非可否但管見及此不敢不盡情直供伏祈聖明取此約全文詳覽規制裁奪可否爲幸

問會詳

旨意開徐統著逆書知新錄內云卽觀鑄錢一事自癸卯到今六年尙鑄個錢亦頗熟

強鑄就的糊糊塗塗不明不白民間無人肯受謠曰雍正錢窮半年若身上有兩個雍正錢即投之溝壑等語制錢爲民間日用所必需務宜輕重適均流通無弊方於民生有益錢文字畫之清楚與否皆關銅鉛之多少此人人所共知者向年

聖祖皇帝時所鑄制錢以銅六鉛四搭配雖錢文字畫清楚而銅多於鉛遂有奸民銷毀制錢改造器皿者因而錢價日昂康熙四十五六年間每銀一兩僅可兌錢七八百文朕在藩邸時深悉其弊是以令錢局以鉛銅各半搭配鼓鑄使奸民無銷毀之利又嚴責銅器皿之禁方得錢價漸平今銀一兩可兌制錢一千小民並受其利其錢文字畫雖未甚精工然惟銅鉛相半方能禁止銷毀而制錢可得流通便民並非吝惜銅鉛而多加鉛兩也且鑄錢由模範而成其樣錢謂之祖錢輪郭勻厚字畫完整由祖錢套出謂之母錢即遜於祖錢再由母錢套出是謂鑄錢今民間日用之官錢也較之祖錢更不逮矣蓋即一板之內所鑄二枚之錢下沈者必重在中者適均在

上者必輕而字畫亦因之而不能一式完美此從來鑄錢皆然非獨今日之雍正錢爲然也乃曾靜不知錢法信狂妄之說遂肆譏議任意盡惑詛何殊昏夢中之囈

語乎至云投之溝壑尤爲可笑民間所有之錢必以銀兩兌易而後來豈有以銀易者物而委之溝壑乎至於貿易之人當其受錢之時必細視錢文而後交易若以雍正錢爲不祥之物孰肯收受況既以貨物售賣人雖至愚孰肯以銀與貨物換得之錢而輕棄之溝壑也今直省內外果不肯用雍正錢文乎卽如曾靜之家至爲貧薄然囊篋中亦必有制錢收貯然後可以易米買薪何以不投而棄之乎江南地方困雍正錢文尙少元年二年間有以舊錢十文易一雍正錢以爲寶玩者其重雍正錢文何以又如此何湖南之人情與江南迥別乎至於鑄錢未能流通普徧此則事理之常明而易見者

聖祖皇帝在位六十餘年康熙鑄錢尙有流行未到之處又如廣東高雷廉等府至今尙用宋時舊錢並元明代之錢亦流通未至自雍正元年以來甫及七年所鑄錢文欲令徧天下及並荒僻之處亦有是理乎曾靜所聞謠言確係何人傳說曾靜果否親見投錢溝壑之人其人係何姓名確在何處可據實供來

曾靜撰此等狂悖說話彌天重罪當時無知聽得人言如此遂不窮究其事理信

以爲實隨手寫記放紙上其實到今日看來無論人言已言皆該殺該剮尙有何說分解得蓋緣彌天重犯所住之地離城市遠無交易買賣卽間有買賣亦是用稻穀不惟不使錢竟少有用銀子窮民無所出息亦無處交易得銀子所屬者只有穀耳惟富戶積得稻穀多方以穀去賣得銀子用至若錢則無論康熙錢雍正錢皆未用皇上御極之初雍正元年二年三年雍正錢流通未徧楚疆彌天重犯彼時心下常想求雍正錢一看以爲此是新天子的通寶以此去問人而人間有自城市中來者遂妄傳以爲雍正錢鑄不成後又逾年心下實要想求雍正錢看而不可得又去隨便問人謠傳遂以爲如今新皇帝因鑄錢不成殺了幾多鑄匠彌天重犯此話固不肯信然無奈鄉愚小民不通錢法每多如是說後彌天重犯偶得一二雍正錢細驗其錢文字畫果不十分清楚先疑以爲模範新制恐是初鑄所以未甚精工後來再看亦復如是那會雍正錢少到街市上用康熙錢熟識又見得雍正錢文字畫不完美不知從何處遂造出這個謠言來無如小民聽得此言徧傳於鄉里彌天重犯心中漸次受了謠言悖論之毒又加以不通錢法解

這錢文字畫不清楚的緣故不出遂不察前信以爲實直至雍正六年春狂悖將
萌竟把此事做一個驗證其實到今日伏讀我皇上旨意方曉得錢文字畫之清
楚與否原關銅鉛之多少康熙錢文字畫清楚者由于銅六鉛四銅多于鉛雍正
錢文字畫未甚精工者由于鉛銅參半其銅多于鉛則致奸民銷毀制錢改造器
皿而錢價日昂其銅鉛各半則奸民無銷毀之利而制錢可得流通便民細思到
此全是我皇上一段愛民苦心經天緯地的學問方能鑑別物理之所以然察照
民間之積弊直從源頭整理下來此豈尋常之智慮所能窺測萬一況錢有祖錢
母錢鑄錢卽一板之內所鑄二枝之錢下沈者必重在中者適均在上者必輕而
字畫亦因之不能一式完美小民不知其由竟以錢文字畫未甚精工遂從此妄
生議論而彌天重犯不知錢法亦妄信而附和之萬死萬劓自知何辭但念小民
雖頑天性亦難泯絕未有不知愛戴君親者其所以狂悖如此者實由于心中無
知不知聖天子之德意其所以不知聖天子之德意者又由於宣傳之未備卽如
我皇上禁取黃銅一事彌天重犯耳聞亦有幾多說話山野無知不解取銅禁銅

之故甚有謂我皇上欲取盡中國之銅解往滿洲地方鑄錢以爲官鑿者。夫天重犯雖心知謬傳然亦無說可解答。離縣城遠未見衙門所張掛告示如何說在外。只有取銅禁銅之令中間並未說出取銅禁銅之由。小民無知焉得不妄生疑議。擬議出于二二人之口傳者遂徧遞于千百人之耳。直至今日伏讀聖諭方曉得這禁銅原爲奸民銷毀制錢改造器皿錢價日昂禁銅不用則錢無所毀而價可漸平民得利用是我皇上幾多深仁厚澤爲民善政遠鄙百姓皆爲心中不知糊塗浪過此彌天重犯前供鄉約內所以說到朝廷所頒政令凡有關於風教民事者須要在鄉約中宣示正爲此類也。至若謂投之溝壑從前不深究其事理遂誤聽以爲果有是說今得明旨反覆推勘而復心下思索不惟信得無是理且天地間並無是事何其誕妄一至于此極邪總之愚民類多無知而悖謬實非有心以肆妄况毀謗議出于小民無知者之口本無損於聖天子之明德而御極初年之毀謗尤足以見聖德神功之遠大蓋有非常之主必有非常人所得知之。猷謀衆見未嘗不驚不知者未嘗不疑驚疑交集此謗之所由生也是以帝堯承帝嚳

之後自唐侯而陟踐帝位始三年而謗作又三年而頌興又三年而謗頌悉泯乃得不識不知順帝之則況我皇上初潛之時韜光養晦無求無欲只盡己性分之當然並未嘗稍露一毫聲光于人間龍德中正不惟非天下所得知並非在廷諸臣所能識惟我聖祖皇帝聰明天縱本父子之親以聖知聖早知我皇上天靈貴重蘊蓄美富爲能聰明睿智足以有臨然亦只以是存之於心而不肯揚之於衆直至聖躬不豫委以南郊大禮方知我皇上聖德神謀久爲聖祖皇帝所深契所以當我皇上御極之初一切政治經天緯地天下莫能仰測高厚之所以然加以阿其那塞思黑等久蓄奸謀散布流言于山陬海隅小民無知誤聽而起疑生謗者以今看來實屬理勢之所必至如此等說錢的話亦是二年三年事到雍正五年六年來實無人如此說今若究問傳說的姓名此是泛泛鄉愚只聽得人如此說亦依口學舌如此說原是不識不知隨聲妄和今日如何記得那一人說指得那一人姓名出在彌天重犯固冥頑無知然尙稍識得一兩字稍通得絲毫義理且不免以訛承訛傳妄踵妄按其罪過該殺該剮其實在今日就殺就剮渾身寸

磔亦抵當彌天重犯許多罪過不得況蚩蚩之衆較彌天重犯之無知更甚乎我皇上德量同天明睿並日今日實是彌天重犯萬死萬劓罪不容諉其餘傳說同在覆冒涵育之內者惟懇矜之恤之憫念小民之無知陷罪而已如何妄擿得別

人

奉

上諭據山西撫巡石麟奏稱晉省紳士百姓願將軍需應用之駝屨苦氈繩索三萬副從本地自備車騾運送至歸化城交收臣等遵旨令地方官給價僱送而各屬士民挽車策騾爭先裝載給以腳價感激涕零稽首稱謝不肯領取急公効力曠古所稀等語著將此摺令杭奕祿發與曾靜看並訊問曾靜湖南山西同在戴天履地之中何以山西之民踴躍急公忠誠愛戴實能視朕爲后而湖南之民乃有猖狂悖逆肆惡構亂之徒如曾靜等至於視朕如仇此朕所不解著訊取曾靜口供具奏

曾靜供彌天重犯稟性愚頑不知天高地厚然聖人在上恩深德大感化到至處雖木石亦知傾向起舞是以數月以來感恩被化之深白晝對人雖是無言可以

稱述然夢寐恍惚對人言及皇恩聖德驚惶感泣幾次流涕痛號至醒猶有不能
自止者以是知秉彝之良原未嘗盡絕特從前偶爲外誘浮言所惑亂不知聖德
高深萬一之所致非本性與人異也今蒙恩旨以山西巡撫所奏奉旨動用正項
錢糧製造駝駝繩屨等以備軍需撫臣遵旨動銀給發通省而通省士民咸稱我
皇上宵旰勤民愛養百姓直如赤子安享昇平無以爲報情願自備騾車各從本
地運送期効犬馬之勞感激涕零稽首稱謝不肯領受腳價摺奏等情命彌天重
犯閱看彌天重犯因思君臣一倫至大至重分雖有尊卑之別情實同父子之親
本于天命之自然無物不有無時不在通古今徧四海而未嘗有異也民之乖戾
不供順其上固是民之無良然亦半由在上者不以民爲子或子焉而德惠偶有
未洽于民或及民而有司不能宣揚上意以致民或不能以君爲后卽或后戴其
君而不能至誠盡忠實盡我赤子之道者往往有之若果能以民爲子食思民饑
而爲之謀其飽衣思民寒而爲之謀其煖痲痺一體每念不忘其民則君民一體
民自不敢有其身不敢私其財不敢擅其力雖赴湯蹈火亦不肯避矣然此雖有

其理從古未見有其事不惟漢唐宋明如文景貞觀熙寧極盛之時所無卽三代
邳隆之世亦所少見惟文王上承十五王之積累下開八百年之泰寧太和融結
至德深仁淪肌浹髓見於經者方有庶民子來之事不然以堯舜之德亦難期此
聖神功化之極效也今我皇上子惠元元時時刻刻以愛養撫綏爲念至德深仁
無隱不入無處不到所以天和萃聚豐稔頻登民心愛戴頂踵思捐以期踴躍爭
先報効萬一者將徧字內而皆然矣何況山西省近京都感德被化尤爲最先而
更親者乎惟有湖南隔遠民習又夙澆漓加以奸黨犯罪充發廣西往來通衢布
散流言傳聞道左致使聖德聲稱湮鬱未洽然到今雲開日麗快爽歡忻輿情諒
是不同尋常愛戴況我皇上治化已幾刑措而道德齊禮之教猶時軫念遠方已
蒙差使往湖南觀風整俗矣今又蒙恩旨著彌天重犯往湖南觀風整俗使衙門
聽用彌天重犯雖愚陋不堪然數月以來被我皇上德教耳聞目見京都風景亦
頗粗知聖教之萬一縱不能有所贊助裨補於觀風整俗使之前然以當身所感
我皇上之德被我皇上之恩盡心竭力以直道實逢人說頌亦得期贖重罪之辜

末但念犯罪螻蟻自擢不足取信於人所賴者惟我皇上大德至誠既可感百靈
和屢奏成效必能孚及豚魚而四方風動從欲以治自是家喻戶曉人人感恩戴
君親上民情必不減山西愛戴之隆矣

奉

旨訊問會審你看了山西巡撫石麟奏摺供稱君臣一倫情同父子四海未嘗有異湖
南民習澆漓奸黨犯罪流毒廣西往來通衢布散流言致使聖德聲稱溷鬱素盜等
語夫撫我則肩虐我則仇古有是語朕於普天之下一體同仁湖南山西之民固貴
撫之如子也山西民俗醇良感召天和連年豐稔無待朕之大加恩澤湖南民俗澆
悍乖戾之氣上干天譴以致災浸間作荒歉屢告朕聲沛恩膏所以子惠而撫綏者
不一而足尚不得爲撫我之后乎朕撫山西之民所以趨事赴功者蓋因

聖祖仁皇帝六十餘年深仁厚澤溘隨淪肌是以一遇國家公事即輸誠効力踴躍爭先
如此肫切誠問湖南之民獨不受

聖祖六十餘年之恩澤乎即據會審供

聖祖賓天之時亦嘗哭泣盡哀持服拜祭夫既感

聖祖之深恩顧不念及朕躬乎人情於親戚朋友素相契厚者或聞其子孫有過失則必曲爲之掩護或聞其子孫被謗議則必力爲之辨白况於君臣之間乎伊之於朕躬萬無忍於指斥之理况以毫無影響之流言不察真僞而便肆爲譏讟敢行悖逆尙得謂有人心者乎伊既知君臣之倫情同父子今有人誣會靜之父有盜名捏其母有淫行會靜聞之忍不與之辨乎忍不察其言之虛實乎抑不問其虛實遽將其父母醜詆唾罵且著書立說以揚播之乎伊稱往來奸黨布散流言被其煽惑夫奸黨充發往來之所不止湖南一省也卽山西地方豈無此等逆黨之流言乃從無一人被其搖惑煽動者獨湖南奸民如會靜之輩一聞奸徒之蜚語卽起叛逆之心謂非其性與人殊者乎且撫我則后虐我則仇之語亦非正論夫君臣父子皆生民之大倫父雖不慈其子子不可不順其親君卽不撫其民民不可不戴其后所謂撫我則后虐我則仇者在人君以此自警則可耳若良民必不忍存是心唯奸民乃得以藉其口然人雖甚無良亦斷無有以撫爲虐者朕於湖廣已實盡其撫民之道而不意

曾靜輩猶視朕如仇也至曾靜蠱惑於華夷之辨此蓋因昔之歷代人君不能使中外一統而自作此疆彼界之見耳朕讀洪武寶訓見明太祖時時以防民防邊爲念蓋明太祖本以元末奸民起事恐人襲其故智故汲汲以防民奸其威德不足以撫有蒙古之衆故兢兢以防邊患然終明之世屢受蒙古之擾擾費數萬萬之生民膏血中國爲之疲敝而亡明者卽流民李自成也自古聖人感人之道惟有一誠若存籠絡防範之見卽非誠也我以不誠待之人亦以不誠應之此一定之情理是以明代之君先有猜疑百姓之心而不能視爲一體又何以得心悅誠服之效先有畏懼蒙古之意而不能視爲一家又何以成中外一統之規雖當時蒙古之人亦有入中國者然皆閒散不足數之輩耳若因此遂謂蒙古之人臣服於中國則當時中國之人亦有入蒙古者是中國亦曾臣服於蒙古矣至於我朝興自東海本非蒙古向使明代之君果能以至誠之道統御萬方使我朝傾心歸往則我朝入中國而代之亦無解於篡竊之名矣乃我朝自

太祖

太宗以來寔昌寔熾明代自萬曆天啟而後寔微寔熄明代久已非我朝之敵彼自失天下於流民

上天眷佑我朝爲中國主

世祖君臨萬邦

聖祖重熙累洽合蒙古中國成一統之盛併東南極邊番彝諸部俱歸版圖是從古中國之疆宇至今日而開廓凡屬生民皆當慶幸者尙何中外華夷之可言哉會稽夜何辨說據實逐一供來欽此

會稽供稱天重犯山野無知於人事無一得通自犯罪以來只有惶恐戰慄嗚死以待罪而已更有何說可以分辨今承高厚之恩復降諭旨詰問反覆細讀字字句句皆發從古聖賢所未發義蘊精深弘博已列至處極處在爾天重犯實無一言可以分疏解免其罪但自討當初犯舉之念處處皆從不知罪德高深錯認以言起見因念人之五倫雖有人合天合之分其實皆本天而出根性而具所以聖人謂之達道惟其謂之達道所以通古今遍四海而不異五倫之中又惟君臣父子

爲更大君臣雖從義生而以入合父子雖從仁出而以天合其質君臣之倫以大過
父子之親蓋以父則對子其尊只在子一身之上君乃天下萬物之大父矣母其
尊與天配在萬物之上故五倫以君臣爲首而所以處之者彼此有當然各盡之
道本不相期待在君之職以天自處所以一切寒暑怨咨有不屑計而爲臣爲民
者一身之生殺唯君所命不敢以私怨生黷叛之心雖聖人說君使臣以禮臣事
君以忠兩邊平放其實不相期待臣之忠君乃天命之自然不是因君使臣以禮
而後臣得事君以忠所以朱子註云二者皆理之當然各欲自盡而已玩理之矯
然四字見得臣之忠君原從天出不是報答君恩君加恩於臣在臣固當忠君卽
不加恩於臣而臣亦當忠誠如聖諭所云父雖不慈其子子不可不順其親君卽
不撫其民民不可不戴其后蓋臣之忠君乃天命之當然所性之自然豈計君恩
之輕重哉試看文王遭紂之昏亂而不改小心服事之節聖人稱爲至德曾子作
大學傳釋止至善章引文王作榜樣以爲止善之極則曰爲人臣止於敬而不表
揚武者正爲此個緣故今論官謂撫我則后虐我則仇非正論正恰是文王乳會之

旨蓋撫我則后虐我則仇乃武王將伐紂而誓師之權詞湯武之事本非聖人之
得已但所遇之時不同究其極而仍合於義耳初非其所樂爲而可以爲法於天
下後世也故必有湯武之至德深仁而又遇桀紂之昏亂失德以湯武而遇桀紂
又要看天命驗民心方可行得然在聖人心中終是不滿終不免以此爲慚豈後
世莽操等所得借口乎蓋聖人處此只爲常經到此窮絕理勢不得不變所以就
時地上裁制不得已而爲古今之通義以接續天理耳故此一種道理非大聖人
不能用所以聖人說個未可與權虛懸此理於天地間而未敢輕以許人耳今我
皇上因父子之親而剖晰分示推出此理兼使彌天重犯得以聞所未聞此誠不
幸中之大幸事也因廻思我皇上子惠元元盡六合而皆然所以撫綏我輩赤子
者本無間於山西湖廣而山西之民醇良湖廣民俗澆悍幾煩聖慮疊沛皇恩以
盡撫我之道今聖德謙光聖孝誠篤深仁厚澤歸美聖祖於此見湖南之民不唯
沐我皇上之深恩當思忠順以事其上卽推想聖祖至德亦無不當輸誠盡分以
竭其忠况爲民當身正義處覆冒之下既食毛而踐土君卽不撫其民民不可不

仰戴其君者乎思量到此彌天重犯雖粉身碎骨不足以償萬劓之罪更有何說可以解脫况彌天重犯既知感聖祖之深恩而持服盡哀獨不思推聖祖大德於我皇上而思忠効順今明旨詰問及此雖木石亦當動心况彌天重犯身帶血氣有不割肝泣泪者乎所痛恨者只爲身居山谷我皇上御極初年大德尙未遍洽卽爲奸言先入以此遞遞疊聞遂爾步步生疑唯其有元年之流謗在心是以後此之謠傳得以入耳而奸黨造謗之大皆與聖祖皇帝爲仇爲敵之事在彌天重犯當日看得君父之倫重大痛當身受聖祖皇帝四十餘年撫綏之恩吃緊此義不覺透骨徹髓只思報効於聖祖思爲聖祖皇帝之忠民義士於義合當爲聖祖皇帝捨身致死以是妄萌悖逆之念甘蹈赤族之誅而不辭耳卽謂惑於呂留良之悖論在當時尙屬第二第三義逆書雖有其說然亦是看得君父之倫重故以是勸岳鍾琪耳其實多爲感聖祖皇帝之深恩大德起念所以聖祖賓天彌天重犯持服盡哀發於至性在當時悲思竟有不堪對人者每暗地流涕拭淚在己亦不自知其何以至是原無意於人知以爲忠孝是讀書人本分事爲各人自盡之

道豈敢希冀人知一著人知之念卽爲僞矣尙得有忠孝乎前供所以說到此處者只爲彌天重犯犯此大罪心事未易明白故緣此以爲證據耳其實當日一片赤心耿耿處並未說到故在當時非彌天重犯全然死心只爲譖言流毒多劫繫聖祖皇帝身上豈意我皇上大孝大德爲聖祖皇帝同德嫡體而更有光者乎他若彌天重犯以毫無影響之流言不察眞僞而便肆爲誣讟揆以君臣之義體同父子之親彼人有誣彌天重犯之父以盜名捏彌天重犯之母以淫行在彌天重犯情必不安必察而辯之且爲之掩護之而人於我皇上之誣捏則遽信以爲實漢不加察較之父子之情相去懸絕彌天重犯萬死之罪實無所逃但當初之狂舉妄動而誤信以爲實者亦以聖祖皇帝之恩德在人者深爲民者無不冀聖子聖孫之繼其統當時心中所期以爲處今日卽皇上偶有德不及聖祖處在民間亦必爲之掩護不忍宣揚今所闢如此且以爲言出於京城往來道路人口並非起於民間因妄疑聖祖皇帝非有仇於人者而今日所聞如是必有其因况天子本四海之共主人只有愛戴頌揚誰甘不良而肯造言誣謗是以彌天重犯當此

一爲從未歷過世路傾嶮識透人情有此變詐二爲從未到過京師得聞奸黨如此陰毒三爲聖德高深湖山萬里未得驟聞因此三事未諳以致譸謗流言得以亂聽况阿其那塞思黑允颺等之奸黨流布民間本非一處一路除充發廣西外尙有詭名變跡借遊學爲名者而其所詆誣聖德多由談文論學引入山野蠅蟻從何窺測其底裏因此不覺爲之搖惑煽動若奸黨充發所過省郡極多不止湖南一省卽山西地方豈無此等逆黨流言獨不能惑人之聽而唯湖南奸民一聞蜚語卽起叛逆之心夫奸人有心造謗每乘人之虛而避人之實誠以虛則吾言易入實則吾言易識故其不肯在山西河南等近處傳布者以山西河南等省離帝都近往來者多皇上之至德聲稱人人所習聞心中實而有主故也惟湖南離帝都遠往來者少我皇上之至德聲稱未得徧洽山谷知之者少心中虛而易惑故也非山西與湖南之民全異實所處之地有不同也至若諭旨以華夷之辨推原於昔之歷代人君不能中外一統而自作此疆彼界之規且謂明祖以元來奸民起事恐人襲其故汲汲以防民奸其誠德不足以撫有蒙古之衆故兢兢

以防邊患以及先有猜疑百姓之心而不能視爲一體又何以得心悅誠服之效先有畏懼蒙古之意而不能視爲一家又何以成中外一統之規大哉皇言既與天地同體復與天地同用於穆天也而我皇上配對之不見其不足我皇上也而天全體之不見其有餘況見透漢唐宋明幾多英主隱曲作用直同兒戲不惟德量同天心公到至處而且眼界高出日月之上明察到極處此等境界自古帝王所少到而此等議論自古聖人所未發苟非我皇上身親歷到焉能辨別到此至處焉能包容到此極處焉能闡發到此至微至細處況復以感入之道總歸一誠尤儼然活露天體之大矣蓋惟天至誠惟其至誠所以覆冒無外感而遂通故中庸言誠必推極於天惟其誠能合乎天所以高明光大博厚悠久與天無異也此我皇上所以合蒙古中國成一統之盛凡天所覆冒者俱歸版圖凡屬民生皆當慶幸豈有華夷中外之間哉理到至處行到極處雖堯舜復起亦不能贊一詞而我皇上不惟規模弘遠開中天之隆會抑且道德廣大立萬世之成規人君不能修身配天強分中外華夷者到此直堪媿耻無地矣况欺世盜名假竊聖言餘曠

以混理學之正者其逆天不亦甚歟至是而益信我朝名義之正德業之隆誠極
生民所未有也猗歟盛哉

奉

旨訊問曾靜你供稱身居山谷我皇上御極初年大德尙未徧洽卽爲奸言先入遂爾
步步生疑後此入耳謠傳皆與

聖祖皇帝爲仇爲敵之事因身受

聖祖皇帝四十餘年撫綏之恩思爲忠民義士是以妄萌悖逆之念甘蹈赤族之誅等語
你自雍正元年以來訛傳逆黨之言是朕之失德備聞於耳而阿其那賢孝之名及
聖祖皇帝欲傳位於允禩之事亦入於耳你旣感

聖祖皇帝之恩卽以朕爲君父之仇敵不克續承大統則亦當勸岳鍾琪世受國恩當仰

承

先帝之志輔佐阿其那允禩等以繼

先帝之基業何以竟將叛逆之事欣動岳鍾琪况你逆書內分別華夷直指

聖祖皇帝爲夷狄如何尙說感戴

聖祖皇帝四十餘年撫綏之恩思爲忠民義士乎可據實供來

曾靜供彌天重犯狂悖之舉按其罪觸處皆是本無一線可生苟非大聖人在上德量同天精明並日本大公無我之懷虛心體察使頑逆隱情畢露雖磔屍磨骨亦不足以償當身莫大之罪尙有何說可以疏解今承恩旨訊問前供所稱身受聖祖皇帝四十餘年撫綏之恩思爲忠民義士則當勸岳鍾琪仰承先帝之志輔佐阿其那允禩等以繼先帝之基業何以竟將叛逆之事欣動岳鍾琪況逆書分別華夷直指聖祖皇帝爲夷狄如何尙說感戴聖祖皇帝四十餘年撫綏之恩思爲忠民義士究問及此彌天重犯惶恐戰慄萬死何逃不惟無說可以仰答天聰卽自問亦無說可通了今親覲聖德之深極生平所未有感被皇恩之浩蕩徹骨髓而融洽此所以心悅誠服而痛悔當年狂悖之舉切齒於阿其那塞思黑允禩等之奸黨造言流謗者以終天也然苟非我皇上之德量同天精明並日亦只有殺而已矣嗣而已矣今承旨問從肝滴出一字一淚實無半語隻字可以仰答

天聰理屈辭窮自知萬死萬剛莫償只有惶恐戰懼而已矣

奉

旨詔問曾靜前因山西紳士庶民運送軍前駱鞍屨自備車騾不肯領價踴躍急公爭先恐後已將晉民情節論你今不旬日間晉省保德州等處遂有慶雲呈獻之瑞據巡撫學政布政使三處奏報前來特將奏摺發與你看朕從來不言祥瑞但天人相感之理實捷於影響晉民懷尊君親上之心是以連年豐稔今又蒙

上天特錫嘉祥以昭示福佑萬民之象可見從前湖南地方屢被水災者實因民風澆薄又有你與張熙華心懷悖逆以致乖戾之氣上干

天和此理顯然昭著但朕涼德不能化導湖南百姓亦不能辭其咎你從此更當猛醒知天之不可欺矣你今仍怨謗朕一人乎

曾靜供自古稱聖王勵精圖治雖不言祥瑞然到治定功成而祥瑞自然協應必到祥瑞協應時前後稱得治定功成此中庸推學問之極功聖神之能事而必歸到天地位萬物育上去者此誠以大君之身與天相配其精神運量與天相通君

心能與天心融通無間而克符合一則和氣致祥自然雲日輝煌藻彩繽紛以及河清海晏萬物順成百福駢集者君心稍有一點與天心不相符合則戾氣致異一切反是此理之大致一定不易者但其中不能盡同亦微有辨蓋有君盡其道而臣庶不能仰體君心此又以君爲天君心爲天心臣庶之心不能仰體君心卽與天心相違所以亦能致異此普天之下所以有嘉祥災異之不能盡同也恭惟我皇上克體天心克肖天德勵精圖治仁恩厚澤徧洽寰宇其效至於溥海內外物阜民康皆歌樂育禮陶樂淑共被洪鈞惟聖心與天心合一君德與天德無間所以天和見彩地靈垂祥大者如五星聚黃河清嘉穀著芝百瑞疊呈我皇上天人感孚成自古未有之治功以致獲自古未見之休徵此理之捷於影響而無疑者也至於近者晉省慶雲捧日外繞三環光華四射藻彩繽紛與湖南數年歉收旱潦疊聞災異間見其理復異者何也誠以晉省民心醇厚知恩感戴民心能仰體君心一切輸誠奉公之事無不踴躍爭先故於辦理駝屨之會而天垂祥瑞以協人心之順若湖南雖同處覆冒之下而民俗澆漓不能仰體我皇上之心加恩

而不以爲恩被德而竟忘其德加以彌天重犯等之狂悖喪心不惟不知我皇上之大德合天而竟不能安業順化是湖南庶兆之心多與我皇上之聖心相違卽與天違所以厲氣致異而災浸獨屢見於湖南也但此理甚顯亦甚微非我皇上精通性命之源素能默契乎天而復能與天合一焉詎知之彌天重犯到今日讀所報聞諸嘉祥奏摺並我皇上所訊問諭旨之理觀之不惟信我皇上之至德毫無瑕累實實與天合一在彌天重犯將插翅徧飛徧傳破謔除謗之不暇豈尙復爲譖謗所惑之理抑且自痛自悔當年狂悖之舉誠得罪於天而不意今日戴天廣大之德推原致罪之由寬宥以至於此極也

奉

旨問曾靜湖南地方人心詐僞風俗滲漓而督撫大吏又不能宣朕之威德化導愚民以致風雨不時災屢屢作雲貴總督鄂爾泰實能體朕之心教養百姓而民風淳厚又能服教樂善以此感召

天和雲南連歲大稔而貴州今年通省豐收所產嘉穀歧穗繁多科粒碩大爲從來所未

見今將貴州巡撫張廣泗奏本及所進嘉穀圖樣與你看天人感應之理顯然昭著如此你再有何說

曾靜供天人感應之理捷於影響彌天重犯已曾供過不敢復贅今觀貴州巡撫所進獻瑞圖共四十六種稻穀粟米之多有一莖兩穗至十五六穗不等稻穀有每穗四五百粒至七百粒數之多者粟米有每穗長一尺八九寸至二尺有奇者不惟從來目所未見實從來耳所未聞此必貴州人民被服聖教革面滌心輸誠向化熙皞樂利一團忠順太和之氣上應我皇上勵精圖治之苦心於我皇上之大德無不洽至教無不通道德齊禮之化無不順應協從所以與雲南山西等省同一尊親愛戴之誠上召天和是以或垂天錦以示祥或著地靈以呈瑞其事雖異其理則一也惟湖南雖與山西貴州雲南等省同居覆冒之下同受生成之恩而數年以來災異屢見者何也實因阿其那塞思黑允禔允禵等之奸黨將聖德詆誣造言惑亂而湖南之民無知輕聽妄以我皇上之德果如奸人之謗各懷不平而怨咨嗟議反以數年災稔爲皇德之虧所致豈知我皇上以亘古未有之至

德深仁而漚鬱遠鄙是以上天震怒屢示災異以謹責湖南之民而湖南之民不知省反聽信奸黨之謗而致怨乎上故怨愈深而災愈厲蓋湖南之多災與貴州雲南山西等省致祥其事雖殊其理實同一上天眷佑我皇上帝之大德所致貴州山西雲南等省之致祥是貴州山西雲南等省之民能仰體我皇上帝之大德各盡忠順之道而樂業安化皇上帝至德舒暢四達而無隔礙所以和氣融通而能致祥湖南之多災是湖南之民不能仰體我皇上帝之大德胸存悖逆之念不肯安業樂化皇上帝至德間隔湖山而多鬱結所以戾氣否塞而能致災所謂同一上天眷佑我皇上帝之大德實因我皇上帝之大德亘古未有所以既有此等應處又有此等異處今彌天重犯得見阿其那塞思黑允禔允禵等之太監及伊等平日所蓄養之匪類等所供之議恰與湖南百姓所聞無異於此見得奸黨上誤國家下害生民蓄心狠毒一至於此若非我皇上帝仁孝誠敬之至上格於天素孚於祖感通默相焉能使諸奸盡行敗露惡跡如此昭彰而我皇上帝之大德轉因此光明顯燦焜耀中天所謂仰尼日月也人雖欲自絕其何傷於日月乎此理至今日而益驗

矣到此實實信得我皇上之德超越古今與天與聖祖一而二二而一並無毫髮彼此之間故能爲聖祖所篤愛上天所眷佑而天理嚮應如是報驗如是

奉

旨訛問曾靜你從前逆書內云於今正值斯文厄運是以

孔廟焚燬今據督修廟工之通政使留保奏報十一月二十六日午刻正當

孔廟大成殿上樑之前二日慶雲現於曲阜縣形若芝莢彩鳳五色繽紛正南東西二

面拱日朝陽歷久益加絢爛萬目共覩無不稱慶等語今將留保所奏之摺及慶雲

圖發與你看還是斯文厄運之災異還是文明光華之祥瑞你今又如何說

曾靜供道之在天下本無處不有無人不備特凡民爲氣稟所拘物欲所蔽是以有的不適如其有備的不能果見其備故聰明睿智之資氣稟清明義理昭著生知安行千萬人中無一見焉甚或數千年無一遇焉然一有之則天必命之以爲億兆之君師所謂亶聰明作元后元后作民父母又曰天降下民作之君作之師是君與師原屬一道並未嘗有岐此堯舜禹湯文武之世所以只有君之重並無

師之名蓋以君職原兼師職故也唯至春秋戰國二帝三王之道熄時有孔子生
安之聖厄而在下當時仁義之風微功利之習興一時功名之士以治天下爲另
有一種權謀術數之學於是羣指孔子爲師道而稱君德者視此則有彼此之分
而孔子之所謂仁義道德者每多置而不講歷漢及唐以至於明二千餘年孔道
晦塞未有能明能行孔道不明不行又安望其有虞夏商周之治效乎惟我朝聖
祖皇帝得堯舜孔子之心傳是以六十餘年深仁厚澤遍及溥海內外已媲美於
虞夏商周我皇上以天亶之聰生安之資加以初潛四十餘年研深味道之功其
於堯舜孔子之適合聖祖家學精蘊而久已集其大成不惟與堯舜孔子之心傳
無二抑且於聖祖一切政治而更有光矣此所以天人感應隨時隨地莫不信而
有徵蓋有亘古未有之道德自能成亘古未有之治功有亘古未有之治功斯能
備亘古未備之休徵此理之一定而不易者茲因山東孔廟大成殿上樑之前二
日而慶雲五彩捧日光華融靄於曲阜縣此蓋孔子之聖渾全一團天理孔子之
心卽天心今聖心與孔子之心爲一卽是與天心爲一而祥瑞見於曲阜適在興

修聖廟之會者乃上天所以嘉予聖心與孔子之心爲一處比泛見於雲貴山西等省其慶幸爲更大其盛德之合於孔子而感孚於上天者爲更極其至此所以爲一元之中文明光華極盛之會而爲生民所未有也彌天重犯從前無知並不
知天之高地之厚所以爲流言搖惑而爲是萬嗣之說悔恨無及今既含生被化
於天高地厚之中自驗知之比他人更深信之比他人更篤到此只有尊之親之
愛之戴之傳頌以爲亘古未有此文明光華之聖德神功而已更有何說

問曾靜你書內云撫我則后虐我則仇等語我

皇上夙夜孜孜勤求治理愛養百姓之心無時不切於寤寐無事不備其周詳屢年來大沛恩澤薄海黎庶莫不均霑舊欠錢糧蠲免幾及千萬江浙等處浮糧每年減免六十餘萬至於賑恤蠲除以及豁免之處其數至多南北黃運河工堤工興修水利開種稻田察吏安民弭盜除奸一切實心實政日昃不遑其所以撫天下之百姓者洵乃養育誠求如保赤子所以撫之者至矣海宇內外無不深元后之戴今你不以爲撫而以爲虐不以爲后而以爲仇此是何肺腸且虐民者何事你將所見實說曾靜供皇上至德深仁徧及薄海內外其用意於民固可謂亘古少儺彌天重犯住在遠方不曉世事不知天地高厚之恩但見承平歲久生齒繁多遠方之民富者田多而貧者或至無田皇上屢年大沛恩澤蠲免舊欠減免浮糧動計幾億萬撫養非不極其至然只有田業者飽飫其惠而無田業的多致憾於雨露之不均直至舊年到省今年來京方知皇上有幾多愛養善政有幾多撫綏經畫端拱深宮憂勤惕厲無事不周無微不至且無時無刻不以天下蒼生爲念功德昭然在

目傳頌闐然滿耳自古聖帝賢君用意加惠於民稱元后頌父母載之史冊垂之經典以今準古實所罕聞此今日海宇內外所以共深元后之戴以彌夫重犯如
此狂詆如此觸冒尙有幾多欽恤幾多寬仁恩惠類施被服愧悔直不啻如天如
地之感則天下之大四海九州之廣無一民一物不在涵育生成之內尤不待言
矣彌夫重犯前之所以不以爲撫而以爲虐者總爲謠言所掩隔遂使帝德難名
貪力者忘其力王道同天蒙其化者自不知其化耳

問曾靜據你在湖南供稱有

皇帝使人從四川販米至江南蘇州發賣又云廣東廣西發賣水銀等語這賣米事情
乃外省督撫條奏江浙地方人多米貴請動帑項於產米省分採運平糶以濟民食
此是古人移粟之道且此項運到米石皆減價糶賣於民於正項錢糧尙有虧折如
何說販米石爭小民之利呢至水銀之事乃因原任貴州巡撫金世揚虧空庫帑不
能完交署巡撫石禮哈奏稱金世揚有動帑收貯水銀可以變價完公

皇上尤其所請令於廣東發賣乃係保全金世揚身家性命實出寬大之
特恩你

如何說爲爭民之利呢但此二事皆有因你在何處聽來須將傳說之人供出

曾靜供 彌天重犯於這些事當時都不曉得皇上神奇作爲經緯妙用從四川販米至江南蘇州發賣的事這等謠傳是這些往來搬家去四川的百姓回來說廣東發賣水銀是因走廣東往永興縣過 彌天重犯是永興縣人雖住居離縣城百數十里而鄉間常有人在縣來往傳得此說並非遠方人說豈知賣米是移此就彼乃酌盈濟虛聖人裁成輔相之能事而平糶與減價尤一視同仁萬物各得其所之猷謀至變賣水銀完公則又體恤羣臣使法無犯而事得濟且有以見天地舍弘之量物各因物而無傷於其中也此皆帝王之運量小民不知皇上苦心遂至妄傳以爲賣米賣水銀而 彌天重犯彼時莫知聖慮高深遂誤信以爲爭民之利不知此乃利民之大者也誣上之罪何逃

聞曾靜你在湖南供內有極好殺人京城凜凜等語我

皇上如天好生自元年以來凡矜恤民命之案不可枚舉即今四月十一日以後現有督撫及刑部擬定之案如雲南之黑夜殺人八十二歲老婦何氏一案廣東之毆傷

服叔謝伯達一案江西之不知情姦婦劉氏一案安慶之誤傷兇命郭國正一案浙江之誤傷妻命曹道生一案山西之父爲代首之劫盜查聲聞一案凡有一線可生者皆令九卿詳議從寬減等又逃縱之竊盜趙玉等一案私鑄錢文之張仙等一案或以愚人未知定例或情罪稍輕俱從寬減至同毆庶母之曹繆一案以情罪尙輕不忍處以極典

命確查定議其廷臣所議如定捕役治罪之例符呪作奸之例皆以未曾議及通行曉諭及與以遵奉之期 勅部另行詳議此數日之內成讞具在可逐件與你詳看難道曾靜未到之先

皇上預知你來特爲此祥刑之事以示寬大之恩麼這傳說紛紛極好殺人之說確有何人枉殺確於何年何月日濫殺一人併傳說何人你須一一據實說來

曾靜供 彌天重犯始以不知人情世事誤聽謠言發狂作悖而身陷極惡大罪自事發到長沙及今大半年旁聽市井傳頌歷觀當世休嘉乃知聖德淵深光被四表原無絲毫瑕類久爲普天所共仰到京以來無一時刻不痛悔感泣惶愧悚

慄不惟無面見人抑且無地自容加以皇恩屢頒更覺受恩愈重罪過愈深竊念
來有這樣聖天子撫綏萬方直及於禽獸不如之重罪者乎復蒙諭旨下問於
月十一日大人仰承旨意恭捧皇上御批九卿所奏民間重案國典條例彌天重
犯跪伏階前敬讀感服不覺惶恐汗背雖聖慮高深不能仰測毫末而一種體天
好生之德焦勞愛養之念盎然見于御批之下實足令人感泣無窮如雲南所奏
之黑夜殺人以主謀造意歸於八十二歲之老婦擬斬復將其子何汪何世達何
永傑爲同謀加功擬絞蓋婦人夫死義當從子何汪何故不諫止其母而輕從八
十餘歲之老母以殺人且開場下手打傷何汪已有明供似難更撻別人以抵罪
而黑夜抱草燒屍尤非八十餘歲之婦人所能今以何氏擬斬復以三子擬絞似
傷民命太多又廣東之毆傷族叔此因爭祭田縣斷銀田兩未交清謝日習亦不
合持棍至謝伯達門首詈罵與平昔越分無禮強悍而毆尊屬致死者畢竟不同
又江西之不知情姦婦此通姦在前謀殺在後兩事不相涉況離居又已多年劉
氏夫妻之義未絕且有子八歲豈肯棄夫以從姦律之所謂姦夫自殺其夫姦婦

雖不知情絞而監候者此正就通姦時看非若劉氏之別居有年此時並無姦意萌發也此三條聖慮通微照及民隱所以不肯依擬而勅九卿議奏也又江西之誤傷兄命此郭國正郭國賓兄弟相好素無嫌隙因催丁錢小事拂意生怨且先是郭國賓以酒壺擲國正不中而郭國正拾原壺反擊郭國賓以致殞命初非立意殺兄執兇向前毆擊致死是以改應斬監候又曹道生之妻汪氏不循婦道夫索茶不與嗔責不受反拾石還擊以頭撞夫道生氣忿乃用柴片連毆以致殞命此是汪氏自失三綱大義非本無犯而道生有意欲殺律當擬絞也皇上從寬枷責完結不惟使夫婦之義正而欽恤之恩益覺有加而無已矣又查聲聞雖爲盜首實非本意行劫乃誤聽李瞎子之言志在焚毀契券以圖復佔此愚民無知情有可原所以一經伊父代首聖心痲痺之念切竟許原例從寬免死此皆一線可生我皇上不忍置之死地也又如趙玉田羣劉五以犯盜監禁逃縱例當加倍治罪聖慮謂此本係行竊愚人未必知有逃縱加倍治罪之例其所犯罪仍照舊擬且勅部頒飭天下衙門將新例張示禁門使犯罪囚人入監卽知又私鑄錢文律

斬立決張仙等私鑄審照分出張仙以造賣銅器爲業因禁止黃銅器皿遂將所存之銅私鑄錢文其罪與公行私鑄者有間着改爲應斬監候秋後處決是不惟欽恤民命到至處盡處並分出小民犯科到公私之極處所謂爾絲牛毛辨晰精微竟至如此又如曹繆同毆庶母照律擬凌遲似亦當罪御批乃謂當孫氏挑唆曹霍禪共毆狄氏之時曹繆先不在旁孫氏差使女小春喚至曹繆聽從父母之命助毆狄氏而狄氏至九日殞命是曹繆雖行毆擊原無致死之心曹繆著改應斬監候秋後處決蓋因案呈有孫氏差使女小春往喚曹繆句從此一句遂推原曲諒恰當其情恰合其事我皇上神明照燭無微不至如此又如周元伯舉周見南比屋而居因舂米爭確彼此詈罵而周見南遂爲周元伯毆傷部議應斬立決而旨下九卿議奏不忍遽爾依議看來皇上撫育天下蒼生純是以道並無一點用法之迹蓋道無定體隨時隨地變易無常非大聖人之智慮精微明聽天縱者不能用法雖從道出然一落乎法就拘泥執滯不能活變了所以先儒謂三代以道治世後世以法把持天下如後世賢君算漢文景然文景得黃老之術益

是以法故謂黃老清淨流於慘刻如犯死者依法卽以死抵並不肯留心於其中推原曲諒其致死犯罪之由任天下事來皆以成法成例斷之所以得以清淨無爲豈若皇上仁心懇至全副精神盡用在民身上宵衣旰食至勞至勤有幾多斟酌裁制權度時中大用在其中卓然與堯舜禹湯同歸一致又如御批捕役治罪之例符咒作奸之例必須通行曉諭與以遵奉之期凡有改定科條俱寬其期限悉令家喻戶曉如此而猶有不率教者加以嚴懲始不爲枉今法司更定律例而不察以遵行之期則彼無知之人冒昧而犯重辟是謂不教而殺於心忍乎看到此處覺得一種念切生民之隱比文王之視民如傷更切更篤惟恐民之無知而自陷於法這就是個天了蓋皇上宸宮渾同天體天之元氣流行直貫四時故當秩肅未嘗不寓春生之機於其間所以皇上用刑亦有幾多寬仁慈惠的善心流貫於其中緣未事之先既有許多善政善教以移民惡而遷於善萬一偶入於刑所以體懂而原諒者又無所不極甚至卽今四月十一日以後數日之內畧舉數端莫非施施其仁之發況前乎此者不知幾萬千所經綸裁制神運無方常情不

可得知者又不知幾萬千由是看來皇上之好生德洽施及溥海固難以數計矣況皇上勤民之下敬天之念尤無一時少懈一事放過如御批衍聖公孔傳鐸之奏賀卿雲本章江南學院李鳳翥之奏賀瑞芝本章一字未安一義未當亦所不受皆不肯以臣工頌揚之詞畧過而聖諭所頒謂朕之事天亦猶臣下之事君也臣之視君也以爲九重之尊而以人君視天其相越之分又不啻九重而已也設以屬員頌其上官而稱爲上所崇奉或稱爲福與君齊彼爲上官者能安受而不戰慄乎今以効靈齊天等語見諸奏章其背理慢神何以異是細玩此段雖皇上德降心下謙光自賁其實理正義大至精至當至實至透爲自古聖君哲后所少到自當永爲萬世之法程況皇上敬德之至心細之極一字之訛落皆爲鑿鑿所洞照如李鳳翥賀本內訛賚字爲齊字總督高其倬題參蔡國駿本案呈內有勅索官兵餉銀二三兩句落兩字經歷多少衙門對過多少大臣用心看過而不及到今皆爲皇上摘出指出自古帝王一日萬幾多聽內閣分理卽所閱覽臣工本章亦只看貼黃貼黃尙慮不能周何暇及於案呈況案呈已經許多官員查照不

出而能知之乎卽此不惟見皇上留心國政至周至密撫育蒼生至勞至苦而且聖學主敬之純蓋所謂敬者無一毫苟且無一事輕忽神聚到極處心細到至處無一不極其精無一不盡其詳而已矣故帝堯稱聖以欽德爲先孔聖修己以持敬爲本而中庸歸宿學問到盡頭處亦曰篤恭而天下平今我皇上細密如此所謂先聖後聖同揆合符者也彌天重犯山野庸鄙毫無知識豈能仰測天地之大但今日蒙旨下問直據所見而心悅誠服如此其實皇上經緯大用參贊弘謨彌天重犯何人何物從何得知况從前僻處深山全未識覩天日卽有意見亦屬螻蟻度天何處測其高深所以謠言一入於耳卽信以爲實今承大人捧出本章有說馬廷錫訛傳說皇上因欽天監啟奏紫微星落在福建地方爲此特差大人赴閩凡三歲以上九歲以下男子盡行誅滅現有巴蘭泰一同聽見可據若使彌天重犯當日聽聞一定以爲實事而筆之於書矣小民無知大率多同况彌天重犯尤處深山窮谷中爲小民無知中之無知者乎必到今日一路所聽聞如此所目見如此身親被皇恩如此今日又親自看見皇上用意於民如此焦勞於治政如

此方實實信得皇上德同天地明並日月從前在長沙蒙古一位太人屢將聖德宣傳心下雖亦信服而猶未脫夫舊惑之深也到今方撥雲霧而覩青天朗然日月之當心自是知之明見之切矣但憾身陷法網不能旋歸故里宣傳皇上天德徧覆如天如地聖哲精明如日如月洪慈愛養如父如母使親戚故舊鄰里鄉黨以及遐途所過市井都邑共傳聖神文武共慶有道天子共歌太平盛世且使山陬海澨共憤共惡造言流謗者之奸而憾不共食其肉而共寢處其皮未免死難瞑目深痛無以報皇上之萬一耳

問曾靜你在湖南供內有將二爺的妃嬪收了等語當日密親王之妃於康熙五十七年內已經病故其餘宮人等密親王病故之後

皇上念理郡王難以養贍多人或至少有失所於密親王甚有關係是以 特降諭

旨令理郡王之生母分別區處併傳 旨詢問諸人若有仍願居宮中者悉如

聖祖皇帝之老妃居寧壽宮之例於時宮人有願居宮中者

皇上令其另居別宮厚加廩給以贍養之此是

皇上加恩密親王宮人之盛德凡宮中之人及廷臣所共知者今你這話從何處來又
你以密親王爲三爺語雖訛傳必有亂說的人你可據實供出

曾靜供收妃嬪的話是雍正五年五六月內往來路上人傳說衡州路上押解一
個犯官過他如此說爾天重犯聽得此話不察妄以爲此話自犯官說出畢竟是
實事其實到今日萬萬記想個傳說的人不出亦不知是個甚麼犯官查朝中那
年那時月有甚麼犯官往衡州過就曉得直至舊年到長沙聽得輿論方知皇上
清心寡欲勵精圖治至勤至勞非純乎天理而無一毫人欲者那得如此精明爲
國如此焦勞爲民後復聞欽差大人宣傳聖德無瑕又伏讀聖諭表裏無憾矜
在長沙輿論符合爾天重犯到此益信得從前傳聞全無影響况加恩宮人厚賜
贍養乃聖主仁民愛物發政施仁必自親親托始之意而謠言竟傳以爲收宮妃
豈不深可痛憾凡此十餘供非爾天重犯畏死倖生故爲此語實因奉拿出谷見
聞漸廣實見得皇上帝德教終未有意戴奮輿自愧不得爲聖世之民政痛
憾至此其竊自供自吐處內多理屈詞窮義味氣酸所以語言無序不成說語爾

山野愚夫從未知拜奏陳詞體式不免乖訛錯謬之失而自到京以來又愧悔切心感泣耗神四肢整頓不起惶恐戰慄手指顫震點畫並不成字千萬叩首仰請
聖照

雍正七年六月初二日內閣奉

上諭朕從前所批岳鍾琪奏摺偶檢幾件發與曾靜看朕與岳鍾琪君臣之際一德一心在岳鍾琪之忠誠報國公正無私實自古大臣中所罕見而朕以至誠御下恩眷大臣亦極倚任之優崇洵爲上下交孚明良盛事且朕所批岳鍾琪奏摺甚多此不過數十分中之一分而摺內加恩岳鍾琪之處亦不過百分中之一分而曾靜乃欲上書勸之謀反豈非醉生夢死冥頑無知之人乎爲乃天道不容令其自行敗露也查曾靜逆書內有傳聞岳鍾琪兩次進京陛見俱不允行岳鍾琪深自危疑因而上書等語曾靜平昔夷狄之見橫介於胸中又聞此無根之語不覺其逆心之愈熾遂爲此孟浪之舉但此傳聞之說必有所自來著曾靜確實供出以曾靜之所犯如此大罪今尙蒙朕之寬宥則傳說浮言者若能悔改亦必從寬貸現傳說者未必卽爲

造言之人若由曾靜供出之人轉究造言之緣起則此事可得歸結著杭奕祿海蘭
詳悉宣示曾靜欽此

杭奕祿等恭捧

硃批岳鍾琪奏摺

諭旨數十件發曾靜張熙看曾靜張熙供詞二條

曾靜供 彌天重犯承幼父訓讀書粗知仰體朝廷作養人材之意不肯虛度歲月
自了其生平常有志於聖賢大學之道期勉強躬行實踐以副朝廷之望無奈身
處幽僻山谷名人文士足跡不到而慈父棄世又早且家貧力單勢不能出外遠
遊就正有道直到中年知得呂留良爲文人所宗而其議論亦間有幾處與本心
相合者遂不覺好之妄引爲脩身之助其中有論論語上問管仲兩章以爲此乃
論聖賢出處節義之大且有說華夷之分大過於君臣之義等語遂妄聽其說以
士子立身必先從出處起脚初不知本朝列聖相承備極禮樂文明之盛亘千古
所未有與論語當時所指何啻天懸地隔因先錯看此義在胸適值雍正四五兩

年湖廣廣東等處百姓搬家到四川往還間有從天重苑門首過者傳說西邊有個岳公甚愛百姓得民心西邊人最肯服他那傳說的百姓也不知道岳公是甚名字是甚官職後到雍正五年冬彌天重苑前次所供何立忠傳說陝西有個總督甚肯盡忠愛民當今皇帝每每過疑他防他權重屢次召他進京要節奪他的兵權殺戮他那總督畏懼連召幾次不敢進京皇上見得他守死不肯進京轉疑得深了繼而因這總督原是朝中大臣朱軾保舉的人皇上隨遣大臣朱軾親到陝西召那總督那總督不得已同朱軾一齊進京陛見奏說皇上用人莫疑疑人莫用等語皇上聽說如此也就如此輕帶過又見他親身來了前疑稍釋乃復遣他回陝西去那總督不肯去要人保他方肯去皇上問朱軾不肯保又問九卿大臣九卿大臣亦不敢保皇上乃親自保他去了出京門方四日又有個大臣奏本說那總督與大臣朱軾內外陰結黨援觀皇上屢次召那總督進京那總督不肯進京則他目中無君命可知及朱軾到他任上他又無疑而欣然進京則他與朱軾爲心腹又可知今日回歸陝西朱軾是原保舉的人理應保他乃又不保此

是朱軾脫身之法明曉得那總督將來必有變志所以不保他期後日皇上責備他不得於是皇上翻悔無及前疑愈堅乃差姓吳名荆山的朝官去趕追那總督那總督不肯轉身這朝官吳荆山就在路上自刎了於是這總督到任隨上本章說皇上有如許不是處此是何立忠在永興縣十都石規村低聲獨自告訴彌天重犯的話在何立忠當日竟記不得那總督的姓名他亦只聽說有此事彌天重犯聞得此話以為那上本的總督畢竟曉得宮中事情的確方敢如此直言後又聞得彌天重犯前次所供陳象侯說茶陵州有個陳帝錫傳說有個本章其止本的臣子姓岳名鍾琪彌天重犯到此方知前所傳甚愛百姓之岳公者即岳鍾琪也岳鍾琪即何立忠所傳之陝西總督也其實當時發狂作悖因先吃緊呂留良華夷之謬論在胸復聞得何立忠陳象侯傳說陳帝錫所說有個本章如此又適值四五兩年收成不好遂孟浪有是舉誰知事與所聞如寒暑晝夜之相反而身徒犯一個極惡莫大的罪過到今日彌天重犯伏讀皇上硃批岳鍾琪奏摺方知皇上之至誠御下並無一點疑貳之心而大德感人恩禮又復兩極其至而岳

鍾琪之仰體聖爲委身報國亦無一點避嫌之迹而其赤忠血誠一片敬事之念到此亦無以復加卽以處張熙一事而論無論道義到至精至當不可毫髮移易而其謹慎周密小心精詳不動聲色不露形迹而自然使人獻誠抒悃於其前此非臨事而懼好謀而成者不能到況其聰明睿智更多神武而不殺者乎此所以君聖臣賢元首股肱同稱一體而上下交孚一德一心不啻如父之視子子之事父之切且於此有以見得我皇上知人之明用人之當委人之專任入之誠淵衷至虛至明處事至中至正亘千古而罕覩此天下之賢良才俊抱道蓄德之儒焉得不共聚一朝而心樂之用各効其力各致其身哉 彌天重犯到此翻思從前以狂悖之舉獻議於岳鍾琪實爲醉生夢死冥頑無知更有何說但當時雖是 彌天重犯罪大惡極天道不容所以自行敗露至此其實 彌天重犯此舉莫之爲而爲覺得有個人在身後催促之使動樣此不是今日方敢如此說當時知幾錄上亦略言及此意難逃聖明洞鑒所不解者 彌天重犯自反當身雖爲禽獸其實平日並無半點過惡得罪於天而祖父以來歷世積善常言二代行善人家在 彌天重

犯的祖父可稱得一句十代積善人家不知如何流到彌天重犯身上竟犯一個赤族磔屍的大罪且事發奉拿之會彌天重犯聞得此信自料當身固不免於寸磔萬剛而且遺禍於家門憂憤填心決計自盡此時思欲望火投火望水投水以求速死以免株連然竟不能得死彼時解此緣故不得到今日想來若使彌天重犯當時卽死不惟皇上不得洞鑿彌天重犯致罪之由且皇上深居九重又何由知得外面有許多奸回造謗有許多悖義興譏且事到今日以彌天重犯如是之罪蒙皇恩如是之寬宥今又傳旨釋放彌天重犯之老母幼子并憫念彌天重犯等炎暑過傷命醫調和惟恐不得其所然若無彌天重犯生民未有之大罪亦無以顯皇上生民未有之大德由是看來彌天重犯無爲而爲當年有此狂悖之舉未死不死今日得蒙寬宥之典皆因皇上道隆德盛以天理言之不當妄詆本朝名正言順以天道言之不可輕議所以皇天篤佑故默使彌天重犯之山鄙無知冒昧上書於皇上一德同心之大臣以顯皇上之大德如天於山陬海澨表本朝得統之正於地久天長不然湖山萬里之外奸黨之流謗何由得知窮鄉陋儒之

胸呂留良之逆說何由得解豈不全是個天在此主持默使至若謂傳言之必彌天重犯以如是之罪尙蒙皇上寬赦之典則傳說浮言者若能悔改亦必從寬貸况傳說者未必卽是造言之人諭旨煌煌早已體恤及隱彌天重犯何所顧慮而敢於隱匿忍於隱匿以負我皇上天高地厚之恩乎除前此所供外實實別未有人傳說

張熙供重犯愚闇淺陋生長山隈如蛙蝸井但身處光天化日之下少小頗知以讀書從學爲大然竟不知讀書之錯從學之誤其害一至於此也蓋因重犯家世寒微人文科第寂寞無聞僻處窮鄉無緣得見當時賢士大夫以正其趣而發其蒙迨後年二十五始見有彬州永興縣曾靜入學文字原評爲湖南第一卷心竊慕之遂欲負笈從遊几席之下在重犯只知學問是務并不知有所謂人間事彼時犯師曾靜亦閉門掃軌甘窮守寂惟日以前言往行及近世文章道德指授後因鄉鄰無書可讀於前歲承犯師曾靜命以四子五經之大全以及朱子語類文集隔於河山之險阻要重犯往各省購求因至浙江呂留良家買書偶見其家有

詩稿一本重犯素聞犯師曾靜說呂留良評選時文論頭批語說理根章句集註爲近世名儒因此卽以其詩爲必高遂求取以歸犯師曾靜看見其中有錢墓松歌及題如此江山圖始而怪既而疑繼乃信以爲呂留良生長江浙大地其議論文章爲天下人宗夫豈有差又限於素來不識本朝得統之正遠邁商周之盛固以華夷之見橫介於中心加之當今皇帝之龍德賢於堯舜者無由得知於雲山萬里之僻壤而犯師曾靜初以錯會華夷之分而誤聽謠言之盡惑旣以悞聽謠言盡惑而大味夫君臣之大倫是以於去歲戊申之秋忽有犯師書命上陝西總督岳鍾琪重犯無知屬在弟子遂悞聽師命冒然前往及到投遞後岳公始而嚴審重犯以受犯師曾靜只去獻議不必告以姓名里居之命且彼時無知之見悞信師說尙固執爲事關天經地義之所在舍生可以取義所以寧受三木重刑至量絕不變岳鍾琪知重犯死不肯供不能改移旋即放夾許重犯爲好漢子且慰之謝之以賓客禮待之於逆書所言事理無不盛稱以爲實復告以其家亦有焜盪山集議論無不與逆書相合旣見重犯堅不告犯師姓名乃呼天以示之信及

言當身所處之危險甚至垂淚以示其誠且具書具儀時告以必欲聘請曾靜以輔己命姪整裝即欲與重犯同行更以長安縣李知縣扮作親信之家人王大爺時刻相陪伴無一不極其機密而渾然無跡以重犯當日之固執師說雖死不肯搖奪者卒乃使重犯實情畢露然後具摺奏聞由今看來事固屬上天篤愛皇上故冥漠中默使此逆舉敗露於重犯之手然使岳鍾琪不備極其智慮之周密則重犯之冥頑只知拚一死以全無義之信於犯師曾靜則逆情亦未輕易得顯著凡此皆岳鍾琪之忠赤貫日精誠動天出其素蘊經濟弘猷爲國家攘除奸兇是以頑鈍者莫逃其鑑奸宄者自獻其誠然岳鍾琪之盡心爲國而能至於此極者實由於我皇上知人之明用人之當虛公下應至誠感孚之所致也重犯從前毫不解其故直至今日得蒙皇上之高厚洪恩深被德化又見旨意發出所批岳鍾琪奏摺數十通重犯跪讀越日仰見皇上惟以至誠恩眷大臣備極禮際之隆盛恩意之周密不啻如父之視子誠爲亘古之所未有而岳鍾琪赤忠圖報不避嫌疑只知有國不知有身不啻如子之事父亦爲自古名臣所罕見以此回想重犯

前此之妄承犯師使令冒昧上書者實實醉生夢死冥頑無知之極也當此益覺愧死無地痛恨追悔之莫及敢不剖析隱曲輸情服罪哀懇皇上之矜恤於萬一乎重犯之背逆心肝實盡于此至于傳說浮言之人俱在犯師曾靜所供內重犯實另無見聞若稍有傳聞重犯當此時深沐皇上千古未有之殊恩雖粉身碎骨亦不足以仰報何敢忍心昧理爲他人諱罪以負我皇上天高地厚之恩哉

杭奕祿等遵

旨恭捧

大禮記注宣示曾靜曾謙跪讀供詞一條

曾靜供經曰先王有至德要道以順天下又曰慎終追遠民德歸厚矣是古之帝王治天下其大本大根必在于孝誠以孝爲百行之源萬化所從出之地所謂親親而仁民仁民而愛物如木之有根水之有源必根盛而後望得葉茂源深而後可得流長必親親無虧而後德足以仁民仁民量滿而後功足以覆物是德教加於百姓樂利普徧寔區者皆由一孝所致卽論語所謂孝弟也者其爲仁之本與

大義覺迷錄

一百六十三

是也然理雖一定而不易其實躬行實踐者少至於三年之喪雖曰自天子達于庶人父母之喪無貴賤一也然新主當萬幾綜理之下苟非仁孝誠敬之至實有難行此不唯三代以下罕見即三代以上之聖君哲后從頭算來亦未聞歷歷有幾古稱大孝首推虞帝然當上世渾噩風氣未開禮制未備三年之喪未經紀載其詳不可得知繼算武王爲達孝禮制略述于中庸其中喪葬之制春秋祖廟之脩繼志述事之績與夫治王之禮享帝之儀可謂極千古郁郁之盛然在當時武王亦不能獨成其美備大事多資周公之力定于周公之手其餘只有高宗書載諒陰三年所以卒推商朝中興賢聖之首君然在當時孔門高弟亦疑其勢有難行後儒注疏亦多疑諒陰之制爲心喪未必實能居廬被素也後世以日易月雖始自漢文帝然戰國時滕文公欲行三年之喪訪之孟子父兄百官皆不欲謂吾宗國魯先君莫之行吾先君亦莫之行則是短喪之制自春秋戰國時已視爲泛常矣豈獨自漢始乎即在諸侯素稱秉禮之國亦不能行况天子乎自是以來歷代帝王固無有能行者即間有一二好禮之君仁孝之主則有欲行而勢不能行

中阻者有勉强行之而不終者有徒循其名而不能盡其實者求其實能盡禮盡制出於至情發於本心表裏無間始終如一曰者則絕無焉我皇上至孝至仁至誠至敬超越萬古帝王自聖祖仁皇帝升遐之後繼以孝恭仁皇后賓天共歷三十五個月悲哀極至感慕之誠久而彌篤撫時生悲觸緒增傷優見愴聞涕感未慕無時或釋於懷每朝夕供奠朔望殷祭哀痛迫切至扶送梓宮瞻拜山陵慘怛號呼一時萬眾感泣不能仰視卽聽政臨朝總理萬幾之下偶有感觸輒歔歔流涕至情所發哀不自勝羣臣日侍左右仰瞻天顏無不吞聲哽咽因諸王大臣援引古典再三奏請於天地宗廟諸大祀恭行典禮皇上雖勉從所請仍於養心殿齋居素服以盡思哀思慕之誠二年諒陰恪遵古制乃聖德謙讓却不居屢下諭旨謂情不容以自禁心不能自覺違論其合於古制否乎細思旨意正得制禮之意適合禮制之至非精通性命之微者不能到且當聖祖仁皇帝服闋之時將近孝恭仁皇后大祥之候羣臣奏請釋哀卽吉我皇上諭以臣民固有不同朕於所生何忍二視朕非有意遵循古制但行其心之所安而已逮後諸王大臣屢疏

懇慰而明旨屢頒反覆曉諭不允所請仍素服齋居觸物生悲感念孝恭仁皇后
卽復追思聖祖仁皇帝怙恃交慕歷久彌深夫喪服本以期斷三年爲加隆所以
古人制禮儀節以漸而減誠以歷時既久人子之孝思有所易置故也至若前喪
未除而遭後喪三年有加爲日益長非仁孝誠敬之至安能持久而不懈況兼服
行之母后歷三年始終如一日者尤爲僅見之事此無論自古帝王所未有卽史
冊所載士大夫中秉禮之家篤行之士亦未聞有盡哀盡禮初終不渝如是者也
況自古帝王當喪則多廢政之累而臨政又不免忘哀之咎而我皇上於齋居永
慕之中孝思所及無一事不體聖祖之心以爲心是以敬天法祖大孝至誠旣食
宵衣勤求民隱揚清激濁整飭官方綱數百萬惟正之輪將開億萬年無疆之樂
利推繼志述事之孝思行存亡興廢之盛典事事默契天心念念感通聖祖豈但
徽號之議協萬世之人心配天之典冠百王之隆會與夫晨昏之瞻拜朔望之祭
享山陵之致敬廟寢之告虔無一時不思哀思敬無一事不盡禮盡誠而已此所
以至誠至孝感通天地當聖祖仁皇帝祫祭之時合璧聯珠卽懇象於蒼昊迨孝

恭仁皇后祥禫之候一莖九穗復呈瑞於郊圻城中河清四省孝陵著草叢生非仁孝誠敬之至與天無間曷克臻此此豈二代以下之賢君所得衍其萬一進而上之雖極虞帝之大孝武王之達孝其精詳亦未聞是過也彌天重犯從前僻居山谷以謠言惑亂何知聖德萬分之一今伏讀大禮記注不唯信從前之聽聞出於誣謗如墜深谷而屢信得我皇上之至孝純仁亘萬古之聖帝明天子所不到是以數日以來不覺痛心割肝刻刻泣流濕襟一面感聖德之純誠思得法以宣傳於窮鄉海隅并及故鄉閭里一面痛老母之衰獨遠離期遂志復親音容得詳告聖天子如是之大恩大德俾臨年得以歡喜瞑目夫以彌天重犯冥頑無知之極今聞見聖主之至仁至孝至誠至敬如此極至弗加尙有以感動其天良觸發其至性泣流濕襟不覺欣欣戚戚有躡厚之恩况天下聞之焉有不大昭於變之休戚登比戶可封之域乎

杭奕祿等遵

旨恭捧

大義覺迷錄

一百六十七

皇上祿批發與各省督撫大吏奏摺

諭旨數百件宣示曾靜曾靜跪讀供詞一條

曾靜供彌天重犯讀書淺少如何曉得天地的高厚況屬山鄙狹陋負罪彌天二
其身近聖天子之光忽覩廣大精深膽寒心裂愈覺竅口難開只爲聖德神化感
通於變其效甚速是以彌天重犯昔雖冥頑同於禽獸今得被化幸轉人胎以此
心下猶具蟻知蚊見稍得窺高深於萬一竊聞天以好生爲德而好生中有無限
因時制宜至當不易之法在天不能運量裁制以成其能盡舉而畀之於聰明睿
智能盡其性合其德者爲之是君之心卽天之心君之德卽天之德凡天所欲爲
者君體天之心爲之天所欲行者君體天之德行之君未嘗叅一毫己意於其中
事事仰承天之命而已所以大君之號曰天子言善繼善述與天不分兩體實一
氣貫注如子之承父也但天隱而難見其本體之流露者惟理而已故先儒曰天
卽理也人君政刑德禮渾然從一理運量發露於兩間斯方稱得是天踐形合德
的肖子而爲大君當身之職分以是粵稽歷代帝王雖代不乏英偉賢智節義其

運量裁制渾乎天理之公而無一毫人欲之私得爲天之肖子者歷數千載而罕見今伏讀聖諭而知我皇上渾然一理泛應曲當其施之於政刑見之於德禮者無一處不知之極其精無一事不處之極其當神明盡造化裁盡變推行盡通聖德神功蟠際天地而究其歸皆因物付物初未嘗稍存一毫成見介於虛明應物之天也只見得念念從民設想處處體天定趨所以無事無時不以聖祖皇帝爲懷蓋聖祖皇帝乃天篤愛之肖子聖祖皇帝之心卽天心聖祖皇帝之德卽天德一而二二而一懷想聖祖皇帝卽是體天地況敬天之至至誠懇懇本於性生而儆戒乾惕之切尤無一時或釋於懷所以天人交孚呼吸相通而感應之理不惟見之最深最切抑且屢試屢驗捷如影響自是以敬天之念勤民深宮幾多經天緯地的籌畫神運無方的猷謀無一時一刻不以愛養天下蒼生爲念必期萬物各得其所而後卽安是以憂勤惕厲不遑寧處凡可以利生民之安除生民之苦者思無不到到無不行行無不實知民之艱難在貪蠲租減賦之典無年不頒賑災救患之澤無處不徧偶聞一處旱潦卽憫念憂形不惟減膳甚或飲膳不御殫

竭精誠爲民祈禱務修人事以格天心卒至禱雨雨通祈晴晴應復以食乃民天農爲食本每歲躬耕藉田以重農事而老農之勤勞儉樸者亦歲舉給以品秩榮其身思明刑原以弼教而君德期於好生法雖一定心本寬仁稍有一線可生則因事原情時深惻隱之念誠以民命至重寧過乎仁毋過乎義也知察吏所以安民而懲貪兼得以養廉宵旰憂勤無非爲國計民生思久安長治之策所以隱微之中疑似之間辨晰精詳秋毫不爽如諭公私二字關係甚重不可不辨而公中有私私中有公者尤不可不時警戒與夫論因循苟且一味求悅於人稱贊之者甚多卽如阿大夫之譽言日至也杜絕私情不肯取悅於衆謗議之者甚多卽如卽墨大夫之毀言日至也又如辨武斷鄉曲者非是武斷攬權者實非攬權此毫釐千里之間帝堯亦以爲難今皆剖決明晰如絲過扣毫髮不混此所以用賞用罰忽用忽舍無往而不得其公正之至者爲淵衷虛而權度精明也蓋皇上之淵衷如止水如明鑑萬物之過其前者妍媸自然畢露而不容掩原非鑑與水留戀於當前之物而後得照見若稍留一毫意見去照物則鑑與水虛明之本體反

爲此意見所掩蔽而照物不見了必渾乎天理之公而不雜一毫人欲之私方有此種境界故舉凡用人理財養老恤幼崇師訓士以及撥文奮武皆開千古所未開之盛典而實極千古所未到之至善且詔誡所頒反覆丁寧區畫詳密內自大臣羣僚外極軍民童叟務期天下羣登樂利之域共享昇平之福其中旨意周切理熟義精一言一字皆可與二典三謨並垂天地而不朽是不惟仁天下之心安天下之學超越天下之才識亘萬古之聖君哲后莫與媲而卽此自朝至暮一日萬幾件件御覽字字御批一應上任官員無論內外大小每日必逐一引見諄諄告誡以愛民撫綏之至意事至物來隨到隨應不留一毫不周不密不精不當之憾直至二三更方得覽批各省督撫奏摺竟不用一人代筆其焦勞如此此種歷練天下之精神亦亘古勵精圖治的聖君哲后所不能到尙猶聖不自聖每以爲君難爲慮并以不及聖祖之聖德神功爲憂是以德合天地至誠感孚數年以來諸瑞齊見萬福駢臻而且道不拾遺藹然成周太和之盛唐虞熙皞之隆亘古而再觀者彌天重犯身犯寸磔之典自痛生聖人之世竟生不得爲聖人之氓庶幾

死爲聖世之鬼豈料聖德同天沛生民未有之殊恩既超禁處屢復給食賜衣令蒙恩旨又復開鎖皇德皇恩已極蕩蕩難名彌天重犯搶地呼號痛心挖髓此時卽置之極刑亦王法人情所當然死亦知恩感德甘心瞑目況螻蟻百姓當此皇恩無涯何敢言報只願挿翹徧飛宇內凡人力所能及足跡所可及逢人逢地宣揚聖德同天之大無間內外申明本朝得統之正直邁商周一洗從前謠言之謗共知呂留良爲聖世之逆賊使山陬海澨到處謳吟永永傳頌聖人之德共喜爲聖世之氓共歡太平之世共祝有道天子萬壽無疆以贖補當身萬死蒙赦之罪斯幸耳深情結胸重義透髓一字一泣謹供

內閣九卿等遵

旨覆訊會靜併請正法奏本

刑部等衙門

奏爲遵

旨覆加訛問事

上諭曾靜一案前命侍郎杭奕祿副都統海蘭詳加審訊據曾靜逐款回供俱是悔過感恩之語此等奸險之徒語言詐僞或伊畏懼誅戮故勉強作此認罪之詞抑伊自知罪大惡極愧恥悔恨出於本心著大學士九卿詹事翰林科道將從前詰問各款逐一再加訊問確取口供具奏欽此臣等將杭奕祿等遵

旨審訊曾靜口供逐款覆訊據曾靜供出與從前口供俱各相符俯首認罪甘服上刑又據供

彌天重犯罪案今日蒙衆大人逐款勸訊自知萬死萬剛更有何說可解所痛恨者實因住在深山窮谷愚昧無知是以呂留良之逆說悖論得以迷心惟其有呂留良之悖論在心所以阿其那塞思黑允禩之黨羽匪類并發遣廣西人等之奸謀流誘得以惑聽抑惟其有阿其那等之流謗在心惑聽而呂留良之邪說悖論愈得以固志二者交乘相因爲害遂致釀成亘古未有之極惡而不自知直到後來實見得我皇上之至德同天與我朝得統之正直邁商周方知從前之錯謬自悔自愧自咎莫及蓋我皇上之大德彌天重犯自舊歲到今飽飫已周年矣不惟

目覩耳聞深仁厚澤之在天下爲自古所未有卽彌天重犯以螻蟻之微冒犯九五之尊萬死不足蔽辜而當身親沐皇恩尙容留苟延殘生以到今日雖堯舜之聖亦未見有此出格殊恩至於如此又豈漢高之寬唐太之明所能擬似於萬一況我朝得統之正治化之隆並非泛說遠邁商周一語所能盡蓋我朝龍興不由中土而起於滿洲由滿洲而至中國地之相去數千餘里而德化之盛及於中土薄海內外無不傾心愛戴由是天與人歸使大統一朝而成不勞而得並非湯武之居中漸化而後民心樂從始有天下者可比其規模更大更遠所以爲亘古莫及凡此皆是彌天重犯舊歲一路來親被我皇上的德化親見熙皞景象頌德歌功歡聲載道不覺傾心悅服至此則前之狂悖由於無知後之愛戴出於有見前後雖異其實皆發於本心此固不是巧說以偷生亦非旁人所能代爲指撥開導而有是說話實字字句句皆從一片良心發出且彌天重犯從頭一路細思實由列祖列聖之功德在天地間極其大我皇上之聖仁邁古今而極其至故皇天默使彌天重犯傳其害道悖義之論露其奸黨誘毀之行以顯聖德於深山窮谷中

名義於千秋萬世使天下之大萬世之遠人人悅服處處傾心耳所以彌天重犯到今日感德被化之餘願置身極典以求其心之所安且使天下萬世共知我皇上至德深仁透民骨髓卽在無知悖逆之民猶切被化改過自願伏罪以至如此所以彌天重犯到今日惟有仰懇衆大人轉奏將彌天重犯速正刑典而已更有何說等語

該臣等看得曾靜狂逆兇狡罪大惡極妄信逆賊之悖論及奸黨之流言膽肆兇逆輒敢詆毀

本朝誣讟

君上編造逆書從湖南至陝西勸封疆大臣以反叛欲搆亂於昇平之世核其情罪法無可寬且曾靜以一山野細民戴高履厚五十餘年忽謀爲叛逆之事從古以來亂臣賊子中無有其比臣等審訊之下無不切齒恨憤咸願食肉寢皮雖寸磔族誅不足蔽其辜查律內謀反大逆但共謀者不分首從皆凌遲處死正犯之祖父父子孫兄弟及伯叔父兄弟之子男十六以上不論篤疾廢疾皆斬男十五以下及正犯

之母女妻妾姊妹子之妻妾給付功臣之家爲奴正犯財產入官若女許嫁已定歸其夫正犯子孫過房與人及正犯聘娶未成者俱不追坐等語曾靜應照此律即凌遲處死行文湖南巡撫查明曾靜之祖父父子孫兄弟及伯叔父兄弟之子男十六以上照律皆斬立決男十五以下及母女妻妾姊妹子之妻妾解部照律給付功臣之家爲奴所有財產查明入官伏乞

皇上允臣等所請將曾靜立正典刑以彰國法以快人心至張熙與曾靜共謀不軌聽從曾靜指使赴陝投送逆書思欲搆亂亦應照共謀者皆凌遲處死律即凌遲處死爲此合詞謹

奏請

旨奉

上諭自古兇頑之徒心懷悖逆語涉詆誣者史冊所載不可枚舉然如今日曾靜此事之怪誕離奇譸張爲幻實從古所未見爲人心之所共忿國法之所斷不可寬者然朕往復思之若伊訥謗之語有一事之實在朕有幾微不可問心之處則不但曾靜當

蓄不臣之心卽天下臣民亦應共懷離異之志若所言字字皆虛與朕躬毫無干涉此不過如荒山窮谷之中偶聞犬吠鴉鳴而已又安得謂之訕謗乎上年此事初發之時朕卽坦然懷實無絲毫忿怒之意笑而覽之此左右大臣皆深知之嗣令侍耶杭奕祿副都統海蘭前往湖南拘會靜到案明白曉諭逐事開導動以天良祛其迷惑爾伊始豁然醒悟過感恩其親筆口供不下數萬言皆本於良心之發見而深恨從前之誤聽浮言遂妄萌悖逆之念甘蹈赤族之誅也蓋其分別華夷中外之見則蔽網陷溺於呂留良不臣之邪說而其謗及朕躬者則阿其那塞思黑允祿允禔等之逆黨奸徒造作蜚語布散傳播而伊誤信以爲實之所致自上年至今已將一載朕留心體察并令內外大臣各處根究今此案內著邪書造謗言之首惡俱已敗露確有証據並不始於會靜者盡明白矣與朕初意毫無差謬則會靜之誤聽尙有可原之情而無必不可寬之罪也據會靜供稱伊在湖南有人傳說

先帝欲將大統傳與允禔

聖躬不豫時降

大義覺迷錄

一百七十七

旨召允禩來京其

旨爲隆科多所隱

先帝賓天之日允禩不到隆科多傳

旨遂立當今其他誣謗之語得之於從京發遣廣西人犯之口者居多等語又據曾靜供
出傳言之陳帝錫陳象侯何立忠三人昨從湖南解送來京朕令杭奕祿等訊問此
等誣謗之語得自何人陳帝錫等供稱路遇四人似旗員舉動憩息郵亭實爲此語
其行裝衣履是遠行之客有跟隨擔負行李之人言從京師王府中來往廣東公幹
等語查數年以來從京發遣廣西人犯多係阿其那塞思黑允禩允禩門下之太監
等匪類此輩聽伊主之指使到處捏造肆行流布現據廣西巡撫金鉞奏報有造作
逆語之兇犯數人陸續解到訊據逆賊耿精忠之孫耿六格供稱伊先充發在三姓
地方時於八寶家中有太監于義何玉柱向八寶女人談論

聖祖皇帝原傳十四阿哥允禩天下皇上將十字改爲于字又云

聖祖皇帝在暢春園病重皇上就進一碗人參湯不知何如

聖祖皇帝就崩了，駕皇上就登了位，隨將允禩調回囚禁。

太后要見允禩，皇上大怒。

太后於鐵柱上撞死，皇上又把和妃及他妃嬪都留於宮中，等語。又據達色供有阿

其那之太監馬起雲向伊說，皇上令塞思黑去見活佛。

太后說何苦如此用心，皇上不理，跑出來。

太后怒甚，就撞死了。塞思黑之母親亦即自縊而亡，等語。又據佐領華賚供稱，伊在三姓

地方爲協領時，曾聽見太監關格說，皇上氣憤，母親陷害兄弟，等語。八寶乃允禩管

都統時用事之鷹犬，因抄搶蘇克濟家私一案。

聖祖皇帝特行發遣之惡犯何玉柱，乃塞思黑之心腹，太監關格係允禩親信之太監，馬

起雲係阿其那之太監，其他如允禩之太監馬守柱、允禩之太監王進朝、吳守義等

皆平日聽受阿其那等之逆論，悉從伊等之指使，是以肆行誣捏，到處傳播流言，欲

以搖惑人心，洩其私忿。昨據湖南巡撫趙弘恩等一一查出，奏稱查得逆犯耿六格

吳守義、馬守柱、達色、霍成等，經過各處沿途稱冤，逢人訛謗，解送之兵役住宿之盾

家等皆共聞之凡遇村店城市高聲呼招你們都來聽新皇帝的新聞我們已受冤屈要向你們告訴好等你們向人傳說又云只好問我們的罪豈能對我們的口等語是此等鬼賊之伎倆一無所施蓄心設謀惟以布散惡言爲煽動之計冀僥倖於

萬一而已夫允禩平日素爲

聖祖皇考所輕賤從未有一嘉予之語曾有向

太后閱論之旨汝之小兒子卽與汝之大兒子當護衛使令彼亦不要此

太后宮內人所共知者

聖祖皇考之鄙賤允禩也如此而逆黨乃云

聖意欲傳大位於允禩獨不思

皇考春秋已高豈有將欲傳大位之人令其在邊遠數千里外之理雖天下至愚之人亦

知必無是事矣祇因西陲用兵

聖祖皇考之意欲以皇子虛名坐鎮知允禩在京毫無用處況秉性愚悍素不安靜實情

此驅遠之意也朕自幼蒙

皇考鍾愛器運海諸兄弟之上營中何人不知及至傳位於朕之
遺詔乃歸况涕面咏於

御榻之前者是以諸兄弟皆俯首臣伏于朕前而不敢有異議今乃云

皇考欲傳位於允禩隆科多更改

遺詔傳位於朕是尊允禩而辱朕躬並辱

皇考之旨高宥不遭

上第

皇考之誅殛者乎朕即位之初召允禩來京者彼時朕垂涕向近侍大臣云痛值

皇考升遐大故允禩不得在京河以無福至此應降旨宣召俾得來京以盡子臣之心此

實朕之本意並非防範疑忌而召之來也以允禩之庸劣狂愚無才無識戚不足

服衆德不足以感人而陝西地方復有總督年羹堯等在彼彈壓允禩所統者不過

兵丁數千人耳又悉皆滿洲世受國恩之輩而父母妻子俱在京師豈肯聽允禩之

指使而從爲背逆之舉乎其以朕爲防範允禩召之來京者皆奸黨高增允禩聲價

之論也及允禩將到京之時先行文禮部詢問見朕儀注舉朝無不駭異及到京見朕其舉動乖張詞氣傲慢狂悖之狀不可殫述朕皆隱忍寬容之朕曾奏請

皇太后召見允禩

太后諭云我只知皇帝是我親子允禩不過與衆阿哥一般耳未有與我分外更親處也

不允朕又請可令允禩同諸兄弟入見否

太后方僉允諸兄弟同允禩進見時

皇太后並未向允禩分外一語也此現在諸王阿哥所共知者後允禩於朕前肆其咆哮

種種不法

太后聞知特降

慈旨命朕切責允禩嚴加訓誨之此亦宮中人所共知者允禩之至

陵上相去

太后晏駕之前三四月而云

太后欲見允禩而不得是何論也且何玉柱等云

太后因聞囚蔡允禩而崩馬起雲向伊妹夫達色又云

太后因聞塞思黑去見活佛而崩同一誣捏之語彼此參差不一者如此且塞思黑之去

西大同在雍正元年二月朕將不得已之情曾備悉奏聞

太后

太后是而遣之者並非未請

慈旨

太后不知不允之事也卽允禩之命往守

陵亦奏聞

太后欣喜嘉許而遣之者亦非

太后不知不允之事也雍正元年五月

太后升遐之時允禩來京朕降旨封伊爲郡王切加教導望其省改前愆受朕恩眷後伊

仍回

陵寢地方居住其間阿其那在京塞思黑在陝悖亂之蹟日益顯著是其逆心必不可折

邪黨必不肯散而雍正四年又有奸民蔡懷璽投書允禩院中勸其謀逆之事朕婦將允禩召回京師拘禁之是允禩之拘禁乃

太后升遐三年以後之事今乃云

太后因允禩囚禁而崩何其造作之舛錯至此極耶又馬起雲云塞思黑之母親自縊而亡現今宜妃母妃朕遵

皇考遺旨著恒親王奉養於伊府中而逆賊等以爲昔年自縊真鬼魅罔談也前康熙四十七年

聖祖皇考聖躬違豫朕與諸醫同誠親王等晝夜檢點醫藥而阿其那置若罔聞至

聖體大安朕與之互相慶幸而阿其那攢眉向朕言目前何賞不好雖然如此但將來之

事奈何是阿其那殘忍不孝之心不覺其出諸口矣朕曾將伊不是處對衆宣揚羞

辱之而伊深爲愧恨今乃以六十年之進奉湯藥加惡名於朕可謂喪盡天理之

報復無怪乎遭神眚之誅殛也至於和妃母嫔之言尤爲怪異真瀕臆於亡

皇考之爲人極未嘗有一見面者死

諸母嬖黨垂七年來如當年

皇考嘗申之人即使令女子輩嘗有一人在朕左右朕實不親

天旨以君臨兆庶也又嘗靜供稱伊在湖南時傳聞皇上令浙江開捐納之例欲撥銀六百萬兩修造西湖爲遊幸之地彼時爲其所惑今乃知皆奸黨造作毫無影響之語無所不至夫西湖所有昔年地方官蓋造之

行宮朕尙皆令改作佛宇矣而蘇黨云欲捐納銀兩修造西湖爲遊幸之地不知卽

何論又三姓地方有人造播流言皇上在蘆溝橋蓋造官房收徠客商之餽錢等語朕因應試士子來京者橋上查檢行李不免風雨露處之苦是以特發帑金蓋造

房舍俾其往歇令管理稅務之人到店驗看應試文憑卽令放行在士子輩既有投足之地又可免奸商冒充應試之人致干漏稅之咎此朕之仁政直省舉子感恩頌德之事而奸黨以朕爲欲收客商餽錢作此等誣謗之語實爲可笑亦可怪也阿其那允爾縱酒無忌而加朕以酗酒之名阿其那等蓄心陰險存傾陷國家之念懷與

皇考爲仇之心而反一一加之於朕總因阿其那等平日之逆謀不遂蓄養匪類蓄久

播散訛言分門立戶各各收買黨羽欲以鼓惑人之耳目俾素蓄逆念之人蠢動而起然後快心

祖宗之社稷所不顧也夫加朕以凶暴惡名其罪猶輕獨不念

聖祖皇考六十餘年之豐功懋烈而作如此歸結豈爲人子者所忍爲乎阿其那塞思黑等之罪實萬死不足以贖矣伊等之奸謀若此目今敗露者卽不勝其數其他匪類邪黨之聽其驅使者奚止數千百人造作種種誣謗之語已流散於極邊遠塞則宇宙之內鄉曲愚人爲其所惑者豈止曾靜數人而已哉卽如三姓之協領華賚身在地方有稽查之責乃伊將所見所聞俱行隱瞞不以入告朕在九重大內何由而知之何從而究之又何自而剖晰開示使天下臣民共曉之今蒙

上天

皇考俯垂默佑令神明驅使曾靜自行投首於總督岳鍾琪之前俾造書造謗之奸人一呈露朕方得知若輩殘忍之情形明目張膽將平日之居心行事徧諭荒陬僻壤之黎民而不爲浮言所惑於萬一亦可知阿其那塞思黑等蓄心之慘毒不忠不孝

爲

天

祖之所不容國法之所難宥處天下後世亦得諒朕不得已之苦衷矣此朕不幸中之大幸非人力之所能爲者卽此則曾靜不爲無功卽此可以寬其誅矣從來奸宄醜醜造作妖言欲以誣民惑衆者無時無之卽如從前妖言云帝出三江口嘉湖作戰場此語已流傳三十餘年矣又如廣西張淑榮等言欽天監奏紫微星落於福建今朝延降旨遣人至閩將三歲以上九歲以下之男子悉行誅戮又如山東人張玉假稱朱姓係前明後裔遇星士推算伊有帝王之命似此誕幻荒唐有關世道人心之語往往地方大臣官員希圖省事日爲瘋癲苟且掩護於一時而未念及其迷惑之害日月漸遠傳播漸多遂不能究問其所自來轉令無辜之人受其牽累此皆庸碌無能視國家利害於膜外之大臣等養癰之害也又如村塾訓蒙之人本無知識而又窮困無聊心懷抑鬱往往造爲俚鄙怪妄之歌詞授於村童傳唱而不知者遂誤認以爲童謠轉相流布此皆奸民之欲煽惑人心紊亂國法者地方太吏有司視爲泛

常不加稽察懲創以防其漸可乎前年有人捏稱侍郎舒楞額密奏欠旗領米一事欲以搖惑旗人之心舒楞額聞之據實入奏比時朕隨降旨根究卽得其造言之人加以懲戒凡屬流言初起之時若地方大臣能肯悉心窮究必能得其根由使奸宄不至漏網庸愚無知亦不至拖累其有裨於人心世道者良非淺鮮今因會靜之事而查出首先造謗之渠魁蓋以此案發覺尙早易於追尋故可遞推而得其根源也且朕之寬宥會靜非矯情好名而爲此舉也虞書曰宥過無大刑故無小會靜之過雖大實有可原之情昔我

皇考時時訓誨子臣曰凡人孰能無過若過而能改卽自新遷善之機故人以改過爲貴但實能改過者無論所犯之大小皆不當罪之也朕祇承

聖訓日以改過望天下之人蓋過大而能改勝於過小而不改者若會靜可謂知改過者矣朕赦會靜正欲使天下臣民知朕於改過之人無不可赦之罪相率而趨於自新之路也且朕治天下不以私喜而賞一人不以私怒而罰一人會靜狂悖之言止於謗及朕躬並無反叛之實事亦無同謀之衆黨彼跳梁逆命之人果能束身歸命畏

罪投誠尙且邀赦宥之典豈曾靜獨不可貸其一死乎且曾靜之前條各律俱係供親筆書寫並非有所勉強逼勒亦並非有人隱授意指實由於天良感動是以其懺悔之心迫切誠懇形於紙筆此乃其可原之情並非以其爲諂媚頌揚之詞而欲寬其罪也若今日喜其諂媚而曲宥之則從前卽當怒其誣謗而速誅之矣况曾靜今日頌揚之詞較之從前誣謗之語其輕重懸殊何止什伯論其情罪豈足相抵若有人議朕喜會靜之諂媚而免其罪者則與曾靜從前之大吠鴉鳴無以異矣然朕亦不論除造作布散流言之逆黨另行審明正法外著將曾靜張熙免罪釋放並將伊之逆書及前後審訊詰問之語與伊口供一一刊刻頒布使天下人共知之楚省地方大小官員等平日旣不能宣布國恩敷揚朕訓化誨百姓盡去邪心致有此等愚昧狂亂之人實有忝於父母斯民之責此則深當愧恥者今若以羞忿怨恨之心或將曾靜張熙有疇中賊害情形朕必問以抵償之罪曾靜等係朕特旨赦宥之人彼本地之火種以其貽羞桑梓有嫉惡暗傷者其治罪亦然卽朕之子孫將來亦不得以其誣毀朕躬而追究誅戮之蓋曾靜之事不與呂留良等呂留良之罪乃

皇考當日所未知而未赦者是以朕今日可以明正其罪若曾蒙

皇考赦免之旨則朕亦自遵

旨而曲宥其辜矣特諭

又奉

上諭從來善惡之報纖毫不爽凡罪大惡極之人雖一時寬宥免於誅戮而伊輾轉紆

迴仍復自投法網若有驅逐之使然者即如阿其那塞思黑允穢允鼐門下同惡共

濟之徒潛蓄邪謀陰懷逆志實國家之巨賊貽

宗社之隱憂朕既洞燭其奸本應將伊等實之於法以絕根株祇以一時不忍思古人殲

厥渠魁裔從罔治之意予以寬典發遣邊方保其性命以爲此輩稍有人心或能感

發天良悔改夙惡豈料逆天造孽之人不可化誨毒忍之性愈益猖狂上干

天地

皇考之怒委曲宛轉假手於曾靜輩使奸黨匪類之罪狀一一呈露不容漏網天道昭顯

若此能不令人毛骨悚然倍加警惕乎朕卽位之初召諸兄弟於養心殿朕以肝膈

肺腑之言痛哭向諸兄弟勸諭之曰朕蒙

皇考付託之重於諸子之中傳朕以大位不比前代繼統之君先後序立父子之間各成

其是非如禹湯之後而有桀紂天下不得因其子孫之不善而掩禹湯之功德若朕之於

皇考則是得失實爲一體朕躬若是則

皇考之付託爲是朕躬若非則

皇考之付託爲非以

皇考六十餘年之聖德神功超越千古朕斷不敢苟且怠荒甘於自棄使天下後世議

皇考付託之誤致掩六十餘年

功德之崇隆朕之此心

上天

皇考實鑒臨之凡我兄弟均受

皇考生成顯復數十年天高地厚之深恩當仰體

皇考之心并思天無二日民無二王之義各抒忠藎協贊朕躬於朕所不能者輔之助之於朕所錯誤者規之諫之朕便有過失亦當諒之隱之同心匡弼讓朕一個是字使朕爲一代之令主以成

皇考之是嗣諸兄弟所以報

皇考罔極之鴻慈也似此諄諄勸告乃阿其那塞思黑等置若罔聞而悖逆妄亂之念百折不回不可以德化不可以理喻不可以情感不可以恩結卽如阿其那方封親王時伊卽向人出怨望憤激之語且向在廷大臣云皇上今日加恩焉知未伏明日誅戮之意其目下施恩皆不可信又當大廷廣衆咒詛朕躬則其他可知矣朕初卽位時塞思黑謂其左右人等曰不料事情竟至如此我輩生不如死此伊大監王應隆親口供出者及令伊居住西寧時伊則以多金邀買人心以致奸民令狐士儀等人密投書札勸其構逆又如允禩依傍

景陵居住尙有奸民蔡懷璽投書院中稱伊爲帝而伊藏匿之是伊等之逆心斷不除伊等之逆黨斷不解散朕早夜籌思總無可以料理措置以全頑梗以安

宗社之良法萬不得已將阿其那塞思黑允禔分別拘禁而不料阿其那塞思黑相

繼皆伏冥誅朕之辦理此事皆默告

天地虔對

皇考熟思審慎量其輕重爲

宗社國家之大計置此身於度外之舉此心可以對

上天

皇考至於衆口之褒貶後世之是非朕不問也從前儲位未定時朕之兄弟六七人各懷

覬覦之心彼此戕害各樹私人以圖僥倖而大奸大惡之人遂乘機結黨要結朝臣

收羅羣小內外連屬以成牢不可破之局公然以建儲一事爲操權於已唾手可成

不能出其範圍此等關係

宗社國家之大患朕既親見而深知之若苟且姑容不加以懲創儆戒則兇惡之徒竟以

悖逆爲尋常之事其貽害於後世子孫者將不可言矣況古人云撫我則后虐我則

仇是君民上下之間有天冠地履之義尙言施報之情豈有以臣下之分作亂犯上

顯然昭著祇因系出宗親遂可縱惡長奸置

宗社大計於不問乎故以在下言之則曰撫我則后虐我則仇而以在上言之則曰憑我則臣背我則敵此一定之情理千古之通義也且孟子曰民爲貴社稷次之君爲輕夫以君與社稷相較君尙輕於社稷則兄弟宗親更不待言矣若但務敦睦九族之虛名而不計

宗社蒼生之大患豈不本末混淆輕重倒置耶今不必遠引古昔之事卽以我朝與明代之近事言之我

太祖

太宗剛毅明決預燭機先不以私情而有姑息之見是以成大一統之規貽世世子孫太平之福明之建文優柔寡斷不知大義不識權變意欲保全骨肉而釀成永樂之禍卒至國危身喪爲祖宗之罪人永樂雖幸而事成祖宗天下不致落他人之手然俯對臣庶能不赧顏乎傳之後世能免譏議乎且擾亂海內荼毒生靈宗社之危臣民之厄未有甚於此時者又如明宸濠之亂亦由於姑息釀成可爲天下後世之鑒戒

也總之人君不幸遇此等之事若見之既真知之既確則當權其利害之輕重而毅然決斷勿存小不忍之見顧己身之毀譽以貽禍患於無窮倘見之不真知之不確而冒昧行之或更有私怨參乎其間則爲

天地

祖宗之罪人亦不能逃於譴責也朕於阿其那等結黨構逆之情知之真確而其顯然背叛之迹又大廷廣衆之所共見共聞者彼時諸王大臣等屢次合詞陳奏請將阿其那塞思黑等卽正典刑朕召入面見墮淚復切諭之曰阿其那塞思黑允禔允禵乃聖祖皇帝之子朕之親弟骨肉手足爾等皆受

聖祖皇帝及朕深恩之人今所奏如此若稍有情罪不符之處陷朕於不義或稍有心口相違之處抱歉於隱微則得罪於

上天

皇考者莫大乎是其能逃於天譴乎比時諸王大臣異口同聲無不以爲阿其那塞思黑等悖逆之情罪斷斷不容寬宥朕復逐一詢問人人皆言陳奏之處實實出於公心

朕猶降旨詢問各省督撫提鎮等其所奏亦復僉同祇因尙有數處未曾奏到朕未降旨各令拘禁仍欲詳加斟酌而定之意而二人乃相繼而死朕尙未將伊等明正典刑也此京師億萬臣民所共知之事不待朕之曉諭者若天下之人必欲以朕誅戮二人爲言據伊等罪情朝廷法律而論朕亦不以誅戮二人爲諱蓋有此一番懲創使天下後世宗親不肖之輩知大義之不可違越國法之不可倖逃循理安分以受國家寵榮則所以保全骨肉宗親者大矣多矣此遵古帝王刑以弼教之意實盡敦睦九族端本之道者觀今日阿其那塞思黑已死而其逆黨匪類等仍不肯歛心更加搖唇鼓舌到處誣捏播傳冀惑天下民人之聽爲構釁報復之端若非

上天

皇考俯垂默佑使之敗露則傳之天下後世倘貽疑似之端不但朕抱不白之譏可惜

皇考六十餘年際天蟠地之功勳

上天六十餘年錫福凝禧之恩眷俱付之流水矣朕又自幸撫躬內省實毫無幾微瑕疵之可指摘理直氣壯因曾靜此案得以明目張膽向薄海內外億萬臣民剖晰爾軀

言之不然則口將言而嚙嚙豈能免於瞻顧回護又何顏以對廷臣左右近侍之人乎朕蒙

皇考俯鑒悃忱於衆弟兄中惟許朕以誠孝二字朕時時自問不但用人行政起居出入之間事事效法

君父卽隱微之間偶舉一念必思此一念果合於我

君父始敢存於胸臆否則必屏去之朕雖不敢自謂盡孝然生平一片愛慕誠敬之心實可對

天地神明是以仰蒙

上天

皇考照察保護提攜每顯彰景象而發奸摘伏之處實非人力所能爲者朕惟有以手加額感激預戴刻骨銘心益加踴勉而已朕因匪類誣捏浮言故明白剖晰前後降旨十數道以示臣民偷朕言有一字虛捏是亦如若輩之居心必遭

上天之責罰也特諭

又奉

上諭前曾靜逆書誣謗朕躬諸條離奇荒唐卽夢寐中亦無此誕幻怪異之境惟有加朕屠弟之名一節朕不辨亦不受已於前論中述其梗槩但朕之苦衷尙有未會詳晰宣示者當日阿其那陰險狡獪實逆黨之渠魁塞思黑允禩皆聽其指揮願出死力而不顧倫常之大義其舉動甚不可測若阿其那果肯省愆悔過革面革心則其仙斷無有不效法悛改者朕是以令塞思黑等分別居住而留阿其那在京所以加恩厚待冀其感激醒悟者無所不極其至且披肝露膽誠切勸告至於泣下所少者惟下跪懇求耳豈知伊悖逆不臣之念百折不回前諸王大臣等所參惡蹟數十條皆舉朝共見共聞之實事及至拘禁之後不但不知畏懼轉歡躍加餐橫肆之態不堪枚舉是豈尙有悛改之日耶塞思黑居住西寧逆狀種種無絲毫畏懼之心及令其來保定時豈但無儆惕之意一路談笑自如其解送人員向伊稱述朕卽位以來所辦政務伊笑曰他從來原伶俐全無臣弟之道而其悖逆之念更熾又何可望其悛改耶允禩拘禁已四年有餘至今悖傲如昔允禩在拘禁之地尙爲鎮壓之

術被伊太監出首朕遣大臣詢問情由並從前結黨等事伊云我若說出只恐殺我
如果皇上免我從前重罪則便一一實供所遣之大臣云皇上原有旨意汝若據實
供出絲毫不隱必寬宥汝罪於是伊將從前阿其那塞思黑允禩等朋比作奸陰謀
秘計暨朕卽位後所懷逆議一一供吐且自認鎮壓不諱是以諸王大臣力請正法
朕仍將伊寬宥看伊近來似稍有感愧之意至於阿其那塞思黑從來之惡蹟其彰
明較著爲朕所知者不可勝數而其處心積慮鬼蜮之行踪爲朕所不知者不知凡
幾伊等自意以爲朕必皆悉知料無可倖免之理是以殘毒之念日益加深妄亂之
行愈無忌憚拚一死以累朕逆志堅定不可拔矣似此萬無可姑容之罪情而朕荷
未忍卽置之於法仍令拘禁以待天下督撫大臣公奏到日再行酌定不料旬日之
間二人相繼俱伏冥誅實奇事也比時朕垂涕諭全朝大臣曰朕原欲爲十全之令
主以報答我

君父之恩今有二人之事便應勉十分之善亦減去其半矣此朕所遭之不幸豈非朕
父子前因夙劫之冤孽耶總之此等立心與國家君父爲仇之人暗結死黨潛蓄奸謀不

將國家至於擾亂傾危其心不肯止息朕既洞燭其逆情若不先期防範及彼謀成事就而後應之則朕之力不能勝彼時身死無名爲天下後世笑不但負

皇考付託之重而

宗社之安危正不可必天下生靈皆遭塗炭之厄矣幸朕每事洞燭幾先伊等之伎倆全無所施惟力造作惡言以爲煽惑報復之計由今日之事觀之雖渠魁數人被誅而其同黨脅從至微至賤之人仍復懷藏逆志傳布大逆之語以此情形觀之然則朕之留心防範早爲經理者豈非

上天

皇考默啟其心使

宗社蒼生享太平之福耶從來仇敵之人造爲謗議以洩其忿者往往有之朕從前未忍將逆黨悉行正法而充發邊遠時亦料此輩奸邪匪類必有怨望之詞想亦無人聽信但不料其污穢詆毀怪誕奇特至於此極亦並不料有曾靜張熙輩遂信以爲實而便塗背叛之心也所幸溥海內外億人兆人受

皇考聖祖六十餘年深仁厚澤浹髓淪肌不爲匪類流言搖惑於萬一者豈人力之所能哉則

皇考之留遺於朕者豈止天高地厚而已哉今日不但雪朕不白之冤而皇考又安

宗社蒼生之功德懋加彰著矣揮淚書此再示臣民天下亦可以知朕之心矣

諸王大臣等再疏請誅曾靜題本

和碩怡親王等

題爲滔天之罪惡難寬率土之同仇甚切懇祈

乾斷明正典刑以昭

國憲以快人心事 臣等伏讀

上諭寬宥曾靜仰見我

皇上天度包涵如天之無不覆如地之無不載雖惡獸毒蛇魑魅魍魎不忍以雷霆殲滅欲使之革面回心自堯舜禹湯以至於今未聞此寬大之典也但 臣等伏思我

朝創業垂統

列祖聖聖相承

聖祖仁皇帝御極六十餘年豐功駿烈炳耀日星厚澤深仁浹洽宇宙

皇上嗣統建極 大孝大德至聖至誠宵旰勤民仁育義正躬行節儉俾藏富闔閭

廣沛恩膏以普寧黎庶蠲賑動盈億萬教養溥徧遐荒數年以來年歲豐登民氣

和樂嘉祥駢集風俗阜成舉凡含齒戴髮之儔靡不沐浴

皇風歌詠

帝德山陬海濱僻壤窮鄉咸順則懷 恩心悅誠服乃有曾靜者性與人殊譁張爲

幻蠱惑於逆賊呂留良之反書悖論復道聽阿其那塞思黑門下之奸徒匪類散

布誣捏毫無影響之流言輒敢編集蜚語繕寫謗書令其徒張熙從湖南遠至陝

西赴總督岳鍾琪衙門投遞雖不能爲反叛之事實素蓄反叛之心是以惡貫滿

盈神明驅遣令其自行敗露身服典刑以消異類之邪說以正天下之人心也經

年以來中外臣民聞其嗾吠皆切不共戴天之忿思食其肉而寢其皮合

皇上沛如天之仁憫其始由誤聽今已悔悟情有可原特加寬宥臣等伏讀

聖諭以改過望天下之人過大而能改勝於過小而不敢若實能改過則無不可赦之

罪又念跳梁逆命者畏罪投誠尙邀赦寬之典大哉皇言寬仁好生之

德度越千古但曾靜梟獍性成陰謀不軌誣謗悖逆罪惡彌天查律例開載十惡

凡謀反叛逆及大不敬皆常赦之所不原曾靜之罪在十惡乃三宥之所不及

而張熙與曾靜共謀不軌赴陝投遞逆書思欲搆亂亦所難寬仰祈

皇上俯允臣等所請勅下法司將曾靜張熙按律處決碎屍懸首查其親屬逆黨

盡與殲除以明朝廷之憲章慰臣民之公憤臣等無任懇篤激切之至爲此

謹

題請

旨奉

旨寬宥曾靜等一案乃諸王大臣官員等所不可贊一詞者天下後世或以爲是或以

爲非皆朕身任之於臣工無與也但朕亦再四詳慎所降諭旨俱已明晰諸王大臣

官員等不必再奏倫各省督撫提鎮有因朕寬宥曾靜等復行奏請者著通敕司將本發還

上諭我朝肇造區夏

天錫人歸

列聖相承中外景從逮我

聖祖仁皇帝繼天立極福庇兆民文治武功恩施德教超邁百王亘古罕有此盛天堯十
心悅誠服雖深山窮谷庸夫孺子以及凡有血氣之倫亦莫不尊親若詭意逆賊
留良者悍戾兇頑好亂樂禍自附明代王府儀賓之孫迨思奮圖憤懣譏夫儀賓
之後裔於戚屬至爲疎賤何足比數且生於明之末季當流寇陷北京時呂留良率
方孩童本朝定鼎之後伊親被戮澤始獲讀書成立於順治年間應試得爲諸生嗣
經歲科屢試以其浮薄之才每居高等盜竊虛名誇榮鄉里是呂留良於明毫無痛
癢之關其本心何曾有高尙之節也乃於康熙六年因考校失利妄爲大言棄去青
衿迨思明代深怨本朝後以博學宏詞薦則諶云必死以山林隱逸薦則雍髮爲

爲僧接其歲月呂留良身爲本朝諸生十餘年之久矣乃始幡然易慮忽覺爲明倫
遭民千古悖逆反覆之人有如是之怪誕無恥可噴可鄙者乎自是著邪書立逆議
衷心病狂肆無忌憚其實不過賣文鬻書營求聲利而遂敢於

聖祖仁皇帝任意指斥公然罵詛以毫無影響之事憑空撰造所善詩文以及日記等類
或鐫板流傳或珍藏秘密皆人世耳目所未經意想所未到者朕繙閱之餘不勝
駭震悼蓋其悖逆狂嘯之詞非惟不可枚舉抑且凡爲臣子者所不忍寓之於目
忍出之於口不忍述之於紙筆者也今姑就其中數條略爲宣示內外諸臣庶天下
後世共知其譎張感憤之荒唐犬吠狼嘯之忿戾自生民以來亂臣賊子罪惡滔天
姦詐兇頑匪類盜名理學大儒者未有如呂留良之可恨人也其文集有云德祐以
後天地一變亘古所未經又其行狀云有故人死於西湖爲位以哭壞牆裂竹擬於
西臺之慟又云將以小莊爲桃花源爲不知有漢無論魏晉之人又云遂削髮爲僧
苟延性命又辭山林隱逸之薦答友人書云有人行於途竄錫者唱曰破帽換糖其
人急除匿已爾噫曰破網子換糖復匿之又唱曰亂頭髮換糖乃惶遽無措曰何太

相逼留良之雍頂亦正怕換糖者相逼耳又示諸子戒慶生辰云如其有重於生也則偷息一日一日之恥也世有君子曰夫夫也何爲至今不死也則其侈嚴於鉄鉞又何慶之有使以辱身苟活者爲慶將置夫年不滿三十義不顧門戶斷脰飛首以遂其志義者於何地也又日記內詩句云若論五百年間事紫色鼉聲總正傳又云麻刺吉出城送者填塞飢渴易爲飲食如此觀我民狼狽不知所歸可憐可痛也又云李雯華亭人甲申後入北幕與史道鄰書及下江南詔皆其筆也中有六合一而秦階平禮樂興而干戈息之句人傳嗤之又云沈天彝爲其妹求旌貞節且云其尊公棄車先生遺命不請有司之旌予曰尊公之識高其命正當尊也棄車先生遭變後十餘年閉門不見賓客顧毛全好天彝忽以酒灌醉盡髡之醒爲號痛而已所著述將及棟天彝盡取焚之恐其有刺觸累已也嘻亦異矣又祭友人云斯文將喪逆天者亡顧我逆天死反得後等語此卽其硬化不臣明目張膽指我朝爲閔統托吠堯以自文者皆此類也夫呂留良貪本朝之粟履本朝之王且身列膠庠深被奉朝之恩何得視如仇敵而毫無顧忌曾蜂蟻之不若乎又文集卷云人心惡薄日甚卽

殺運所開聊避睹聞竊恐不免又日記云吳三桂乞撤之語甚有憤懣不平之氣三桂老不足慮其下恐未必安又云滇中於甲寅元日寅時卽王位取四寅也今按其時欲彼中日愈云又云董允珣出其新作乃平平涼頌也予不看曰先須改題目去首字改頌作歎又云聞吳三桂死有吳國貴者立清遣人往講割雲貴罷兵又云聞閩亂爲范承謨激成承謨亦死於閩又其行狀內云夙興夜寐終日乾乾等語夫普天之下莫非王土率土之濱莫非王臣呂留良於我朝食德服疇以有其身家育其子孫者數十年乃不知大一統之義平日之謂我朝皆任意指名或曰清或曰北或曰燕或曰彼中至於與逆藩吳三桂連書之處亦曰清曰往講若本朝於逆藩爲鄰敵者然何其悖亂之甚乎且吳三桂耿精忠乃叛逆之賊奴人人得而誅之呂留良於其稱兵犯順則欣然有喜惟恐其不成於本朝疆宇之恢復則悵然若失轉形於嗟歎於忠臣之殉難則汗其過矣且聞其死而快意不顧綱常之倒置惟以助虐迎寇爲心不顧生民之塗炭惟以兵連禍結爲幸何呂留良處心積慮殘忍兇暴極至此極也且乾乾夕惕易經傳註皆以爲人君之事而其子孫公然以加呂留良之身

不更肆且妄乎又云永曆帝被執時滿漢皆傾心東宮勒馬前行以鞭指東指則東邊滿漢兵皆跪西指則西跪紉之日天地晦霾日月失光百里之內降闕壯繆廟皆被雷擊等語查僞永曆朱由榔本竊立於流寇之中在雲貴廣西等處其衆自相攻剽劫奪貽禍民生覆兵敗逃竄緬甸順治十八年定西將軍愛星阿等領兵追至緬城先遣人傳諭緬酋令執送朱由榔否則軍臨城下後悔無及大軍隨至城下緬人震懼遂執朱由榔獻軍前殺僞侯王維恭等一百餘人於是全獲朱由榔眷屬以歸此僞永曆之實蹟乃中外之人所共知者朱由榔窮蹙無歸爲我朝滿漢大兵所與擒獲豈有擒獲寇賊之人轉於伊馬前行跪之理乎其時之漢人兵丁亦恥而不爲之事況於滿人乎此等警說荒唐鄙謬無中生有不知何自而來也至云闕壯繆廟皆被雷擊尤爲荒誕之甚朱由榔之死實係

上天誅殛而人力豈能強爲耶

闕聖帝君與

雷神皆爲奉

天司令之正神何以有凡關廟皆被雷擊之事於理亦甚爲不順且本朝用兵以來事事皆仰荷

上天眷佑之恩百神呵護之德卽如我兵之守永興也士卒不過千人賊以重兵相攻勢甚危急蒙

眞武之神顯化神兵布滿巖谷狂寇寒心褫魄衆遂潰逃而散此有

御製碑文詳紀其事者其克復雲南城也則有金馬飛騰之兆而逆寇卽日蕩平此皆見之志乘萬目共覩之事天下所共知者然此不過舉一二事而言其他不可枚舉呂留良獨不聞之乎總之逆賊呂留良於本朝應有徵應之事迹則概爲隱匿而不書而專以造作妖誣欲快其私憤伊之妄誕伎倆能逆天乎又文集內云今日之窮爲義皇以來所僅見等語夫明末之時朝廷失政貪虐公行橫征暴斂民不聊生至於流寇肆毒疆場日蹙每歲糜餉數百萬悉皆出於民力乃斯民極窮之時邇我朝掃埽寇氛與民休養於是明代之窮民咸有更生之慶呂留良豈毫無耳目乃喪心昧理顛倒其說轉言今日之窮民窮乎況遠哉

聖祖皇帝愛育黎元海內殷庶黃童白叟不見兵革蠲租減賦之政史不勝書民何由而窮至爲義皇以來僅見之窮乎試問之呂留良如我

聖祖皇帝六十餘年久道化成休養生息物阜民安內外昇平兆民樂業卽自義皇以臻史冊所紀屈指而數蒙

上天之眷佑可以比並我朝之盛者果可多得乎而乃云義皇以來未有之窮不太甚乎卽如呂留良懷不逞之心動云萬金結客而其刊刻我朝時文貨賣謀利富仍不貲觀其日記所載米鹽瑣碎算及糞壤營營求財之心惟日不足尙得謂之窮乎又日記內云四月末京中起怪風二日其色大紅著人面皆紅又云石門鎮堰橋水忽立二丈許舟中蘆席有飛至南高橋復還原舟者又云有大星如碗後有細星隨之如簪又云十二月二十九日夜雨甚大燿然大電隨發震雷甚響而長不知明年作何運數耳又云初五日午後日光磨盪有黑日如鬪狀又云日有三枚日旁有一差小者色白不甚動白日旁又一小者色赤而動甚又云河南柘縣有鳳至百鳥朝會數日有二赤鳥長丈許以身蔽鳳鳳身五色陸離鳴如簫韶邑人怪之驅牛厭勝牛俱

股栗不前路上死鳥甚衆又有死金色鯉狼籍地上時予作鳳視銘云德未嘗衰爾或不來善以道鳴必聖人生而忽聞此又一異也等語凡此毫無影響妄捏怪誕之記載甚多總由其逆意中幸災樂禍但以捏造妄幻惑人觀聽爲事其荒誕不經皆不願也夫災異亦古所時有上天垂象原以儆戒人君令其修省進德未有事不實而可以爲鑑者也若如呂留良之記載一一皆虛天地間未有之事何以示儆於將來假使傳諸後世以捏影捕風之語或信爲實有之事必以從前太平盛世尙有如此非常奇怪災異倫遇日月星辰水旱之變必輕忽爲無關於治亂而漫不經心其所以啓後世人君之怠玩者其罪不可勝數矣又日記云康熙甚吝吳中顧雲璈者寫真甚精供奉內廷不許其遍遊公侯之門一日入朝倉遽用舊服康熙曰此要銀子也薦之一王子王子送元寶二百兩及緞康熙收之臨行辭康熙止予二十四兩而已等語呂留良此以誣詆

聖德夫韓昭侯藏敝袴曰欲待有功者史冊相傳以爲美談今一寫真之人卽聖祖仁皇帝不輕加厚賜亦

聖主懷重賞賚之盛德，而呂留良捏此浮言，譏爲吝惜財物乎？

聖祖仁皇帝在位六十一年，餘亦足振恤外。

特恩蠲免錢糧不下數百萬萬，此天下臣民所共知。豈君主所能爲者？呂留良獨無耳目，乎忍心害理，可謂極矣。且呂留良誼屬臣民，而慢稱康樂，惡其特逆無狀，何太甚矣。即此數條，猖狂悖亂，已極放言橫逆之罪。況其他太甚之詞，尤足令人痛心疾首。不共戴天。夫呂留良生於浙省，人文之鄉，讀書學問，初非曾靜山野窮僻冥頑無知者。比且曾靜祇譏及於朕躬，而呂留良上誣。

聖祖皇考之盛德，曾靜之謗訕，由於誤聽流言，而呂留良則自出胸臆，造作妖妄。況曾靜謬執中國夷狄之見，胸中妄起疑團，若不讀呂留良之書，不見呂留良之議論，蜂起快心滿意，亦必有所顧忌，而不敢見之文辭。是呂留良之罪大惡極，誠有較曾靜更爲倍甚者也。朕向來謂浙省風俗澆漓，人懷不逞，如汪景祺查嗣庭之流，皆以謗訕悖逆自伏其辜。皆呂留良之遺害也。甚至民間氓庶，亦喜造言生事，如雍正四年內，有海寧平湖闖城屠戮之謠，比時驚疑相煽，逃避流離者有之。此皆呂留良一人爲。

之倡導於前是以舉鄉從風而靡也蓋浙江士人等習見呂留良之恣爲狂吠坐致盛名兼擁厚賞曾無纖芥之患得嬰其身是以轉相推服轉相慕效多被愚迷而不知也甚至地方官吏怵其聲勢之囂凌黨徒之衆盛皆須加意周旋優禮矜式以沽重儒之譽如近日總督李衛爲大臣中正剛直之人亦於到任之時循沿往例不得不爲之贈送祠堂匾額况他人乎此其陷溺人心濁亂世俗害已不可勝言矣數年以來朕因浙省人心風俗之害可憂者甚大早夜籌畫仁育義正備極化導整頓之苦心近始漸爲轉移日歸於正若使少爲悠忽不亟加整頓則呂留良之邪說誣民者必致充塞膠固於人心而不可解而天經地義之大閑泯沒淪彙幾使人人爲無父無君之人矣呂留良之爲禍浙省者不知何所底止耶今日天道昭然逆賊惡貫時至令其姦詐陰險盡情敗露則不容不明正其罪以維持世教彰明國法者也且呂留良動以理學自居謂已身上續周程張朱之道統夫周程張朱世之大儒豈有以無父無君爲其道以亂臣賊子爲其學者乎此其狎侮聖儒之教敗壞士人之心真名教中大罪魁也而庸流下愚不能灼知其心跡行藏乃以一不解天經地義

之匪類猶且羣然以道學推之則斯文掃地矣卽呂留良自撰之文亦云逆天者亡又曰願我逆天死反得後明知逆天之罪大而必欲倖然蹈之死而不悔不知古今以來天地間乖戾悍暴之氣何獨鍾於呂留良也朕卽位以來實不知呂留良者苟著述之事而其惡貫滿盈人神共憤天地不容致有曾靜上書總督岳鍾琪之舉曲折發露以著呂留良之兇頑而呂留良之子如呂葆中者曾應舉成名蒙

恩拔置鼎甲仕列清華其餘子孫多遊庠序乃不卽燬板焚書以滅其跡且呂葆中旣已身叨仕籍而猶世惡相承並未洗心滌慮前此一念和尙謀叛之案黨羽連及呂葆中其時逆跡早已彰著蒙

聖祖皇帝如天之仁免其究問而呂葆中遂憂懼以死就常情而論呂葆中之兄弟子孫遇如此之驚危險禍且荷蒙

聖祖皇帝如此之高厚洪恩自當感激悔悟共思掩覆前非以僞倖逃誅極之計豈料冥頑悍鷲習與性成仍復抱守遺編深藏箭筈此固呂留良以逆亂爲其家傳故呂葆中等逆豎皆愚罔知警惕而實乃

天道昭然不容少昧如有鬼神驅遣使逆賊之陰謀徹底呈現於今日鐘鐻之遺毒不數漏網於天誅也前此曾靜逆書朕所以一一剖白者緣朕卽位以來深知外間逆黨甚衆自然散布訛言惑亂人之心志其所詆惟朕之一身者朕可以已意自爲劃定歸結若如呂留良之罪大惡極獲罪於

聖祖在天之靈者至深至重卽凡天下庸夫孺子少有一縷良心之人知此亦無不切齒而堅髮不欲與之戴履天地此亦朕爲臣子者情理之所必然茲特降諭旨將諸條畧爲宣示其逆賊呂留良及其子孫嫡親弟兄子姪應照何定律治罪之處著九卿翰詹科道會議直省督撫提督兩司秉公各抒己見詳核定議具奏

杭奕祿等將呂留良一案

上諭發與曾靜張熙劉之珩等看曾靜等供詞二條

曾靜供彌天重犯生於楚邊身未到過大都目未接覓文人混聞固膺胸次充懣只有一點迂腐好古好義之心時存於中而不可泯以呂留良之改靜盛行於世文章舉子家多以伊所論之文爲程法所說之義爲定議而其所譏詆本朝處及

假託春秋之義以審其說於孔子口中所以不得不令愚人信其實彌天重犯心下雖不知本朝得統來歷與列聖相承功德然生聖祖皇帝之朝賴聖祖皇帝之恩自祖父以來無干戈之擾無苛政之苦休養生息以樂以利大是安業順化胸中原無此說無奈呂留良將此義發得驚異且以爲說出於孔子彌天重犯雖不識呂留良何如人焉有不信孔子且淺陋無知胸中實別尋個義理解脫不出因妄自揣量以爲士人讀書無事不當以孔子爲法豈有當前一個這樣大的名義全不照管竟將孔子一部春秋囫圇吞下去如何使得所以抱此疑團陷身大逆而莫救直到今日想來當時之所以別尋個義理解脫不出者只爲心中不知本朝龍興之原與列聖遞承之績所以爲一部春秋縛束若曉得這兩個緣故本朝名正言順大義亭亭關春秋所攬甚事與管仲所攘何涉又何至爲彼說所拘局彌天重犯今日之所以切齒痛恨於呂留良者爲伊生於明末之季身處江浙人文之區於本朝功績豈有不知以伊之聰明才性本朝如此亭亭大義豈看不識既托身於儒林合該早將斯義表白於天下使天下讀書士子曉然知本朝大功

大德名正言順尊之親之而勿致疑於孔子春秋之說此方是呂留良當身之正義如何反將此正大義理隱蔽不見宜發竟支吾旁引春秋之義以抵當本朝既習經文之旨復乖當身之義且流說於士林遺累於國家今日士子之從事舉業文字曉得他的說話者胸中未嘗不染其惡但所知有淺深是以受病有輕重求其能卓然自信知呂留良之說爲非而復解脫得一部春秋之義與本朝絲毫無礙旨實少蓋人縱曉得本朝功得之隆治業之盛遠駕漢唐而直接三代與聖人之生原無分於東西然終不能去呂留良之說而緊抱一部春秋義旨在言下不是說壞本朝不是聖人定會誹謗孔子錯作春秋此彌天重犯前在長沙兩次親供解說此義到今日思來實是皇天眷佑我朝知得我朝正義正名久爲逆說掩蔽於士庶人之胸所以假彌天重犯之口曲折闡發此義使天下萬世共尊共親無毫髮遺玷於我朝之聖德神功故必如彌天重犯之身親經歷方曉得此義從前錯誤實由於無知而過信呂留良之說所致今得聖諭開示復就伊荒唐鄙謬無中生有的說話思之并考呂留良的時地與其學問心術知得彼非不知而看

錯實出於有意以詆誣也所以於本朝一切實有徵應之事迹則槩爲隱匿而不書而專以捏造妄幻惑人觀聽爲事全不知食本朝之粟履本朝之土食德服膺以有其身家育其子孫者數十年皇恩之當報而竟無顧忌相視如仇敵今觀其說話全是以譁張佞利之口逞其忿戾兇頑之習而復巧爲藏奸隱詐假托聖賢之說盜名理學大儒以欺世而惑人自古以來亂臣賊子包藏禍心誘變士子陷害良民者未有如呂留良可痛可恨之甚也然彌天重犯因過信呂留良逆說與誤聽謠言而身陷極惡大罪以來每清夜自思心雖無惡罪實難解卽令自家判斷亦尋出路不著況聖天子一日萬幾焉能燭照心肝洞悉民隱知得無知誤聽本心無惡而欽恤之是以屢蒙皇上如天之仁頒旨寬宥自家心下覺得皇恩難然好生當身罪過重大恐難得其生路解脫也今蒙聖諭剖判呂留良罪案復取彌天重犯罪案比較此時在彌天重犯只有惶恐戰慄死生待命之下而已奴焉敢搖唇張口指他人所犯之大小訴自己罪惡之輕重特以堯舜在上無不憐愍民隱聖諭所頒原得許直供陳奏而今日所供者又皆在諛旨包涵徧覆之內是

以敢冒死直供且以彌天重犯如此極惡重罪尙得能使自供自解可以知我皇上宸衷虛明廣大直同天體不惟爲可占首出之聖君然卽此一事亦屬亘古未有之奇典彌天重犯當此盛會又何敢隱忍回曲而不直供其所以然因是思得呂留良之誓說紀載是有心爲惡而假托於善以掩其惡彌天重犯之狂舉上書本不知是惡乃用意爲善而自陷於惡蓋呂留良生明末之季處江浙之省讀書學問何事不曉何義不講本朝功德宜耳聞目見而身被熟矣豈若彌天重犯之生晚而居處窮僻心闇質魯不惟別事不知卽流賊李自成名姓亦不曉若使早似呂留良之有知不但不肯爲此狂悖之舉且久已將我朝功德闡發見之於言論傳之於士林使天下共曉君親之義矣又何至有彌天重犯狂悖之舉蓋生本朝而搜紀本朝之功績闡明本朝之道德仁義正學士分內事自古儒者所必先之舉呂留良何計不出此而反以譏詆爲事今蒙聖諭開示呂留良生於浙省人文之鄉讀書學問初非曾靜山野窮僻冥頑無知者比此誠德同天地明並日月至公至明之至論也且呂留良本心不欲聖祖之聖而僞捏不聖之說以誣其聖

彌天重犯本心不知皇上之聖忽聽不聖之說遂誤信以爲果是不聖其實謗誣聖祖罪固不容於死而譏詆皇上法又豈容獨生乎所不同者只爲山野愚民不知聖德高厚爲奸黨布散流言惑亂民間聽聞豈若聖祖皇帝在位六十餘年深仁厚澤淪肌浹髓雖黃童白叟皆所深知況身列膠庠十餘年之呂留良乎皇上天視聖祖渾忘已德今蒙聖諭開示會靜祇譏及於朕躬而呂留良則上誣聖祖皇考之盛德此又不惟德同天地明並日月至公至明而并且流露我皇上平昔至仁至孝之淵衷矣又彌天重犯之狂舉心中本無成見因聞呂留良逆說復聞謠言而彌天重犯附近之地又偶爾歎收且平昔並未曉得我皇上聖德萬分之一此時覺得當身道義既催目前時勢又迫儼若有個鬼神在此驅逐之使動容人安息不得所以不計利害不審成敗妄萌此狂悖逆亂之舉若呂留良則明知有道而若不知其道明聞有德而若不聞其德觀其立說多幸災樂禍之心毫無憂民愛國之念是呂留良之詆誣獨出己意而彌天重犯之狂悖全憑人使令蒙聖諭開示會靜之訕謗由於誤聽流言而呂留良則自出胸臆造作妖妄此誠德

同天地明並日月至公至明之至論也至若中外之分彌天重地雖曾聞其論其實亦心知其不然苦奈學淺無知見聞未廣思想義理不出分解不來無可如何且一面反覆細觀呂留良議論直指此爲今日第一大義讀書人所必爭豈籀本朝得統之正列聖救濟之功皆千古所罕見與春秋之所攬管仲之所攬義例不惟不同且以今較古脫然如寒暑晝夜之相反今蒙聖諭開示曾靜膠執事國夷狄之見胸中妄起疑團若不讀呂留良之書不見呂留良之議論蜂起快心滿意亦必有所顧忌而不敢見之文辭此誠洞見肺腑民情絲毫不能隱處凡此乾斷固非具大舜之智不能明察到此抑非裕帝堯之仁不能欽恤如是仁智交融聖神並至焉得不令聞者拍案驚倒以爲千古聖明之君所不到彌天重地到此生固有榮死亦何恨况昨又蒙恩降旨九分不殺是旣感明睿之德照燭隱情復荷高厚之恩寬宥重典恭逢這樣神聖天子在上竟無說可以頌揚比擬得只有簞之敬之如天地親之愛之如父母而已更有甚語說得

劉之珩車鼎豐車鼎賁譙中翼孫用克卽孫學顏陳立安曹珏廖易卽景叔張孝

先張勸卽實安張新華張照張熙同供伏惟本朝聖聖相承積厚流光太祖高皇帝神武奮興肇基東北太宗文皇帝舉義師以除寇亂爲亡明雪恥救生靈於水火天下筐篚爭迎同登祗席世祖章皇帝應天順人入登大寶大一統之盛雖殷周有未及者迨我聖祖仁皇帝繼統承乾化神德盛凡有血氣莫不尊親乃不意浙省有呂留良者恃彼小才欺世盜名假評選以馳聲藉刊刻而射利適值昭代右文之隆會得以風行宇內一時傳習舉業者悉爲其所惑遂多奉爲八股之金科講章之宗匠之珩等庸陋迂愚素未諳其爲人底裏但見其現行選刻本頭論文說書筆尖舌快因隨衆而推服者有之今得見留良抄藏殘稿種種悖謬率皆大逆不道之語甚至輕肆詆譏上及聖祖誠有臣子所不敢入於目不忍述諸口者乃始驚其平日兇悍性成乖戾無比逞臆妄言私心梗化正是亂臣賊子之尤罪大惡極爲王法所斷不容夫以留良身爲聖代之諸生謬附前朝之餘燼踐土貪毛者業經數十年直視如蔑有顧以絕無影響之事毫無顧忌之談公然形諸筆墨觀其言殆桀犬以自居究其實曾蠶蟻之不若一何其悖逆之至於斯極也

且其身後長子葆中卽成進士綴清班其餘子孫亦復多列膠序則由今日而論國家之恩澤涵濡煦育於呂氏者甚深且厚而回思留良之狂肆背負愈覺可恨而其罪益彰明較著歷劫難逃矣此在忠臣義士固欲請上方以正顯戮而庸夫孺子稍有一縷之畏者亦莫不痛恨而髮指卽彼詩文中亦嘗自謂逆天宜乎其享年不永而旋已早伏冥誅也竊思留良既死凡秘笈所留其子若孫卽當速爲燬棄而乃應燬不燬片紙隻字卒致莫能遁匿者豈非上天之篤愛聖祖而又欲有以顯佑我皇上之純孝所以默使之敗露而表暴其罪狀哉從此宇內士民幸得悟其背倫逆天以共曉然於邪正之判如大寐之忽醒焉昭昭天理蓋非狂悖者之所能久誣恢恢天網亦非叛逆者之所能終漏也之珩等共沐皇仁粗知大義覩此姦回不勝不共戴天之憤謹供

上諭浙江逆賊呂留良死頑梗化肆爲誣謗極盡悖逆乃其逆徒嚴鴻達者狂暴狠戾氣類相連意見膠合實爲呂留良之羽翼推尊論法備述其遺言緒論又從而愾張揚厲以附益之其詞有較呂留良爲尤甚者夫呂留良以本朝之諸生追附前明儀

賓之末裔無端反噬憤懣猖狂已屬從古亂臣賊子中所罕見至若嚴鴻逵則生今之世爲今之人自其祖父已爲本朝之編氓踐土食毛戴高履厚嚴鴻逵之於明代豈有故君舊國之思而於我朝實被遂生樂育之澤何所庸其忿忿何所庸其追憶而亦敢效擊狂吠乎茲擇其悖逆之語彰明較著者一併宣示庶使中外臣民知嚴鴻逵背理逆天無父無君之罪無所逃於天地之間其日記有云索倫地方正月初三日地裂橫五里縱三里初飛起石塊後出火近三十里內居人悉遷避旨云此等異事古來甚多況在口外何足爲奇又云徐姓在燕有僕婦發狂一夕見貴者三人坐堂上忽報朱三太子來三人下階迎之見一人渾身血痕怒向三人索黑水三道三人初不允固索乃允約以某日發水始去醒而言之後幾日熱河水大發淹死滿洲人二萬餘計其日則此婦所夢之日也又云江督邵穆布將死如有所見曰桴揚齋先生與我無預者月餘而死蓋當時此事發於此人有在彼譬中見其死時如此又云十六夜月食其時見衆星搖動星如欲墮狀又或飛或走羣簡康衍又云舊年七月初四日星變一欽天監云此星出天浦墮入天市垣分野屬吳越應蓀數

年內吳越有兵起於市井之中其色白應主國喪在本年內其後說已驗又云予所戴六命一統帽以擬四方平定巾今土人做倣漸多因閱日知錄乃知先朝已有是名亦太祖所製若曰六合一統云爾又云燕中人家門首悉土硃畫圈方圓點又不一或圈中有字又云徐孝先終身衣直領戴孝頭巾言與先皇帝戴孝又云近日有雄雞生卵雌化爲雄又有犬產蛇鱷胎生又云練市有沈開生名倫不去髮烏衣冠終其身又云河南有蝦蟆食人之異奇哉凡此荒唐叛逆之語自康熙五十五年至雍正六年內所記載者已不勝枚舉其中惟索倫地方擁石出火實有之事此蓋彼地氣脉使然前此已經屢見現今有相同九山爲證本地相傳皆言自土中擁出者歷年已久無從考索是以其地名九壘與新出之石凡十矣其傍遠近山頂亦有烈燿者此

聖祖皇帝深知之事是以有從前甚多之

諭旨而嚴鴻達以此爲譏訕乎至熱河水發一事口外重山疊嶂五六月間大雨時行且瀾溪悉成巨浸行旅時爲阻滯然雨止則一二時卽退熱河山廻巒抱中惟一道河

流每雨水稍大衆山之水皆從此出是以往往有衝決堤岸之事康熙四十八年六月大雨連晝夜其時附近行宮一帶地處高阜惟隔岸山根之下爲水所漫溢本地久居之民實所習見不以爲異而扈從之官兵亦皆知雨止水即減退皆安重不遷惟寄居之匠人等以生平所未見驚惶迷惑或有愚人編木爲筏謂可以乘流而渡遂有木筏觸石而解致沉溺者數人又

聖祖仁皇帝御用水井在隔河山麓有守水官兵凜遵法度水至不敢移徙跬步亦至沉溺二三人是時朕以輪班恭請

聖安隨從官員二三百人駐劄即在水發之地因約束嚴整無一妄動之人及至水退皆安然無恙無一人被水者乃嚴鴻達謂淹死滿人二萬餘何其妄誕至於此極江浙等處時有山水驟發及起蛟之事動輒衝沒村落數百家嚴鴻達豈不聞之何獨以熱河水發爲異也且熱河之地五方貿易之人畢集而傭工力作者多係山東山西之民而嚴鴻達謂獨淹死滿人有此理乎乃託之夢幻造爲朱三太子索黑水等語不知嚴鴻達是何肺腸也夫從來訛罵誹怨之詞多言桀犬吠堯吠非其主以是卸

其罪然以嚴鴻達生今之世爲今之民明代淪亡已久而我朝定鼎經百年有餘按
之天時稽之人事則明之太祖與崇禎帝以及僞朱三太子非鴻達之主也明矣若
之何託心於遙遙不相關涉之非其主而轉吠及於神堯之主乎且臆造訛言好亂
樂禍於昇平寧謐之時作干戈擾攘之望以

聖祖之德盛化神而公然譴讎以今日之民安物阜而朝夕呪詛種種喪心病狂皆拾呂
留良之唾餘而尤加幻妄豈非兇虐性成萬死有餘之逆賊乎且伊既私自著述造
爲妖固而又貌作迂腐曲謹之態以揜其奸頑浙俗浮薄之士鼗鼓其虛譽致有廷
臣以纂修明史薦舉及伊者伊乃自鳴得意抗慢詭激其日記有云傳之得炳儀字
仍囑勸駕有堯舜在上不可徒事高隱之語予笑謂堯舜在上獨不可下放巢由耶
又云總憲又有面奏語囑易齋令惟懷馳信勸駕勢不得辭云云然予意自定當以
死拒之耳其大言藐抗既已若此乃日記又云有衡州人張熙字敬卿來見言其師
曾靜永興縣人在彼中講學學者稱蒲潭先生從前因讀講義始棄諸生又云敬卿
欲往江寧作致雙亭字又寄冬之字夫以朕特旨詔修明史旁求山林隱逸之士而

廷臣薦舉及伊則妄附巢由之洗耳至欲以死力拒視朝廷如兒戲等徵召於弁髦而於逆賊曾靜等叛亂悖惡之徒尺書馳問一介相通則數千里之外呼吸相應親如同氣輾轉游揚招納黨類天地間顯圖不軌恣橫行擾亂綱常震世駭俗未有兇狡至於此極者也似此悖逆叛亂之人煽惑民心貽禍後世王法所不容神人所共嫉且獲罪於

聖祖皇帝與呂留良黨惡共濟其罪不容於死嚴鴻逵應作何治罪之處著九卿翰詹科道會同速議具奏

上諭曾靜悖亂兇頑譁張爲幻從來狡惡狂肆之徒未有其比宜若性與人殊不可化誨乃今悔悟從前爲邪說流言所蠱惑痛心稽首歷歷吐供自稱向爲禽獸今轉人胎等語可見天地之大無所不有亦無物不可化誨聖人有言信及豚魚今以曾靜豚魚不如之物亦能悔罪悛改如此伊著歸仁說一篇奏云此身若在願現身說法化導愚頑偷不能生則留此一篇或使兇惡之徒亦可消其悖逆之念可見人無智愚賢不肖無不可感格之人是以將會靜歸仁說附於各供詞之後非以其稱獬豸

德詒諛而存之也

曾靜歸仁說

聖人之出也非常故其生也無常地亦無常格而其德業光耀之周於上下四方心思運量之通於四海萬世也乃一皆超於前古而並非數百年數千年之所嘗有昔人云非常者常人之所異竊以爲非獨常人卽世俗所震聰明絕世才智出群竭其私智足以壓服衆論逞其著述且可流及遠境而不足以知聖人之生與聖人之德業光耀心思運量之迥出前古則亦至愚之常人不安分之常人而已矣蓋天之生聖人也其積氣也極厚故其備德也極盛以宇宙而言必天地中和積之之久蘊蓄至數百年而始生一聖人又數千年而始生一大聖人不常有也

以一家而言必祖宗功德積之之久至數十年又至數百年而始生聖子聖孫並爲大聖之子大聖之孫此則又聖祖聖宗分所宜有而自下而仰觀亦世所不常有者也譬之未耕種之土生氣鬱積既久而一加耕種收必數倍嘉穀豈擇地而生天地於嘉穀亦豈擇地而使之生者而迥異他植夫麒麟鳳凰不必盡出中土

奇珍大貝何嘗不產海濱同在此天此地之中一大胚胎或左或右孰分疆界安得岐而二之然則中國之生聖人固已氣竭力倦而循環以出於遠地也抑何疑哉況道之在天下無窮盡無方體今日與明日不同此地與彼地各別本極活脫變易不容人以成格定式執持捉摸所貴乎讀書知道者因時制宜隨地取中卽其活變之妙以竭吾權度裁制之精取吾與古人之同處勘出異復使吾所處之異者歸乎同而後與古人立經垂訓之旨合而後人窮經明理以定義之大用斯無窮矣然而斯義也昔日扣盤捫籥以瞽語瞽桃源醉鄉由妄踵妄若不經風霆鼓動大冶鎔鑄亦無由轉頭開盲撥雲霧而覩天瞻日蓋生人之大迷而至今乃得大覺也抑厚幸矣恭惟我朝當明末之亂明位之移由東土而來掃除寇亂撫臨諸夏一統無外至德深仁淪洽四海鴻功駿烈焜耀兩儀自有生民以來未有如此之盛者也自夫世人智不足以知聖人之生與天地之生聖人往往非常誤以東土爲非中華文明之會並不知列祖相承之德皆爲聖人於是妄引春秋之義與孔子所許管仲之仁諸說以比例自矢甚有惑於近世呂留良之逆說悖論

忘其當前衣被仁育之深恩敢肆然譏誣謬誇私形於論說文詞者亦或有之其名欲正大義而不知實反拂乎生人之大義謂以明道而不知竟大昧乎當然之常道既昏迷錯亂枉誤乎當身復陷身悖逆以取罪於當時而貽譏於後世此曾經身歷者不得不爲天下之有志於學而不知變易之道徒爲呂說所陷溺者變色告之也夫天地間二氣五行之精英由聚而散日流日廣且變動不拘循環無常唐虞三代之世中土狹五服之地荆楚吳越已算要荒蠻服其餘粵閩古滇巴蜀封疆所建貢賦所通尙未屬於中國然計世運之升降必以治統爲轉移而稽治統之轉移又必以道統爲依歸唐虞三代之盛承帝治者首推大舜頌至德者終惟文王孟子曰舜生於諸馮東夷之人也文王生於岐周西夷之人也是唐虞三代時之聖人已有不盡生於中土者矣自秦以及五季千五百餘年二帝三王周孔之道晦盲否塞不行至宋而天運始旋其道雖仍不行於上而實明於下然開其統者始於濂溪周子集其成者盛於紫陽朱子周子生於湖南永州而遷於江西朱子生於江南徽州而學於福建今者湖南乃楚地而永州竟居兩

廣之界江南卽吳江而徽州實於東閩相接江西則古三苗之地福建原屬八閩之區由是觀之則知聖人之生其不以地限也昭昭矣且春秋之攢吳楚爲夷狄者因時審地按其事跡與今日不惟如方圓體度之不相合竟脫然如寒暑晝夜之相反蓋風氣之開由漸而著自有天地以來文運到周爲極盛而文武周公以世德篤生之聖制作禮樂又監古爲極精故一時明備燦然聲名文物之隆不惟非後代漢唐所能及實非前代唐虞所得並所以聖人贊曰郁郁乎文哉吾從周春秋之書雖因平王東遷以後政教不行王者之迹熄而作然當時魯衛齊晉諸國去文武之世未遠其故家遺俗流風善政猶藹然是成周之舊而吳楚山戎以侏獯不通詩書不知禮義之習逞其僭王猾夏之惡冒於中華文明之治此聖人所以深惡而擯斥之其實聖人之心卽天心因其當絕者而絕之初未嘗有意以吳楚爲外地亦未嘗立念以高置諸夏而重內輕外也使諸夏而不謹其常度則其貶而抑之也又甚於吳楚矣故先儒撮其旨曰夷而進於中國則中國之中國而夷狄則夷狄之是春秋之書分華夷者在禮義之有無不在地之遠近其心實

至公至平原視乎人之自處何如耳況今日則更有事不同而大相戾者傅也古來治統道統之合一而從天定者自暴秦變亂以後雖歷漢唐宋之盛猶不免架閣漏空無當於聖人之萬一而明末之世尤君怠臣侈百度廢弛內則官宦專權把持國政外則藩封放恣暴殄天物官吏貪污橫征暴斂所在皆然荒淫驕奢世家大族習爲高致加以文德盡廢遠人不服各處蒙古外藩皆爲勁敵邊警時聞應接不暇元氣盡喪卽極之前後五代之衰亦不過是卒之流賊四起慘殺屠掠毒逾湯火凡賊所經過府郡州縣以及市井村落類皆片瓦不保目慘心傷自有生民以來其離亂未有如是之甚者也論者不思此境妄引三代春秋之盛以比例何其悖謬之甚乎況本朝太祖創業東海以德行仁本無取明天下之心至太宗皇帝政舉敦修仁聲仁聞四訖海內當是時曾勒兵入關徇地直至山東臨清周視京城縱獵南苑以期爲明解讐釋怨熄兵安民而明之君臣竟置之不問由是振旅東歸明不能以一矢加遺當時若有一毫利天下之心取明直如反掌之易又何待賊陷京城愍帝身殉國難明祚已絕明位已移請除寇亂而後興師命

將乎卽此一舉較之武王大會孟津觀政於商以冀紂惡之悔悔心事更光明正大表裏無憾況入關一戰而勝季自成二十萬之衆如擢枯拉朽望風逃攜席捲長驅廓清海宇救億萬生靈於水火之中當時天下之衆之依我朝也如出深淵如覩父母由是世祖章皇帝發政施仁撫臨天下而天下之感戴者不惟明之君臣雪恥復讐啣結莫報且大者爲我億萬生靈拔死育生大德深恩直與天地同流由此觀之在昔湯武爲夏商諸侯雖以仁興而君臣一倫猶不能脫然無憾所以當時成湯不免有慚德武庚不免以殷畔豈若我朝之有天下也得於流賊李自成之手視商周之得統更名正而言順明臣漢人當時皆樂爲效力致死乎是春秋之吳楚以夷狄之心肆夷狄之行曠視諸夏禮樂文明之治而來僭亂之我朝以仁義之心行仁義之政不忍中國之生靈塗炭而來撫綏之一是爲亂於至治之世一是敷治於極亂之時所謂不惟如方圓體度之不相合竟脫然如寒暑晝夜之相反者此也使聖人而在今日其作春秋所以大褒予於我朝者當如何深切著明可知矣蓋聖人與天合德天大無外聖人之心亦無外稍有一毫有外

之心卽不能合天心又何以爲聖人所以聖人判事至虛至平胸無一毫成見定義原視天視民以定義而天之於民實無常親惟德是親今我朝不折一矢不傷一衆不待年而成帝業到今幅員之廣與天同大享年之永與天同久承承繼繼篤生聖人愈遠愈大彌久彌光四海昇平萬國咸寧此豈人力之所能與乃民之貪德者厚以致皇天之眷顧者深所以至是聖人又何事違天拂民而有彼此之間哉故謂春秋大旨在謹華夷之辨則可若概引春秋之例以抵當我朝之盛則罔諷聖人作經之旨爲大不可謂聖人許管仲之仁以其功在於擯吳楚則可若妄以吳楚例今日則是非顛倒害道害義爲大不可是春秋不惟無碍於我朝而我朝竟深有契於聖人之心大有光於春秋之義旨也審矣蓋我朝自太祖高皇帝神武蓋世開創帝基太宗文皇帝私繼體之業統一諸國世祖章皇帝建極綏猷撫臨中外聖祖仁皇帝聖德神功徧及溥海內外久道化成淪肌浹髓更爲超越前古業隆萬世可見皇天篤愛之至非三代以下所及卽極之虞夏商周天運初開太和極隆之會亦罕有此聖聖相承線線無間之盛況我當今皇帝尤聖神

文武時中變化範圍天地之化而不過曲成萬物而不遺恢弘前烈更有光於聖祖仁皇帝者哉故其治效化功之顯燦於兩間者已極禮明樂備之盛而其驗亦已至於海晏而河清特以至德淵微聖學高深山陬海澨之間間有不能與聞其大者實因初潛藩邸韜光養晦無求無欲研經味道以盡己性分之固有職分之當爲未嘗稍露一聲光於人間所以龍德中正不惟非天下所得知並非在廷諸臣所能識惟我聖祖仁皇帝聰明天縱本父子之親以聖知聖早知人品貴重蘊蓄美富爲能聰明睿智足以有臨然亦以是存之於心而不肯揚之於衆直至聖躬不豫而大漸委以南郊大禮衆方知我皇上至德天全聖學性安久爲聖祖皇帝所深契而於此尤可以見聖祖皇帝之揆道精義傳子卽以傳賢并二帝兼三王而適於中者邁百王而首出矣所以當我皇上御極之初一切政治天下皆莫能仰測高厚之所由出加以阿其那塞思黑等久蓄奸謀散布流言於外以致善不能驟得徧聞於窮鄉遠鄙者斯亦事理之所必有豈知我皇上淵衷至仁仄姓至孝發慮至誠修己至敬而造德之純熟學問之淵深歷練之縝密處事之精詳

則又一理渾然泛應曲當舉凡施之於政刑見之於德禮者既無一處不知之極其精復無一事不處之極其當神明盡智化裁盡變推行盡通深仁大德際天蟠地究其歸皆因物付物初未嘗稍存一毫成見於未事之先是以身雖至勞至苦無一時一刻不以愛養天下蒼生爲事凡可以利濟斯民者思無不到到無不行無不實自朝至暮一日萬幾目不停視手不停批不遑寧處而心實至安至適常如明鑑如止水萬物之過其前者妍媸自然畢露而不容掩今試於蕩蕩難名中而以管窺所及者略舉其萬一如明王奉若天道大義本於天經自二帝三王唱和而後後世人主皆以國家行政出治生殺予奪權由己制竟不知大君之上更有天焉不可違也我皇上念念從民設想處處體天定趨凡天所好者體天之心好之天所惡者體天之心惡之天所欲行欲止者體天之心行之止之由是體天之心以養民知食爲民天農乃食本務使各務本業盡力南畝不得貪利而廢農功之大不可逐末而忘稼穡之艱每歲躬耕藉田以重農事而考農之勤樸無過者令各州縣歲舉一人榮給品秩以示鼓勵而先嗇神農亦開千古未開之典

設壇崇祀以報其功偶聞一處旱潦卽憫念憂形減膳之下殫精竭誠爲民祈禱專務修省人事以格天心卒至禱雨雨通祈晴晴應猶不以此爲足蠲租減賦之典無年不頒賑災救患之澤無地不遍甚者如江南江西浙江正供六十餘萬兩皆沛恩永免深仁厚澤與天罔極不朽採運積貯禁屠崇儉以預防其不足與夫疏濬河流開導積淤相地開墾以奠民居通民行而濟民食者可謂無處不到無法不備矣推其極撫綏盡六合之廣雖窮幽極僻之區亦不至一夫失所如西陲安插之衆不惜厚賜使之衣食有賴雲貴等省邊塞土民素受土司之害者禁其魚肉革其科派老有沿鄉給發之養孤貧有動用錢糧務令得沾實惠之諭存恤憫念痾瘵惻怛恩膏直下及于行人乞人之微賤以期盡夫子惠元元包涵並育大小高低遐邇一體之本量而後快也體天之心以爰民則察吏不得不極其明懲貪不得不用其法謂貪贓犯法之官蠹國殃民罪大惡極卽立置重典亦不足以蔽其辜但不教而殺有所不忍故曲宥其死偶行抄沒其家資以備公事賞賚之用蓋所以昭國法而懲貪污並使後來居官者知婪贓之物不能入己無益有

害自不肯復蹈故轍以權法耳更或卽其所有之資填補虧空之數因得豁免其罪此皆以罰惡之內隱寓寬仁之意原非過刻也至于人之心術隱微之中疑似之間最爲難測審照則辨析精微而公中有私私中有公尤如絲過扣毫髮清楚然猶不以此自用必廣行採訪以收好問好察之益而爲執兩用中之資抑兼欲得人擢用爲生民思久安長治之計故一切政令所敷治益求治安愈圖安務求適中得當立百年不壞之良謨以期移風易俗潛移默化使民日遷善而不知其所以愛民者又何無已也體天之心欽恤民命謂明刑原以弼教君德期于好生法雖一定心本寬仁書云宥過無大刑故無小所以斟酌權衡廣好生之德也有不得已而用刑者不過欲國法申行刑期無刑耳故每有改定條例必期三令五申惟恐小民無知陷罪不教而殺時深惻隱之念承審官司濫刑有夾訊之戒秋審應決具奏有三覆之諭稍有一線可生因事原情寧過乎仁毋過乎義不惜反覆批閱至再至三每年沛幾多格外生全之恩其實皆準乎天理之至公卽乎人情之至安寬而得中非廢法也然亦間有應嚴者則又用嚴以順適夫至正至平

之則如阿其那塞思黑蓄奸樹黨貪圖不軌已經聖祖皇帝貶而絕之乃不知仰體君父之心痛自改悔竟怙終不悛按其罪過實同周之管蔡我皇上本大公無我之心揆道執中以事關國社生民之重不惜數其罪以大義滅之此亦如囚凶之在堯世必有可容者而後堯容之其在舜世必有不可留者而後舜去之堯舜何容心哉皆因其人之自取何如耳故皇上今日之義卽聖祖皇帝當年之仁皇上今日之仁卽聖祖皇帝當年之義道無二致同歸一中因時制宜使得其平而已天語煌煌反復剖析此理已到至處盡處而心事亦直與日月並明于千古矣蓋虛明應物之天本無一毫成見已意稍雜于其中所以用寬用嚴無往而非道之至當不易有如此也體天之心以爲民取士則于三年科舉之外有舉賢良方正之恩詔有令各省州縣延訪孝友端方才可辦事而文亦可觀者每歲各舉一人之諭有選拔貢生不拘考試名次務取經明行修者之諭有令滿漢內外文武諸臣將有猷有爲有守者各舉一人之諭有令中外諸臣在京主事以上在外知縣以上各舉所知或舉貢生員或山林隱逸送部引見之諭而于各省州縣文明

明極盛之學又有升改增額錄取之論鄉試中式名數亦隨著加增廣求博訪惟日孜孜冀獲賢才以爲蒞政臨民之選而猶憂人才難得務在矜全器使幽隱必錄所以于湖南等省又特降分闈之旨憫念士子之貧寒有志者嗣後不爲遠險所隔皆得以遂其觀光之願焉體天之心以爲民尊師重道則至聖先師泊封五代敬聖人如君親易諱爲邱重臨雍之大典改幸爲詣而誕降之期齋戒禁屠著爲定例且旌表節義崇建祠宇獎勵善行虛公核實軍民一體直及於匹夫匹婦之貧且賤焉風聲之樹更何遠也體天之心以爲民優禮大臣則賜坐賜茶體恤羣臣有賞有賚上下雖分君臣一體極至飲食之輕微情至亦所必賜器明服物之小者雖遠亦所常頒君臣之際相期以誠臣下隱微無不洞燭訓誡開導隆恩同於天地之鈞陶萬物勝於父母之教育嬰孺至中至正總以吏治戎政物情民隱各得其所爲念體天之心以爲民存亡修廢則合天下爲一家視異代而無外大廓成例封明祖之後以侯爵考古仁恕之君隆名之主從未有如此之洪施公普者也體天之心以爲民勵精圖治則天德之剛純乎一敬乾乾終日法天行健

無時不極其精無處不盡其詳廣覽博訪隨機應變無一不中節合宜神聚到至處心細到極處卽至羣臣奏章偶有一義未安一字錯落幾經廷臣歷闕不到者一經睿照必爲摘出反覆詰誠不以爲倦自朝至暮凝坐殿室擴然大公物來順應非帝堯之欽明大舜之恭己殆未易臻此篤恭之境矣體天之心以爲民垂訓立教則皇極之敷言尤長江大河渾渾灑灑盤折自如愈析愈精實無一不行所無事與天理之大中正者相準誠以宸衷肅明廣大昭融洞徹海涵天覆內外無間渾乎天理之公無一毫人欲之私故發於文辭理實氣足巍然經天緯地之作與二典三謨並垂不朽自古聖明之君見之典謨載之史冊所傳詔誥所精思神力未有天縱之深厚且極如是也極而至於體天之心爲民之深直至作述之間心融神契道統治統心法聖學一氣相承誠以聖祖皇帝德合乾坤功弘位育開生民未開之大業深仁厚澤邁百王而獨隆爲皇天篤愛之肖子是聖祖皇帝之心卽天心聖祖皇帝之德卽天德故一切政治祖述憲章多以聖祖皇帝爲準然亦只學其道而不拘泥其法其中有時地異宜損益殊方所當更定者則又未

嘗不推聖祖之心以承天之心爲民而更定之其實繼志述事適與聖祖無違也所以大孝純篤無處不到當聖祖皇帝賓天哀號慟慕盡禮盡制歷二年如一日繼以孝恭仁皇后升遐兼服不懈悲思歷久彌深當齋居永慕之中孝思所及孝治所頒徽號之議協萬世之心配天之典冠百王之隆會晨昏瞻拜朔望祭享望山陵而致敬瞻廟寢以告虔無一時不思哀思敬無一事不盡制盡心此雖一時發於至情由於至性爲所當爲不知其然而然本無意於民不求鑒於天然天人一理家國相通此感而彼自應上行而下自效實無往而非繼天立極爲民作則之大者豈但區區致我仁孝誠敬之至於聖祖而已凡此皆親被德化之後身近天日之光管見所及百千萬分之一耳至於廣大精神浩浩肫肫可以意想而不可以言盡者不惟今日淺陋不得而知抑人所不得而傳蓋聖本不可知而至德尤未易名言故也此所以天人交孚數年以來休徵並著嘉瑞屢見太和翔洽民康物阜四海同登樂利之域萬姓共享昇平之福者誠以我皇上道德既與二帝三王合轍而治效自當與虞夏商周並隆無疑也 靜生長楚邊山野窮僻足

跡未到通都大邑生平未接見一名人達士加以稍長失怙身處露孤形單影隻胸次極狹見聞淺陋不惟列祖相承之聖德神功有所不知並我朝得統之大者亦所未聞徒以迂固執方之見而痼其好古不化之癖早年從事舉業翻閱入股時所讀呂留良文評妄喜其議論之爽快而不察其氣象之粗暴貪其意見之間與已合而不知其發言立論之甚者實多與道義大相悖也且平昔徒知其刊刻之多爲有功而不知其實欲多刻以爲陰圖射利之計知其立言之高爲有德而不知其故爲高論以逞其欺世盜名之術由不知而錯好由錯好而誤信日甚一日不覺爲其說所浸淫者實深至近年以來兼讀其雜文殘詩甚有謂春秋華夷之分大過於君臣之義而今日有人實若無人有世實若無世以此爲綱目凡例未發之蘊始聞未嘗不疑迨久而不得不信蓋以其意借口於孔子之春秋而例又竊附於朱子之綱目故也因妄思君臣爲人倫之首本於天降由於性生人之思君如子之思父天下未聞有父旣失處而子能晏然獨安者讀書以明理爲大身忝士林所幹何事又焉敢重計一己之死生利害而委棄當身大義於不顧乎

加以我皇上聖德高遠初年洋盜未遍海內卽早爲奸黨布散流言傳聞滿耳此時不覺狂悖盡心頓妄天地之大恍若當身道義之迫甚於水火乃敢定志徧尋域中冀得聰明睿智能盡其性者以爲生民之依遂卽其謠傳詆謗之詞大肆悖妄冒昧上書於陝西總督岳公直至事發之會執訊庭階猶堅持呂留良悖論在心以爲道理當然死何足惜且妄謂綱常名教而得其正尤讀書爲士者之所樂就而不避者也殊意承問大人仰遵諭旨早知窮陋無知爲謠言邪說所蠱惑乃將逐條所誣一一剖示及我朝得統事蹟反覆詳告并宣傳我皇上文德之大勵精圖治孜孜爲民憂勤不倦之苦心伏聽之下恍然自失如夢初醒本若可信而無疑然反覆細玩所宣揚處實無往而非三王之極詣二帝之盛德數千年夢想不到之境豈意今日而恭逢有此盛會似又可疑而難信未幾蒙恩特發聖諭一章頒到長沙剖析宣示極盡詳明覺大德粹行如日月經天江河行地而不容掩較前所聞於大人者蓄德蘊道深弘廣備玩味更無窮盡焉復自湖南以抵京城一路所見風清景和文明燦爛民康物阜雍睦熙皞不覺心醉神移穆然遠思三

代而曠懷唐虞矣直至抵京更伏讀近年以來所頒示內外臣工聖諭若干卷廣
大淵深純粹至精蓋自殷盤周誥以後久矣未聞有此盛德至善發揮透闢到此
極處也由是思我皇上德量同天以螻蟻之微冒犯九五之尊自料萬死不足以
蔽辜而我皇上竟坦然於衷絲毫不怒到京卽超禁釋囚被以廣厦給以豐食疊
賜厚衣暑憫其熱寒恤其凍沛幾多殊恩厚澤於千古仁惠之主常法所不到之
外及至讞獄訊供則又刑措不用純以至誠至德感孚默化使民不期格而格竟
不知其所以然而然也於是實信聖德光明渾全毫無瑕累遺漏前謠傳所聞不
惟無其事無其影且不啻如天淵之懸隔南北之反向也加以一面翻閱呂留良
家藏日記諸篇其所以譏詆我朝者皆是無端妄捏立意毀詆實非虛心講論道
理見之言詞也乃知其立心既險爲術復巧平日所說春秋諸義開通於我朝者
不過借聖賢言語以爲題目肆逞其無忌憚之私見耳況春秋正義與今日不相
干涉者有寒暑晝夜之反哉靜思量到此如墜深淵覺天壤雖大無處可容搶地
號呼痛悔何及自咎數十年讀書辛苦修身砥行無非欲敦倫篤義俾或出或處

隨在有以盡己性分之常期無忝於名教以仰副朝廷作養之意并得有以報我父母鞠育之恩耳今一口身陷巨惡罪犯彌天生聖人之世竟不得爲聖人順則之民何顏立於世何面見乎人此種罪孽從何處造作從何處收贖填補以是不得不切齒忍恨於奸黨之造謗與逆說悖論之陷害生民者非小小事也於是廻審當身之義前之所以孟浪上書者爲心中無知惑於流言悖論爲當世求君起見今我朝旣如此得統之正溯其功德揆之道義篤過商周漢唐有不屑道而我皇上又如此道全德備超越千古雖以孔孟之聖處春秋戰國之時其所以汲汲皇皇奔走不暇欲引君當道致之堯舜者亦只爲不忍生民之苦求明聖之君以主治耳而今日現有堯舜之主在上實亘古未有之隆會生民無疆之福慶當其時者卽草木無知猶被榮而向化況身帶血氣者乎所慮在靜者罪大惡極雖有自悔自咎之誠自怨自艾之行剖心瀝肝亦惟恐後時不足以補既往之闕而仰希聖鑒於萬一斯爲可痛可悲耳豈尙有旁說剩義可以假借乎是今日之心悅誠服者正如赤子無知被人欺隱其父而尋父尋父未幾而適遇父遇父而相喜

以從父雖緣幸出於意外夢想所不到實乃當身之正義與從前誤聽誤信冒昧徧尋域中冀得聰明睿智能盡其性之聖人以爲生民主之心名違而實相合原出一轍特先迷而後得昨非而今是耳天經地義本不容泯而德盛物化尤不期然而然至性至情所發夫豈有所爲而爲之哉蓋以我皇上道如此之全德如此之備不惟居中定治處一統無外之下者所當服卽龍潛東海未飛未躍聞其聲教亦所當歸當服不惟今日寬仁不殺所當服卽按律治罪置身於極刑重典亦所當悅當服蓋生死事輕道義事重若審之於義有所不可雖極愚不肖又豈敢前既無知而犯莫大之罪後復隱忍苟活以壞生民之大義罪上加罪乎故今日之傾心順服非是貪生當身本無可據之義皇上之寬仁不殺實非廢法按罪實有可原之情特以德非堯舜則不能明照得情及此卽能明照得情及此亦必不能大公無我至是明照得情聖也大公無我也一舉而仁聖並盡此漢唐以後之賢君英主所萬不能到而必獨讓於唐虞三代之聖君哲后者也況尙有幾多盛世未開之令典生民未有之殊恩令民感戴無窮者乎此靜今日所以不徒

於語言傳聞間信我皇上之大德同天乃於當身經歷中親見我皇上之聖與堯舜並參也夫爲國以正名爲先名不正其弊至於禮樂不興爲學以定義爲大義不定其弊至於進退無據今我朝得統如此堂堂正正歷三千餘年而莫有能躋而列祖列聖之功德並非漢唐以來之賢君所能擬而讀書向道之士未聞有能出分毫氣力闡發其正大之名義申明其廣遠之功德使天下後世共見共聞以報貪德被功之大而盡已當身之職分斯已不能無愧於衷矣而反含憤嫉忌詆德若讐造爲悖論譎張妄說呶號以掩蓋其實而又甚焉徒使窮鄉晚進之士胸無定見但喜其議論之高峻而不審夫神聖之生總無常域遂將身爲其說所眩迷而不知返而山林清謹之士無從考其底裏尤見道不真擇義不精不知道之變易無方義例所值各有不同一聞當道有此名義退則恐得罪於當時進又慮見惡於聖賢徘徊歧路進退兩礙久之不得不托爲高蹈遠引之行以自放其輕世肆志之習其害理悖義而得罪於天也可勝道乎夫人同此耳目心思非甚無良斷無有貪德而不見爲德被功而竟忘其功生於聖世而不願爲聖人之氓者

今種種悖謬若此蓋爲名義莫明於心趨向莫知所定之所致推其極皆由呂留良之悖論在前錯認題目有以起之也。靜至愚不肖信其說最深受其禍極大以是犯罪彌天幸蒙天子仁聖體恤民隱曲諒無知得留殘喘以苟延歲月然惟其信之深是以於此中曲折知之甚悉抑惟其受禍大故於此中利害言之稍切乃敢忘其固陋詳述夫本朝得統之正直邁商周當今皇帝之德上參堯舜者以遍告焉伏望沉潛向學之士夫井蛙習見相觀於昭曠之途知覆載之大原無畛域神聖之鍾氣流愈遠天親民懷亦祇以其德其仁而初無額定九州之例則中外之說釋然矣放勳重華紹庥尙分二代文謨武烈盛德偉推二君而我朝極帝王之隆兼積累作述之全則治統道統之歸曉然矣堯舜生安而在上孔子以生安而益加好古敏求於下功在一世萬世不相兼也而皇上以堯舜之君道復備孔子之師道而天縱神奇絲綸直匹二典則心悅誠服之戴沛然矣猗歟盛哉麒麟鳳凰猶欲先覩爲快奇珍大貝尙冀一見爲榮今聖仁天子在上應非常之運具非常之才德成非常之勳華日月所照霜露所墜凡有血氣者莫不尊親而猶以

中外爲疑是天地本至大無外而人自以爲有外正如堯舜之治不過九州而人遂以爲九州之外不復有州而并疑鄴衍所論爲荒唐也豈不悖哉昔益之贊堯也曰乃聖乃神乃武乃文說者以爲惟其廣運是以變化莫測而形容之不盡竊嘗謂皇上帝之聖神文武由於仁孝誠敬之至而仁與孝敬之至又本於一誠之至是以克合天地之量克符天地之運而無有遠邇內外之間爲一元以內聖神文武之極誼也孟子曰至誠不動者未之有書曰百獸率舞易曰信及豚魚今上有至誠而下不以誠應是殆鳥獸昆蟲之不若也烏乎忍烏乎敢今而後凡爲臣民者益悟覆戴之無有限隔聖人之誕生無有中外君臣之大倫必不可逃毛土之深恩決不可背春秋義例因時審地天懸地隔而呂留良之逆說必當芟除今日之正義永有攸歸矣人人悖悅服愛戴之忱在在守孝子忠臣之分各自重夫人倫以全其天理之大公復我所性之固有常以靜之至愚不肖誤聽誤惑爲戒四海同化九州一德各安有道之天長享無疆之福斯不枉爲聖世之民而爲生人之大幸耳是爲說

版權所有

印刷所
香港書局

總發行所
仁社書局

代售處
各大書

(定價大洋五角)
大義覺迷錄

